

NOTAGANAGAXI ANE IDÍ JOÃO

João judeu. Libakedi me nomiigomi ijaa nioxa anodita Tiago. Negeniditediogi Jesus modiotibece, odaa jogoika me nomiigomigipi, odaa jogodiotibece. Jesus iolatedicoace nigijo negeniditediogi dooze goneleegiwadi anodiotibece. João jigijaa nigica Jesus ane dagaxa me yemaa, caticedi nigijo eledi anodiotibece. Liwigotigi nigijo dooze anodiotibece, ijokijo João baadogoyeloadi mijo minaaqina ane diotibece Jesus. Alaticicogi nigotaga Éfeso, odaa jigidiaa lemagadi dagaxa moxiigodi. João ijoa eletidi ane idí itiwatadigidi liwakateditigi loiigi Cristo codaa jeeepaa idí lotaganagaxi Apocalipse. (Awiniteloco miditaga Mateus 4.21; Marcos 1.19; Lucas 5.10; João 13.23; 19.26; 21.7,20,24).

João idí nagadi notaganagaxi eotibige nigina oko moyakadi moyiwaqadi Jesus me Lionigi Aneotedogoji, Nigijoa ane niige Aneotedogoji me Gonewikatitogodi. João iciaceeketege Jesus lotaga Aneotedogoji, nigijo Aneotedogoji maleekoka diigenatakate mowote inoatawece niginoa analeeginoa natigide. João yalaqata Aneotedogoji Godiodi me yexogotetege Jesus ane Lionigi. Codaa João eliodi me yalaqata nigica Liwigo Aneotedogoji. Ijoawaanigi godoxicegetedi ane yalaqatalo João, Jesus loenataka anoikee ane leegodi me icogotedibigimece ditibigimedi odaa jegenagi digoina iigo. João aagaga yalaqata nigica ane liigaxinaganegegi Jesus nigina meote

anigida godoxicegedi, codaa yalagata Jesus me ikee me nigijaa Gonewikatitogodi, codaa Jesus me diniciaceeketetege nigica paon aneo mewi me yewiga oko, codaa me nilokokena nigina iigo. João aagaga yalagata Jesus me nigijaa iwi anigoteta codaa me iloikatidi inatawece oko ane dogonakatoteda nigicota owidijegi noko. Eledi yalagatalo lawikodico Jesus, lemegegi, codaa anodaagee naga yewigatace.

Jesus oyatedigi me Lotaga Aneotedogoji

¹ Nigijoa anoyatedigi me Notaga akaaginiwa anigicatibige daga igo inoatawece niginoa ane jinataga. Odaa iniwa Nigijoa anoditalo me Notaga miniwataga Aneotedogoji, codaa iniaaginiwa Aneotedogoji. ² Akaaginiwa miniwataga Aneotedogoji maleedigicoateda inoatawece niginoa ane jinataga. ³ Aneotedogoji iige meote inoatawece niginoa ane jinataga. Agica idi ane daga loenatagiteda. ⁴ Okanicodaagica ane yewiga, yewiga leegodi Iniaaginiwa. Nigina meote lewiga oko, liciagi nagana lokokena ane ikeeta oko anewi. ⁵ Nagani lokokena idi miditaga nexocaga. Codaa nexocaga ayakadi daga ipeedi.

⁶ Nigijo eledi João anodita João Batista. Nigijo goneleegiwa liigexegi Aneotedogoji. ⁷ Aneotedogoji iige João me yalagata anodaagee nagaca lokokena, eotibige minatawece oko oyakadi moyiwaqadi nagaca lokokena, leegodi lotaga João. ⁸ Pida João anigijaa lokokena, pida enagi me yalagata nagaca lokokena. ⁹ Nigijoa

anepegewi me lokokena, ane nalotedeloco inatawece oko, jegenagi digoina iigo.

¹⁰ Odaa jiginaagitedice digoina iigo. Codaa jegepaa eote nigina iigo, pida nigina okotigi digoina iigo agoyowoogodi. ¹¹ Enagi miditaga nigidi epaa nipodigi, pida nigidi loiigi agodibatege. ¹² Pida ijotawece nigijo anodibatege Nigijoa ane lokokena, anonakato, Aneotedogoji бага yajigote nagatetigi me lionigipi. ¹³ Aleegodi ane licoegi eliododipi, codaa aleegodi eliododipi moyemaa lionigipi, eleditace aleegodi lowooko goneleegiwadi, pida ida aneetetege leegodi miniaaginiwa Aneotedogoji eote me gela lewiga.

¹⁴ Nigijoa anewi me Notaga dinanatedigi me goneleegiwa, odaa ja inaaqite mokotaga. Idioka limedi meletedogodomi, codaa me nikeetedogowa inoatawece anewi niginoa ane ikee anodaageeteda Aneotedogoji. Jinataga mida loniciwaga, leegodi mokiniwatece me Lionigi nigijoa Eliodi ane ideite ditibigimedi.

¹⁵ João Batista ijo me yalagatalo, mee, “Joaniginiaaginiwa anejitece nigijo meji, ‘Odaa nigidiaagidi nige leecawaanigi me jano, enagi ane dagaxa me gonegegi, aiciagi, leegodi akaaginiwa jotigide maleedaga janitini’ ”.

¹⁶ Idioka limedi mokotawece jibagatege ane icogotibigimece miniwataga ane dagaxa mele, leegodi dagaxa meletedogodomi. ¹⁷ Moisés najigotedogowa liigenatakanegeco Aneotedogoji, pida Jesus Cristo бага nikeetedogowa me godemaa Aneotedogoji, codaa eleditace nikeetedogowa anewi nigica anodaageeteda

Aneotedogoji. ¹⁸ Agica ini oko baanaga nadi Aneotedogoji. Pida oniniwatece Lionigi anidioka limedi me ipegitetege Eliodi, baaniginiaa nikeetedogowa anodaageeteda Aneotedogoji.

Latematigo João Batista

¹⁹ Joanigidaagee João eetece anodaageeteda Jesus, nigica naga oniige icoa lacilodi judeutedi midataga João nigijoa sacerdotitedi ijaagijoa leviitatedi. Niigexedi oicogoticogi manitaga nigotaga Jerusalém. Nigijo nogotota João, odaa jogoige modita, “Amakaami ida makaami?”

²⁰ João igenaga me dinelogodi, adiwitaka, negeetiogi, “Anegemegee Cristo, Nigijoa ane niige Aneotedogoji me godewikatidi”. ²¹ Odaa jogoigetace, modita, “Enice, amakaami? Akaami Elias?” Naga ninigodi meetiogi, “Anegemegee”. Nogoigetace, modita, “Anagakamagakaami ica ane yelogoditedibece lowooko Aneotedogoji, ane yalagata Moisés?” Odaa ja ninigodi meetiogi, “Anegemegee”. ²² Odaa jogoigetace, modita, “Enice igame eni makaami? Jopoogatibige me jowoogotaga anakaami me ininigotaga nigijo anetigodiige”.

²³ Igaanaga ninigoditiogi João, eetece nigijoa lotaga Isaías, nigijo liotagi Aneotedogoji ane yelogoditedibece lowooko Aneotedogoji. Odaa jegee,

“Ee nigina ane datematika midi nipodigi ane yadilo,
ane digica nigeladimigipi, anee,
‘Nigina bogoenitiwaji naigi ane igotetece
Goniotagodi’ ”.

²⁴ Nigidi ane igotibeci liigexedi fariseutedi jogoige João, ²⁵ Modita, “Meni dagakaami Cristo, nigicoa liigexegi Aneotedofoji me godewikatidi, codaa otegexaagaga akaami Elias, otegexaagaga akaami nigijo ane yelogoditedibece lowooko Aneotedofoji, ane yalagata Moisés. Enice, igaamee manilegenitiniwace oko?” ²⁶ Naga igidi João, meetiogi, “Ee бага jilegenagata ninyogodi. Pida digoina gadiwigotigitiwaji ini goneleegiwa ane digica mowoogotitiwaji. ²⁷ Nige leecawaanigi me jano, odaa jagagenagi ane dagaxa me gonegegi, aiciagi, otegexaagaga jakadi daga ee liotagi me jowilece leejetedi liwelatedi”. ²⁸ Nigica noko monigetice João idei digoida manitaga aca nigotakawaana ane liboonagadi Betânia, ane ideitice daato akiidi Jordão, aneite João me nilegetiniwace oko.

Waxacoco ane niwakatee Aneotedofoji

²⁹ Negeledi noko João ja naditege Jesus migo midataga. Odaa João jegee, “Digawinitege! Niginoa joaniginaaginoa Waxacoco ane niwakateetedigi Aneotedofoji, ane noga libeyacegeco inatawece oko digoina iigo. ³⁰ Jigijo me idalagatalo, nigijo meji, ‘Nige leecawaanigi me jano, odaa jagagenagi goneleegiwa ane dagaxa me gonegegi, aiciagi, leegodi akaaginiwa maleedigicatibige me janitini’. ³¹ Emegeeta agepece jowoogodi aniniwa. Pida janagi inilegetiniwace oko jatitiogi ninyogodi, jaotibige loiigi Israel moyakadi moyowoogodi anijoa”.

³²⁻³³ João egidaa diitigi me yalagatalo Cristo, mee, “Ee ajowoogodi nigica anijoa. Pida

Aneotedoꝑoji, ane idiige me jinilegetiniwace oko, jatita ninyoꝑodi, nelogotediwa, meetediwa, ‘Icota manati Liwigo Aneotedoꝑoji me dinikateloco lacilo goneleegiwa. Odaa nigidoa goneleegiwa jigidaagidoa ane ixotediwece oko Aneotedoꝑoji Liwigo me yajigota loniciwaga’. Ee jinadi Liwigo Aneotedoꝑoji me dinikatelogo Jesus icoꝑotibigimece ditibigimedi macataga yotibi. ³⁴ Ewi me jinadi nigida niciagi, odaa ewi nigijaagijoa Lionigi Aneotedoꝑoji”.

Odoejedi anodiotibece Jesus

³⁵ Negeledi noko, idiaagitace João icaagicoa itoataale anodiotibeci. ³⁶ Nigica naga naditece Jesus me ixomagatedijo, odaa jegeetiogi João, “Digawinitiwaji. Nigijoa digoida, nigijoa Waxacoco ane niige Aneotedoꝑoji”. ³⁷ Noꝑowajipata nigijo itoataale anodiotibeci, odaa jogoigalatece Jesus. ³⁸ Naga nilokotetege Jesus, odaa ja naditetege moigalatece. Odaa ja nigetediniwace, meetediogi, “Amiina ica anoleetibigetiawaji?” Odaa jogoigidi moditalo, “Rabi, igamei ica gadiḡeladi?” (“Rabi” nigina anejinaga “Goniigaxinoꝑodi”.) ³⁹ Jesus meetediogi, “Anagitiawaji, awini ane yotokaḡadi”. Odaa jigigotibeci, joꝑonadi ane lotokaḡadi Jesus. Odaa jigidiaagi miniwataga nigijo noko. Naga doletibige me deez lakata me nigoitijo.

⁴⁰ Onijoteci nigijoa itoataale ane wajipatalo lotaga João, ane igalatece Jesus, liboonagadi André, nioxa Simão Pedro. ⁴¹ Agica ane yopaḡadi André jigigo doletibige Simão nigijo nioxa. Naga yakadi, odaa jegeeta, “Ja jakataga Nigijoa ane niige

Aneotedoꝓoji me ɣodewikatidi, ane liboonagadi Cristo.” ⁴² Odaa André ja yadeegi Simão mini-wataga Jesus. Naga iwiteta Jesus, meete, “Nigida makaami akaami Simão, akaami lionigi João. Odaa natigide ja ɣaboonagadi Cefas”. (“Cefas” idaaɣida me “Pedro”, nigina anejinaɣata “wetiga”.)

Jesus eniditeta Filipe ijaa Natanael modiotibece

⁴³ Negeledi noko, Jesus ja lowoogo migo eledi nipodigi ane liboonagadi Galiléia. Odaa ja dakapetetege Filipe, odaa jegeete, “Anagi, aniwitibici!” ⁴⁴ Filipe elatibige nigotaga Betsaida, ane ligeladi André ijaa Pedro. ⁴⁵ Filipe ja doletibige Natanael, igaanaga yakadi, odaa meeta, “Jakataga iniwa ɣoneleegiwa ane liboonagadi Jesus, nigijoa lionigi José, nigelademigitigi nigotaga Nazaré. Moisés akaa idi nigica anodaageeteda maditaga lotaganagaxi liigenatakanegeco Aneotedoꝓoji, codaa me nigijo anoyeloɣoditedibece lowooko Aneotedoꝓoji oidi anodaageeteda miniwa.” ⁴⁶ Odaa mee Natanael, “Anigica jinadi oko anele anelatibige nigotaga Nazaré”. Odaa Filipe ja ninigodi, meeta, “Anagi, awini”.

⁴⁷ Naga naditetege Jesus Natanael menagi miniwataga, odaa mee, “Digawiniticogitiwaji digoida. Nigina ɣoneleegiwa yeloɣo melatibige Israel, codaa nigina ɣoneleegiwa ainaale eledi oko”. ⁴⁸ Natanael ja ige Jesus, meetalo, “Amiica ica madowoogoti?” Jesus naga igidi, meeteta, “Anigicatibige Filipe degeniditagawa, jinaditagawa midiaagoni anicooti libatadi nagada

niale ‘figoigo’ ”. ⁴⁹ Natanael meetalo Jesus, “Iniotagodi, nigida makaami, akaami Lionigi Aneotedogoji, jagakamagakaami ninionigi-eliodi godoiigi Israel”. ⁵⁰ Odaa Jesus meeteta, “Mige adadiwagati leegodi mejitagawa me jinaditagawa libatadi nagajo niale? Pida nigida makaami icota manati eletidi yoenataka ane dagaxa me libinienaga yayoketice nigida ananati”. ⁵¹ Eledi meeteta Jesus, “Ewi mejitagawatiwaji, icota manati me domoke ditibigimedi, odaa anatitiwaji niaanjededi Aneotedogoji igotibeci ditibigimedi, naga dinikatiniwace meetaga ane Ee, Goneleegiwa ane jicogotibigimece ditibigimedi”.

2

Jesus onode migo ica nadonegegi

¹ Naga ixomagatedijo itoataale nokododi meniditiedigi nigijo anodiotibece, jigijo ica nadonegegi manitaga nigotakawaana Caná, midi nipodigi Galiléia. Nagajo eliодо Jesuseledi idiaagi miditaga nigidi nalokegi. ² Odaa Jesus ijaagijo anodiotibeceeledi onodetiogi me igotibeci miditaga nadonegegi. ³ Igaanaga dinelio viinyo, odaa jigigo nagajo eliодо Jesus miniwataga, meetalo, “Ageeegica viinyo, ja ma”.

⁴ Odaa meeteta Jesus, “Eiодо. Aleeditibige madiigeni. Leegodi anigicota limedi me jikee ane Ee”. ⁵ Odaa nagajo eliодо Jesus jegeetiogi nigijoa niotaka, “Nigica ane i-iigetedagawatiwaji, odaagawii”. ⁶ Onidiwa icoa seete bootitedi nelecoli, idoatawece oyatita wetiga lamogo moyoe. Onadatecibeci yalitedini onaniteci

taalia liitilo ninyogodi. Niḡidi noiigi oibake niḡida ninyogodi niḡidoa bootitedi me diniwilegi lodoe Aneotedogoji, mina epaa lakatigi. ⁷ Niḡidiaagidi meetediogi Jesus niḡijoa niotaka, “Anoleenagati ninyogodi niḡidoa bootitedi”. Odaa jogonoleenagadi negepaa niolakatedi niḡidiwa bootitedi. ⁸ Odaa ja iigetace Jesus, meetediogi, “Natigide okateciḡica anogaa, adeegita ane dowediteloco nalokegi”. Odaa jogoyadeegita. ⁹ Odaa niḡijo ninyogodi ja viinyo. Igaanaga ici niḡijo ane dowediteloco nalokegi, ayowoogodi niḡica ane icogotigi niḡida viinyo. Pida ijokijoa niḡijoa niotaka anonoga niḡijo ninyogodi bogoyowoogodi ane icogotigi niḡijo viinyo. Odaa niḡijo ane dowediteloco nalokegi jegenidita niḡijo ane wado. ¹⁰ Meeta, “Niḡida moko ḡodakatigi modoejegi me jacipagata niḡina viinyo ane daḡaxa mele. Igaanaga eliodi me nacipaga niḡina ḡododenigipi, odaa jaḡaga jajicaga niḡina viinyo ane degewi ina mele. Pida akamaḡakaami ja moteteni niḡida viinyo anele, odaa natigide ekajici.”

¹¹ Joaniḡidaa niciagi digoida nigotakawaana Caná, midi nipodigi Galiléia, negeote Jesus odoejegi ḡodoxicegedi. Ikee nimawenegegi ane icogotigi miniwataga Aneotedogoji. Odaa niḡijo anodiotibece jегepaanaga oyiwaḡadi.

¹² Niḡidiaagidi Jesus ja lixiḡaḡawa, naḡajo eliodo, nioxoadipi, ijaḡijo niḡijo anodiotibece me dinikatiniwace manitaga nigotaga Cafarnaum. Odaa jiḡidiaaḡi onateciḡijoa nokododi.

Jesus igo Aneotedogoji ligeladi
(Mateus 21.12-13; Marcos 11.15-17; Lucas
19.45-46)

¹³ Naga nipegi ica lalokegi judeutedi anodita Páscoa, odaa Jesus jogopitacedibigimece manitaga nigotaga Jerusalém. ¹⁴ Igo minitaga Aneotedogoji ligeladi. Joanigidiaagi nigicotediogi goneleegiwadi anoyaa godinadi, waxacocoli, yotipitedi. Eledi icotediogi ica ane nicotiniwace moiikoagetema ninyeelo nigidi noiigi. ¹⁵ Odaa Jesus jegeote lalakenaganagadi waca-lolaadi, ja niticoitedice iditawece digoida we niogó Aneotedogoji ligeladi. Eletidi nixotedice nigijoa waxacocoli ijaagijoa godinadi. Odaa jagaga ilaagagaditedice nigijoa dinyeelo, ninyeelo nigijoa goneleegiwadi ane nicotiniwace moiikoage dinyeelo. Yamagatedini ijoa nameejatedi. ¹⁶ Odaa meetediogi nigijoa nanaanogododi yotipitedi, “Adeegitedicogi nigidiwa yotipitedi digoida wetice. Jinaga domagaleegawiitetiawaji ganoojetekegi digoina catiwedi Eiodi ligeladi micataga daga oojetekaxi eloodo.” ¹⁷ Odaa nigijo anodiotibece jogonalaqatibige nigijoa notaga maditaga lotaganagaxi Aneotedogoji, nigijoa notaga anee, “Dagaxa me jemaa gadigeladi, Inoenogodi. Nigida yemaanaganegegi ideloadi, micataga noledi daga yalegi catiwedi yaalegena.”

¹⁸ Odaa icoa lacilodi judeutedi jogoige Jesus, moditalo, “Awii godoxicegedi me anikeenitogowa ganagatetigi mawii nigida gadoenatagi?” ¹⁹ Naga igidi Jesus, meetediogi, “Niganikanititiwaji ligeladi Aneotedogoji, odaa inawacetacibige catiwedi itoatadigida nokododi”. ²⁰ Odaa

moditalo, “Nigini diimigi, ligeladi Aneotedogoji, yadeegi 46 nicaagape nogoigodi moyoe. Odaa nigida makaami agakati daganawacenitacibige catiwedi itoatadigida nokododi”. ²¹ Pida Jesus ageetetece nigini diimigi, Aneotedogoji ligeladi. Pida eeteta epaa lolaadi ane liciagi nigini Aneotedogoji ligeladi. (LeeGodi Aneotedogoji Liwigo me digeladetigilo.) ²² Igaanaga yewigatace Jesus, odaa nigijo anodiotibece jogonalagatibige mijo me yalagate nigijoa notaga. Odaa jegepaanogoyiwağadi Aneotedogoji lotaga, codaa moyiwağadi nigijoa notaga aneete Jesus.

Jesus yowoogodi anee oninitecibeci oko

²³ Nigijo me ideite Jesus digoida Jerusalém midi nalokegi anodita Páscoa, eliodi oko oyowoogodi me Niginiaaginiwa ane niige Aneotedogoji me godewikatidi, leegodi monadi godoxicegetedi aneote. ²⁴ Pida Jesus anakatotediogi, leegodi me yowoogodi anodaagee nigidi noiigi. ²⁵ LeeGodi miniwa ayopotedibigeeledi oko daga yelogoditalo anodaagee nigidi noiigi, Iniaaginiwa yowoogodi nigica ane lowoogo okanicodaağica oko.

3

Jesus dinotaganegetetege Nicodemus

¹ Ica goneleegiwa liboonagadi Nicodemus, one fariseu, codaa me lacilo judeutedi. ² Odaa ica enoale, jigigo dalitalo Jesus, odaa oneetalo, “Goniigaxinogodi. Jowoogotaga makaami niigaxinaganaga ane niige Aneotedogoji, igaataga ağica ane yakadi meote nigino a godoxicegetedi

libinienaga ane oeni, daaditigicoateda Aneotedogoji makaamitaga”.

³ Naga igidi Jesus, meeteta, “Ejitaḡawa niḡina anewi, anida ane jaoga. Aḡica ane yakadi me nadi ninioxigi Aneotedogoji nige daḡa gela menitacini.” ⁴ Odaa jeḡee Nicodemus, “Igame nimaweneḡegi ina ḡoneleegiwa oxiiḡodi me yakadi menitacini? Ayakadi mopitaciwece le eliodo oditaga jegenitacini.” ⁵ Naga ninigodi Jesus, meeteta, “Ejitaḡawa niḡina ḡogegi ḡoneḡegi. Niḡina oko idoka yakadi me dakatiwece ninioxadi Aneotedogoji nige dinilaatece niḡicoa loenataka ane beyagi, codaa nigeo Liwigo Aneotedogoji me yewiḡatace liwigo. Odaa ini Aneotedogoji Liwigo minitaga, odaa micataga niḡina oko daḡa gelatace menitini. Nige dinilege, ja ikee me dinilaatibece, codaa ja ika meote loenataka ane beyagi. ⁶ Niḡina ḡodolaadi dinoe leegodi ḡodiododipi. Pida ḡodiwigo aagaḡa dinoe leegodi Aneotedogoji Liwigo. ⁷ Enice jinaga domogopoo mejitaḡawa me leeditibige me gelatace maniitiniwace. ⁸ Micataga niḡina niocodi. Igo ane yemaa me diiticogi, codaa akaami akati majipaata layaageḡegi niocodi. Pida aḡowoḡoti niḡica ane icogoticogi, oteḡexaagaḡa niḡica ane diiticogi. Joanigidaagee inatawece niḡina oko Aneotedogoji Liwigo aneo me gelatace menitini liwigo”.

⁹ Naga iḡe Nicodemus meetalo, “Ig-amodaageeta?” ¹⁰ Naga ninigodi Jesus, meeteta, “Niḡida makaami akaami niigaxinaganaga ḡoneḡegitigi ḡodoiigi Israel. Aḡowoḡoti inoa anejitedaḡawa? ¹¹ Ejitaḡawa niḡina

anewi. Ejinaḡatece nigina ane jowoogotaga. Codaa jatematiḡa nigina ane jinataḡa. Pida akaamitiwaji aḡabaatege niginoa ḡodotaga. ¹² Codaa aḡiwagatiḡetiḡaji niginoa yotaga nigina mejitece niginoa aninoatigi digoina iḡo. Odaa amiida ica ḡanimaweneḡegitiwaji madadiwagati nigejitece aninoatigi digoida ditibigimedi? ¹³ Aḡica oko baaniḡica migo ditibigimedi. Emoka Ee, me Ee, Goneleegiwa midiaaḡejo digoida ditibigimedi, codaa jiḡidaa jicoḡotibigimece ditibigimedi.

¹⁴ Analakitibige Moisés niḡijo jotigide me nanyoketi niḡijo lakeedi ḡapileceḡe noenatagi, nanyoketi ditibigimedi iwogo digoida nipodigi ane yadilo. Odaa joaniḡidaaḡee leeditibige Ee, Goneleegiwa ane jicoḡotibigimece ditibigimedi, magaga etidayoketinece iwogo. ¹⁵ Amaleegaga inatawece nigina ane idadiwagadi, ida lewiḡa ane daḡadiaaḡica liniogo miniwataga Aneotedoḡoji.

¹⁶ Aneotedoḡoji eliodi me yemaa okotigi digoina iḡo, joaniḡidaa leegodi me yajigo niḡijoa oniniwatece me Lionigi lemaanigi, eotedibige minatawece nigina anoyiwagadi aḡalee nigo, pida jiḡida lewiḡa ane daḡadiaaḡica liniogo miniwataga Aneotedoḡoji. ¹⁷ Aneotedoḡoji niḡe Lionigi me yewikatidi inatawece oko. Aniḡe Lionigi me iwi, oḡitaḡa iloikatiditeda oko leegodi loenataka ane beyagi.

¹⁸ Nigina oko aneyiwagadi Aneotedoḡoji Lionigi, Aneotedoḡoji aḡalee iwi codaa ailoikatidi nigini oko. Pida nigina oko ane deḡetiḡagataka, baḡa iwi Aneotedoḡoji, codaa baḡa iloikatidi,

leegodi ageyiwaḡadi Liboonagadi oniniwatece me Lionigi Aneotedoḡoji. ¹⁹ Niḡijoa ane lokokena enaḡi minataga oko digoina iḡo. Pida niḡina oko dagaxa moyemaa nexocaga, aḡoyemaa lokokena, leegodi mowote niḡinoa ane beyaḡi. Odaa leegodi me doḡoyemaa lokokena, Aneotedoḡoji iwi, codaa iloikatidi niḡidi oko. ²⁰ Niḡina oko aneo ane beyaḡi, ayemaa lokokena. Codaa aḡenaḡi manitaga lokokena, leegodi ayemaa digica ane nadi niḡinoa loenataka ane beyaḡi. ²¹ Pida niḡina oko aneo niḡina ane iḡenaga, joaniḡiniaaḡenaḡi manitaga lokokena eotibige me yeloḡotelogo loenataka, leegodi eo ane yemaa Aneotedoḡoji”.

Jesus iniaa João Batista

²² Niḡidiaaḡidi Jesus ijaaḡijo anodiotibece jiḡigotibeci miditaga nipodigi Judéia. Odaa jiḡidiaaḡi onateciḡijoa seamaanatedi, Jesus ja iḡe niḡijo anodiotibece monileḡetiniwace oko. ²³ João baḡa idei digoida Enom, iḡegiteḡe Salim, leegodi digoida beḡeliodi ninyoḡodi. João aḡaga nileḡetiniwace oko anodiita. ²⁴ Maleediḡicatibige doḡoniwilo.

²⁵ Ica eledi anodiotibeci João joḡodinotigimadeteḡe icoa ḡoneleegiwaḡi judeutedi. Odinotigimadetigi lakatigi judeutedi me dinibinie lodoe Aneotedoḡoji. ²⁶ Odaa niḡijo anodiotibeci João anodinotigimadeteḡe judeutedi jiḡigotibeci miditaga João, modita, “ḡoniḡaxinogodi. Niḡijoa ane ideite makaamitaga daato akiidi Jordão, niḡijoa ane ḡadalakitalo, jiḡidaaḡidoa digoida nileḡetediniwace oko, codaa eliodi oko anodiitalo”.

²⁷ Naga ninigodi João, meetiogi, “Nigina oko idoka yakadi ganigica nige Aneotedogoji yajigote. ²⁸ Akamagakaamitiwaji owoogoti leegodi jigijo mejitagawa, ‘Maleedegemegee Cristo, Nigijoa ane niige Aneotedogoji me godewikatidi. Pida ee бага idiige Aneotedogoji maleedigicatibige menagi Cristo me joetece naigi’. ²⁹ Nigina ane wado, nagani awicije ane liomagata, ja nebi. Nigina lokaagedi nigina ane wado ninitibece nigina naga yowoogoditege lotaganegegi ane wado. Odaa ee idiniciaceeketegе nigina lokaagedi nigina ane wado, eliodi me idinitibeci. ³⁰ Igaataga leeditibige me leegitibigimece nagatetigi Cristo, odaa eemoda бага leeditibige me naxaceti iboonagadi”.

Ica ane icogotibigimece ditibigimedi

³¹ Nigijoa ane icogotedibigimece ditibigimedi dagaxa me gonegegi, agica ane nagaxatologo. Pida nigina anelatibige iigo, ida aneetege iigo, codaa eetece aninoatinigi digoina iigo. Pida Nigijoa ane icogotedibigimece ditibigimedi бага dagaxa me gonegegi, agica liciagi, leegodi icogotedibigimece ditibigimedi, agelatedibige nigina iigo. ³² Niginiwa eetetece niginoa ane nadi, codaa ane wajipate. Pida agewi ina mica ane dibatege lotaga. ³³ Nigina oko ane dibatege lotaga ikee mewi niginoa Aneotedogoji lotaga. ³⁴ Nigijoa ane niige Aneotedogoji, eetetece Aneotedogoji lotaga, leegodi Aneotedogoji agica liniogo me yajigote Liwigo. ³⁵ Aneotedogoji, ane Eniodi, yemaa Lionigi. Odaa yajigoteta nagatetigi me iige inoatawece. ³⁶ Nigina aneyiwaagadi Aneotedogoji

Lionigi jigida lewiga ane dagadiaagica liniogo miniwataga Aneotedogoji. Pida nigina ane daga dibatege Aneotedogoji Lionigi agica lewiga miniwataga Aneotedogoji, codaa Aneotedogoji bigidioka limedi me yelatetema nigini oko, codaa iloikatidi.

4

Jesus yotaganege aca iwaalo samaritaana

¹ Icoa fariseutedi ja nibodicaga Goniitagodi Jesus mepaga eliodi anodiotibece, codaa nilegetediniwace eliodi oko caticedi João. ² (Pida aniginiaa Jesus nilegetediniwace oko, pida nigijo anodiotibece baanigijaa onilegetiniwace oko.) ³ Igaanaga yowoogodi Goniitagodi nigijoa fariseutedi naga nibodicaga, odaa ja noditedicogi nipodigi Judéia, odaa jogopitedicogi nipodigi Galiléia. ⁴ Odaa anigotetece leeditibige me yakagiditedeloco nipodigi Samaria.

⁵ Odaa jigicotedicogi aca nigotaga anodita Sicar, ane ide i nipodigi Samaria. Nagani nigotaga ipegitege nigijo nipodigi jotigide gonelokodi Jacó ane yediatece nigijo lionigi ane liboonagadi José. ⁶ Joanigidiaagi nagaca nalice ocagataga loenata Jacó. Odaa ejime seis lakata me gocidi nigicotedicogi Jesus manitaga nalice, odaa ja nicotedini liniogotibece nagani nalice, leegodi Jesus ja dinigaaxe me diniwiaje.

⁷⁻⁸ Odaa nigijo anodiotibece Jesus jigigotibeci manitaga nigotaga odinoonetibige anoyeligo. Odaa aca iwaalo nigeladimatigi Samaria jigigo noa ninyogodi manitaga nalice. Odaa jegeeteta

Jesus naꝓajo iwaalo, “Adedianita ɣaninyogodi, jacipoda”.

⁹ Naꝓajo iwaalo naꝓa ninigodi, meetalo, “Iniwa-aagodi. Ica mabo-oo ɣadaalegena manipokitiwa ininyogodi, igaataɣa a-aami judeu, beɣeyo iwaalo samaritaana?” Naꝓajo iwaalo meetalo Jesus nigida ligegi, leegodi nigidi noiigi judeutedi ailaagatege noiigi samaritaanotedi.

¹⁰ Naꝓa ninigodi Jesus meeteta, “Dogowoogotawaanigi nigica ane yajigo Aneotedogoji, codaa dogowoogoti ane Ee, ane jipokotaɣawa ninyogodi me jacipe. Dogowoogoti, daɣanagawini anipokitiwa odaa ja jajigotaɣawa ninyogodi aneo lewiga oko”.

¹¹ Odaa naꝓajo iwaalo ja ninigodi Jesus, meetalo, “Iniwa-aagodi, aɣaca ɣadeo daɣa anogowaa ninyogodi, igaataɣa naɣani nalice le-eegitinece. Igame icogoteeniticogi ica ninyogodi aneo ɣodewiga? ¹² Domige daɣaxa ma-aami ɣoneɣegi, agodaɣa ɣadi-iiciagi jotigide ɣonelokodi Jacó, ane nenyagaditogodomi naɣani nalice? Ijaagijo wa-aakata ninyogodi naɣani nalice, li-onigipi, codaa me neijedi”.

¹³ Naꝓa ninigodi Jesus naꝓajo iwaalo, meeteta, “Okanicodaagica ane wacipeta ninyogodi naɣani nalice, icotaca me yeloadi ecibi. ¹⁴ Pida nigica ane wacipeta nigida ninyogodi ane jedianagatece, aɣaleegica daɣa yeloadi ecibi. Igaataɣa nigida ninyogodi ane jedianagatece liciagi nigina lacilotibige ninyogodi ane digica me ipe, ideite catiwedi oko laalegena, aneo lewiga oko ane daɣadiaagica liniogo miniwataɣa Aneotedogoji”.

¹⁵ Odaa nagajo iwaalo ja dipokotalo Jesus, meetalo, “Iniwa-aagodi, adedianita ica ninyogodi, amanagawi-iini age-ee ide-eemadi ecibi, odaa age-ee le-eeditibige daga janagoda jowedi digoina nalice”.

¹⁶ Odaa meeteta Jesus, “Emiita gadodawa, odaa adopilitijo”. ¹⁷ Odaa nagajo iwaalo ja igidi Jesus, meetalo, “Agicoda yodawa”. Odaa jegeete Jesus, “Analiiki gagegi menitiwa, ‘Agica yodawa’”. ¹⁸ Igaataga nigida makaami jigijoa ciinco gadodawadi, codaa nigini anini makaamitaga natigide agadodawa. Joanigidaa manaliiki meni me digica gadodawa”.

¹⁹ Meetalo Jesus nagajo iwaalo, “Iniwa-aagodi. Amina natigide ja jowoogodi ma-aami nigina anonelogoditogowa lowooko Aneotedogoji. ²⁰ Jotigide godaamipi odoogowetetalo Aneotedogoji ditibigimedi nagadi wetiga. Pida a-aamitiwaji judeutedi me-eenitogowa me le-eeditibige me jogowegatalo Aneotedogoji idokida digoida nigotaga Jerusalém”.

²¹ Naga igidi Jesus, meeteta, “Digawini liciagi. Iwagati anejitagawa. Icota noko nige dagadiaa ogeetetalo Aneotedogoji ditibigimedi nagadi wetiga, otegeaagaga manitaga nigotaga Jerusalém. ²² Nigina akaamitiwaji samaritaanotedi agowoogoti nigica anogeeteta. Pida nigida moko anoko judeutedi бага jowoogotaga ane jogeegata. Igaataga Aneotedogoji бага ikeetediogi judeutedi nigica anodaagee me yewikatidi oko. ²³ Pida enagi nigica noko codaa jigicota mina anodogetetalo Aneotedogoji catiwedi laalegena, joanigidiaagidi

anodogetetalo Aneotedogoji odatika liwigo, codaa jigidaagida anepegewi mejinaga. Igaataga Aneotedogoji ane Godiodi joaniginaa doletedibige oko liciagi modogetetalo. ²⁴ Aneotedogoji Niwigo. Joanigidaa leegodi me leeditibige nigina ane dogetetalo, me datika liwigo me dogetetalo, joanigidaa nigica gonimawenegegi anepegewi mejinaga me jooegatalo Aneotedogoji”.

²⁵ Odaa meetalo nagajo iwaalo, “Baga jowoogodi menagi Nigicoa ane libo-oonagadi Cristo, Nigicoa ane ni-iige Aneotedogoji me godatamagateetetege niginoa godaxakawepodi. Nigina nigenagi, odaa ja nelogoditedogowa inoatawece ane daga jowoogotagateda.” ²⁶ Naga igidi Jesus, meeteta nagajo iwaalo, “Jegemegee ane gadotaganegeni, Ee Cristo”.

²⁷ Acaagaca nagaca lakata jogonotalo nigijo anodiotibece. Odaa eliodi moyopo Jesus me yotaganege nagajo iwaalo. Pida agica ane ige, degeetalo, “Amiini anoleetibige?” Otegegaagaga oditalo, “Igame leegodi motaganegeni ajo iwaalo?”

²⁸ Odaa nagajo iwaalo ja yoya niboote. Odaa jigigo manitaga nigotaga, igo me yatematitiogi nigidi nigeladimigipitigi nagani nigotaga, meetiogi, ²⁹ “Diganagi, awi-iinitiwaji ini aaginaga eetece ijoatawece nigijoa baanaga jowee! Maniginiaaginiwa icoa Aneotedogoji ane ni-iige?” ³⁰ Odaa eliodi oko ja noditicoaci nigotaga, jigigotibeci miniwataga Jesus.

³¹ Maleedogototalo nigijo nigeladimigipitigi nigotaga, odaa nigijo anodiotibece jogoditalo Jesus, “Goniigaxinogodi, ele mecoготace aniodi”.

³² Pida naga ninigodi, meetediogi, “Ida ane jeligo, ane digicata mowooḡotitiwaji”. ³³ Odaa ja dinigetiwage, modi, “Manigicaa ane nadeegitalo liweenigi?” ³⁴ Odaa ja yeloḡoditediogi Jesus anodaa diitigi niḡijo ligegi, meetediogi, “Iweenigi anejita, niḡina me jao Aneotedoḡoji ane yemaa, ane idimonyatedicogi digoina iḡo, codaa niḡina me jigodi ibakedi ane najigotediwa. (Joaniḡidaa daḡaxa me jao niwaló odaa ja micataga daḡa iweenigi). ³⁵ Joaniḡidaa aneeta niḡijo nigegi, anee, ‘Eḡidiwatada cwaatolo epenaitedi nigepaa limedi monopilaḡaditedio nawodigijedi’. Pida ejitaḡawatiwaji anoleetibigimoace digawini nipodaḡa, nawodigijedi jeḡei, jeḡele me inopilaḡataḡatedio. ³⁶ Niḡijo ane libakedi me nopilaḡaditedio nawodigijedi dibatege nedianeḡegi. Idaagee niḡina ane nadeegi oko moyakadi lewiḡa ane daḡadiaaḡica liniḡo miniwataga Aneotedoḡoji liciagi niḡina ane nopilaḡaditedio nawodigijedi. Odaa idaagee niḡina aneyatedi Aneotedoḡoji lotaga, inaḡina niḡina ane yatecoḡotee oko moyakadi lewiḡa idokida liniḡegi. (Leegodi monadeegi oko miniwataga Aneotedoḡoji). ³⁷ Ewi niḡida nigegi anodita, ‘Ini oko anetanaga, iniaa eledi бага nopilaḡaditedio nawodigijedi.’ ³⁸ Natigide ḡadiḡenitiwaji memii anopilaḡaditedio niḡidiwa ane daḡa ḡatanigijegi. Eledi oko ane enanagaḡanaḡa, odaa akaamitiwaji aniboloiteeni niḡidi libakedi”.

³⁹ Eliodi samaritaanotedi niḡeladimigipitigi naḡani nigotaga joḡoyiwagaḡi Jesus leegodi lotaga naḡajo iwaalo, neḡeetiogi, “Eetetece ijoatawece

nigijoa baanaga jowee”. ⁴⁰ Igaanaga onotalo Jesus nigijoa samaritaanotedi, odaa jogodipokotalo midiaagite miditaga. Odaa jigidiaagite itoataale nokododi.

⁴¹ Odaa jigijotace eliodi oko anoyiwagadi Jesus leegodi mowajipatalo lotaga. ⁴² Odaa modita nagajo iwaalo, “Nigina natigide jegejiwagataga igaataga ja jajipaagatalo me dotaga, odaa agejiwagataga digidoka leegodi manatematiitedogowa. Pida ja jowoogotaga mewi niginiaaginiwa nigicoa Cristo, Nigicoa anenagi me Gonewikatitogodi”.

Jesus icilatidi lionigi ica goneleegiwa gonegegi

⁴³ Naga ixomagatedice nigijoa itoataale nokododi, Jesus ja noditedice nipodigi Samaria, odaa jigigo nipodigi Galiléia. ⁴⁴ Igaataga mee Jesus, “Nigina ane yelogoditedibece lowooko Aneotedogoji agodeemitetibige miditaga epaa nipodigi”. ⁴⁵ Igaanaga icotedicogi Jesus digoida Galiléia, nigijo nigeladimigipi ele modibatege. Leegodi nigidi okoeledi oicogoticogi mijotaga nigijo nalokegi anodita Páscoa digoida nigotaga Jerusalém, joanigidiaagonadite ijoatawece nigijoa Jesus loenataka.

⁴⁶ Odaa Jesus jogopitacedicogi digoida nigotaga Caná nipodigi Galiléia. Joanigidiaa yelite negeote ninyogodi me viinyo. Oninica goneleegiwa gonegegi nigeladimigitigi nigotaga Cafarnaum. Nigini goneleegiwa liotagi inionigi-eliodi. Nigijo lionigi nigini goneleegiwa deelotika digoida nigotaga Cafarnaum. ⁴⁷ Wajipatibece Jesus me icogotedicogi Judéia, odaa jiginiwatedigi Galiléia.

Odaa jigigo miniwataga Jesus, dipokotalo migo digoida Cafarnaum me icilatidi lionigi, leegodi jona doletibige me yeleo. ⁴⁸ Odaa meeteta Jesus, “Idoka adadiwagatitiwaji nigina manati niginoa godoxicegetedi libinienaga aniniokiniwateda Aneotedogoji me yakadi meote”. ⁴⁹ Odaa nigijo goneleegiwa ja dipokotacalo Jesus, meetalo, “Iniotagodi. Adinageni managi maleedaga yeleo ionigi”. ⁵⁰ Naga ninigodi Jesus, meeteta, “Opiliticogi gadiyeladi. Gadionigi ayeleo.” Odaa nigijo goneleegiwa jegeyiwaagadi nigijoa lotaga Jesus, odaa jogopiticogi ligeladi. ⁵¹ Igaanaga opiticogi ligeladi, naigitece ja dakapetege liotaka. Odaa modita, “Gadionigi ja ici.” ⁵² Odaa ja digikatece nagaca lakata naga ici lionigi. Nogoninigodi, modita, “Jotigi-noko, seete lakata menoale naga ika dapicogo-lolaadi”. ⁵³ Odaa nigijo goneleegiwa ja nalagatibige nagajo lakata negeeteta Jesus, “Gadionigi ayeleo.” Odaa nigijo goneleegiwa codaa me iditawece loiigiwepodi jogoyiwaagadi Jesus.

⁵⁴ Jigitoataale Jesus meote godoxicegetedi digoida Galiléia, negeno me icogotedicogi Judéia.

5

Jesus icilatidi ica alejaado ane dagadiaa ditinege

¹ Nigidiaagidi jigijo ica nalokegi, lalokegi judeutedi. Odaa Jesus ja dowicetedibigimece nigotaga Jerusalém. ² Catiwedi nagani nigotaga onani aca niwilana ane nolee ninyogodi. Anitawece diniwotaa, idoa ciinco lapoaco aninoa liwalajoli. Nagani niwilana ipegitege nigica

lapoagi-nelegi nigotaga, ane liboonagadi “Lapoagi waxacoco.” (“Betesda” liboonagaditigi nioladi judeutedi nagani niwilana.) ³ Owidi eelotaginadi ane iwotinigi iigo midoataga lapoaco nagani niwilana. Idiwa goladi, idiwa alejaadotedi, codaa inoa ane dagadiaa mewaligi. Iditawece oibeo nigini ninyogodi me ditinege. ⁴ Igaataga modi mida noko me dinikatini nigica aanjo aneote me ditinege nigini ninyogodi. Odaa nigina eelotaginaga anepaga odoejegi me waxoditinigi ninyogodi ja ici okanicodaaagica ane latopagi leelotagi. ⁵ Idiaagiwo ica goneleegiwa eelotaginaga. Jonegeote 38 nicaagape me deelotika. ⁶ Jesus naga naditedeloco nigidi goneleegiwa, odaa ja yowoogodi naga leegi midi me deelotika. Odaa ja ige Jesus, meeteta, “Emaani me gadicili?”

⁷ Odaa meetalo Jesus, “Iniotagodi. Agica ane idokoletinigi ninyogodi nigina nigicota me ditinege. Nigina naga domegeji me jaxoditini, pida jigidi eledi eelotaginaga odoejegi me waxoditini”.

⁸ Meeteta Jesus, “Adabititi. Abaata gagelate, odaagawaligi”. ⁹ Odaa agica daga leegi nigijo goneleegiwa ja ici. Naga dibata ligelate, odaa jegewaligi. Nigijo noko saabado naga icilatidi Jesus nigijo goneleegiwa alejaado.

¹⁰ Odaa nigijoa lacilodi judeutedi modita nigijo goneleegiwa, “Nigina noko me saabado. Gonajoinaganegeco agadikani moyagati gagelate nigina me saabado”. ¹¹ Naga ninigodi nigijo eelotaginaga baanaga ici, meetiogi, “Nigijoa goneleegiwa ane idicilatidi joanigijaa idiige,

meetediwa, ‘Abaata gagelate, odaagawaligi’ ”.
¹² Odaa modita, “Amiijo ica ane gadiigeni mabaata gagelate, odaagawaligi?” ¹³ Pida nigijo goneleegiwa ayowoogodi ane icilatidi. Igaataga dagaxa meliodi oko, codaa Jesus agaleegicoa, jogopi.

¹⁴ Nigidiaagidi Jesus jigicote nigijo goneleegiwa catiwedi Aneotedogoji ligeladi. Odaa jegeeteta, “Digawini, nigida makaami ja gadicili. Odaa jinaga domagaleegawii gadoenatagi ane beyagi, adigicatace ganinyaagi caticedi nigijo aneni”.

¹⁵ Odaa nigijo goneleegiwa ja noditice, jigigo midiwataga nigijoa lacilodi judeutedi. Odaa ja yelogoditiogi me Jesus nigijo ane icilatidi.

¹⁶ Odaa jigidaa oyatedigi moiatetedibeci Jesus, odoletibige nimawenegegi moyeloadi leegodi me icilatidi nigijo goneleegiwa me saabado.

¹⁷ Meetediogi Jesus, “Eiodi diba codaa nigina natigide, joanigidaa leegodi magaga jiba”.

¹⁸ Joanigidaa leegodi nigijoa lacilodi judeutedi negepaanaga odoletibige moyeloadi Jesus. Igaataga odiletibige daataga yoteteteda nigijo niigenatakanegegi leegodi saabado, eleditace leegodi nigina mee me Eliodi nigicoa Aneotedogoji, odaa diniciaceeketetege Aneotedogoji.

Ica naɣatetigi Jesus

¹⁹ Odaa Jesus ja igidi nigijoa lacilodi judeutedi anodakapetege, yalagate me Aneotedogoji Lionigi, negeetediogi, “Ejitaɣawatiwaji nigina anewi. Aneotedogoji Lionigi dogokiniwatece ayakadi meote ganigica. Pida eote inokina nigina

ane nadi Eliodi meote. Inoatawece niginoa Eliodi aneote, Lionigi eledi eote. ²⁰ Igaataga Eliodi yemaa Lionigi, ikeeteta inoatawece niginoa aneote. Codaa icota me ikee eletidi loenataka ane dagaxatace me libinienaga caticedi niginoa eletidi loenataka, anopootiwaji. ²¹ Digo mijoataga Eliodi me yewikatidi niginoa émagaga, meotace me newiga, Lionigi idaagee eote me yewigatace nigina ane yemaa me yewikatiditace. ²² Iniaaginiwa Eliodi aiwi ane igote oko, pida yajigote Lionigi idatawece nagatetigi me iwi oko anee, odaa jegepaa yowoogodi anigote. ²³ Eotedibige minatawece oko odeemitetibige Lionigi, liciagi anodigotalo Eliodi modeemitetigilo. Nigina ane daga deemitetigilo Aneotedogoji Lionigi, odaa adeemitetigilo Eliodi ane niige.

²⁴ Ejitagawatiwaji nigina anewi. Nigina ane wajipatalo yotaga, odaa eyiwagadi Nigijoa ane idimonya, joaniginiaa ida lewiga miniwataga Aneotedogoji ane dagadiaagica liniogo. Aneotedogoji agalee iwi ane igote, otegeaagaga icata lawikodigi, pida ja iwoko némaga, ja yewiga. ²⁵ Nigida anejitagawatiwaji, ewi. Enagi noko, codaa jigicota niginoa émagaga mowajipata ligegi Aneotedogoji Lionigi, odaa ja newigatace. ²⁶ Eiodi liciagi nigina lacilotibige ninyogodi, leegodi jiginiaageote oko me yewiga. Joanigidaa me najigotediwa Ee Lionigi me jao oko me yewigatace. ²⁷ Najigotediwa inagatetigi me jiwi anejigota oko, igaataga Ee, Goneleegiwa ane jicogotibigimece ditibigimedi. ²⁸ Jinaga

adinopootiwaji leegodi niginoa anejitedagawa. Igaataga icota nigica noko mowajipata igegi inoatawece niginoa émagaga. ²⁹ Noditicoaci libecoli. Nigijo anowo anele, newigatace, codaa idiokaanaga limedi me newiga miniwataga Aneotedogoji. Pida nigijo anowo ane beyagi eledi newiga, pida bigidioka limedi me nawikodeega.” (Odibatege lawikodico ane digica liniogo.)

Ica anooke aniniwa Jesus

³⁰ Egidaagee me notaganegetediniwace Jesus, meetediogi, “Ajakadi me jao ganigica moka eetece. Pida idioka limedi me idiwoditema Eiodi ligegi nigina modinigetiwa nigina oko me jiwi anodaagejigotiogi. Nigina me jiwi anejigota nigina oko, jao nigina ane igenaga, leegodi ajoletibige daga jao ane emaga jemaa. Pida joletibige me jao ane yemaa Eiodi, ane idimonya.

³¹ Degemokee mejitece ane Ee, daganagawini nigina oko agodibatege yotaga. ³² Pida jigijo eledi oko ane yelogoditibece anodaageji. Jowoogodi mewi niginoa ane yelogoditedibece anodaageji.

³³ Akamagakaamitiwaji iigeni oko moige João. Odaa João jegeetiogi nigica anewi. ³⁴ Ajopotibige eledi oko daga yelogodi anodaageji. Pida ejitece niginoa yotaga, amaleegaga eote Aneotedogoji gadewiga miniwataga.

³⁵ João liciagi nagana noledagaxi ane ibake giliojeenio, anoyalegi, odaa jigidi. Odaa onatecigijoa nokododi jegemaani maniniitibecitiwaji leegodi nigijoa liigaxinaganegeco, ane liciagi nagana noledagaxi. ³⁶ Pida ini eledi aneetece anodaageji, codaa бага dagaxa me gonegegi

nağaxatologo nigijoa João lotaga aneetece anodaageji. Igaataga nigida ibakedi Eiodi ane najigotediwa nigepaa jigodi, joanigidaa ikee niginiaaginiwa ane idimonya, codaa ikee ane Ee. ³⁷ Iniaaginiwa Eiodi ane idimonya, eledi eetetece anodaageji. Pida nigida makaamitiwaji anigica dagajipaatalo me dotaga, oteğexaagaga icoateda manati anodaageeteda. ³⁸ Lotaga Eiodi ağıcoa catiwedi gadaalegena, igaataga ağıadadiwağatitiwaji, ane Ee liğexegi. ³⁹ Eliodi malomegenitelogotiwaji Aneotedoğoji lotaga, odaa jağaleetibigetiwaji diğidioka limedi me gadewiki leegodi meliodi malomegenitelogo Aneotedoğoji lotaga. Idiaağidiwa Aneotedoğoji lotaga oyalagatiwa anodaageji. ⁴⁰ Pida nigida makaamitiwaji ağıemaani managi meetaga, daganagi daganagawini ida gadewiğa ane dağadiaağica liniogo.

⁴¹ Ajoletibige dogodeemitetibigiji nigina oko. ⁴² Eliodi me gadowoogotitiwaji. Codaa jowoogodi me degemaanitedatiwaji Aneotedoğoji catiwedi gadaalegena. ⁴³ Nigina me janagi, Eiodi idiğe, pida ağıabaatigitiwaji. Pida degenagi eledi ane ibake anepaa nağatetigi, odaa bağabaategetiwaji. ⁴⁴ Igame ganimawenegeğitiwaji me iwağatakani? Ane gademaanigi midokida madiniweniğidenitiwagetiwaji. Pida nigida makaamitiwaji ağıoletibige Aneotedoğoji me gadiweniğidenitetiwaji. Aniniokiniwateda me Aneotedoğoji, ağıca eledi. ⁴⁵ Jinagaletibigetiwaji dağakaami yakapedipi, dağa jotağatibigağaji miniwataga Eiodi. Pida Moisés baaniğijaa

gadajicitiwaji, leegodi manibeeonitegetiwaji liigaxinaganeegegi meo gadewiga. ⁴⁶ Igaataga digiwagatitetiwaji nigijoa Moisés lidiko, daganagawini adinakatonitiwaji, igaataga Moisés jegepaa idi anodaageji. ⁴⁷ Pida nige daga iwaagatitedatiwaji nigijoa ane iditedini Moisés, odaa idaagee agiwagati nigino a yotaga”.

6

Jesus niodegetediniwace noiigi-nelegi
(Mateus 14.13-21; Marcos 6.30-44; Lucas 9.10-17)

¹ Nigidiaagidi ja digetedita Jesus ica weiigi-nelegi anodita “Niweiigi Galiléia”. Eledi liboonagadi nigidi weiigi me Tiberíades. ²⁻⁴ Ica lalokegi judeutedi anodita Páscoa jigipegiteloco. Odaa ica noiigi-nelegi jogaigalatece Jesus, leegodi monadi nigijoa godoxicegetedi aneote nigijo me nicilatiditediniwace eelotaginadi. Odaa Jesus ja dalagatetedibigimece ica lojotagadi, odaa jigidiaa nicote ijaagijo anodiotibece.

⁵ Igaanaga noletedini Jesus, odaa ja naditetege ica lapo-nelegi ane odiitalo. Odaa Jesus jegeete Filipe, “Igametaga jakataga liweenigi ina noiigi-nelegi?” ⁶ Pida eote Jesus nigida ligegi onidaagida me dineeteta Filipe, igaataga Iniaaaginiwa ja yowoogodi nigica aneote.

⁷ Odaa jegee Filipe, “Onidaagida me inedi-anagatiniwace mokateciḡinitibige, odaa domaga jopoogatiḡibige caticedi miniwata taalia beexotedi me jinoojeteeḡatigi paon”.

⁸ Odaa nigijo ane-diotibece, ane liboonagadi André, nioxa Simão Pedro, meetalo Jesus, ⁹ “Ini lioneege digoina idiwa ciinco nipaantedi noenataka oyatita ‘cevaada’, idiaagidiwa itiwataale nogojedawaanaga. Pida onateciḡidiwa agabotema nigina noiigi-nelegi”.

¹⁰ Odaa jegeetediogi Jesus nigidi anodiotibece, “Enitiogi iditawece nigidi noiigi-nelegi monicoteloco nadegocawaanigi”. Eliodi nadegocawaanigiteloco anei. Odaa ijotawece ja nicotiniwace. Onicoa ciinco miili goneleegiwadi minitaga nigijo lapo (we iwaalepodi inaa nigaanigipawaanigi). ¹¹ Igaanaga iditawece nicotiniwace, odaa Jesus ja dibate nigijoa ciinco paantedi, odaa ja diniotagodededibigimece Aneotedoḡoji. Naga ninoketedini nigijoa paantedi, odaa ja yajigotediogi nigijo anodiotibece monediatiniwace iditawece nigijo oko ane nicotiniwace. Odaa idaagigote nigijoa itiwataale nogojedawaanaga. Odaa negepaa lica me niodaga nigijo oko. ¹² Igaanaga nitiminaga, odaa jegeetediogi Jesus nigijo anodiotibece, “Atecoḡoteeni inoa liwailidi ane iigotedice adaganiadi”. ¹³ Odaa jogoyatecoḡotee nigijoa liwailidi paantedi ane iigotedice lapinaga nigijo noiigi-nelegi. Odaa nigijoa liwailidawaanaga anonioda nigijo anodiotibece Jesus noleenagadi dooze etacanitedi nelecoli.

¹⁴ Nigijo oko anonadi nigijo ḡodoxiceḡedi libinienigi aneote Jesus, modi, “Odaa agalee jawienatakanaga niginiaaginiwa, Nigicoa ane yeloḡoditedibece lowooko Aneotedoḡoji, ane niigetedicogi Aneotedoḡoji digoina iigḡo”.

¹⁵ Igaanaga yowoogodi Jesus mewi modoletibige moyadeegi me domogowo me inionigi-eliiodi, odaa ja dinogatedice, jogopitacedibigimece nigijo lojotagadi, pida onanigijoatece.

*Jesus ewaligitedeloco ditibigimedi ninyogodi
(Mateus 14.22-33; Marcos 6.45-52)*

¹⁶ Igaanaga dawike, nigijo anodiotibece Jesus ja dinikatiniwace negepaa miditaga weiigi. ¹⁷ Odaa jogowaxoditinigi niwatece, jigigotibeci digetitacicoace manitaga nigotaga Cafarnaum. Ja leegitece gocidi, ijaa Jesus anigicoa micotediogi. ¹⁸ Odaa jogodakapetege ica niwocotaga, jegeote ebekadi nelecoli. ¹⁹ Ejinaaga domaga seis leegoa me nolaakanaga, odaa jogonaditege Jesus. Ewaligitedeloco ditibigimedi ninyogodi. Nigipegite nagajo niwatece, odaa jegepaanaga doitibigiwaji, leegodi agoyowoogodi me Jesus. ²⁰ Negepaageetediogi, “Jegemegee. Jinagadoiitiwaji!” ²¹ Odaa ja nixomagatice laadi, jogoyexagatedi catinedi liwatece. Odaa agica daga leegi nagajo niwatece jigicoticogi daato anoyemaa me diiticogi.

Ica noiigi-nelegi odoletibige Jesus

²² Naga nigoi nigijo oko ane nenyagatiniwace daato weiigi, nigidi noiigi oyowoogodi mokajotece nagajo niwatece anidiaagi miditaga. Codaa oyowoogodi me digicoateda Jesus me waxoditedini mijotaga nigijo anodiotibece, codaa agicoa Jesus mijotaga nigijo anodiotibece naga noditice nagajo niwatece. ²³ Pida icoa eletidi niwateceli anokaga, ane icogoticogi nigotaga Tiberíades. Nigidiwa niwateceli jogodipecti nigijo anei nigijo lapo-nelegi

moyeligo paontedi ane yediatetece Goniotagodi Jesus, naga igodi me diniotagodete Aneotedogoji.
²⁴ Igaanogonadi me digicoateda Jesus ijaagijo anodiotibece nigijo aneiticoace, odaa nigijo laponelegi jogowaxoditinigilo nigijoa niwateceli, odaa jigigotibeci nigotaga Cafarnaum odoletibige Jesus.

Jesus diigaxinatetece ica niginiaaginiwa ica paon aneo oko me newiga

²⁵ Odaa nigijo lapo-nelegi jogoyakadi Jesus daato weiigi. Odaa jogoige, moditalo, “Goniigaxinogodi. Igaatigi ica naganooticogi ina?”
²⁶ Naga ninigodi Jesus, meetediogi, “Ejitagawatiwaji nigina anewi. Nigida makaamitiwaji agoleetibigiji leegodi manati nigijoa godoxicegetedi ane jaote (oditaga jegemaanitiwaji madinakatoni ane idimonya Aneotedogoji). Pida nigida makaamitiwaji oletibigijitiwaji leegodi melici nigijoa paontedi ane jediatagadicitawaji, odaa ja gaditiminitiwaji.
²⁷ Jiniginoka adineloati mabaa makati gaweenigi anepaga ma. Pida adinoniciwagatitiwaji makati gaweenigi anepaga daga dinelio, aneo gadewiga miniwataga Aneotedogoji ane dagadiaagica liniogo. Ee, Goneleegiwa ane jicogotibigimece ditibigimedi, jegemaga jajigotagawatiwaji nigida niweenigi, igaataga Eiodi, Aneotedogoji, ja ikee me najigotediwa inagatetigi.”

²⁸ Odaa jogoige Jesus, moditalo, “Amiini ica ane leeditibige me jaoga ica ane yemaa Aneotedogoji?”
²⁹ Naga ninigodi Jesus, meetediogi, “Nigica nibakedi ane leeditibige mawii, ane yemaa Aneotedogoji, yemaa nigina

me iwaḡatitiwaji niḡiniwa Aneotedoḡoji ane nimonyatedaḡawa”. ³⁰ Odaa moditalo, “Amiida ica ḡodoxiceḡedi libinienigi anawii, odaa jeḡejiwagaḡa niḡinoa ḡadotaḡa? Amiida ica anawii me jinataḡa? ³¹ Jotigide ḡodaamipi me ide i midi nipodigi ane yadilo, oyeligo niḡijo paon ane icogotibigimece ditibigimedi anodita ‘maná’. Igaataḡa mee Aneotedoḡoji lotaḡa, ‘Ja yajigotediogi loiigi paon ane icogotibigimece ditibigimedi analee oyeligo’ ”.

³² Odaa jeḡeetediogi Jesus, “Ejitaḡawatiwaji niḡina anewi. Aniḡijaa Moisés ane yajigo paon ane icogotibigimece ditibigimedi moyeligo jotigide ḡodaamipi. Pida Eiodi baaniginiḡaa yajigo paon anewi me icogotibigimece ditibigimedi. ³³ Igaataḡa paon ane yajigo Aneotedoḡoji jiginiaḡiniwa niḡiniwa ane dinikatedini icogotedibigimece ditibigimedi, aneote lewiḡa oko digoina iigo”. ³⁴ Odaa joḡodipokotalo, moditalo, “Goniotagodi. Enice ḡodedianeḡegitece inoatawece nokododi niḡica paon anenita”.

³⁵ Odaa jeḡeetediogi Jesus, “Jegemeḡee paon aneo lewiḡa oko. Odaa niḡina anenagi meetaḡa ja micataḡa daaditaḡadiaa nigicile. Codaḡa ane idadiwaḡadi ja micataḡa daaditaḡadiaa yeloadi ecibi. ³⁶ Odaa jeḡejitaḡawatiwaji me daḡadadiwaḡati, idaḡida naḡa domagaḡati. ³⁷ Inatawece niḡina oko ane najigotediwa Eiodi, enagitibeci meetaḡa. Niḡina anenagitibeci meetaḡa, ajiticoiticoace. ³⁸ Igaataḡa aidinikati me jicogotibigimece ditibigimedi daḡa janagi jao inokina niḡica ane emaga jemaḡa, pida idinikati

me janagi jao ane yemaa Aneotedogoji, leegodi jiginiia idimonya. ³⁹ Codaa jigidaa yemaa Eiodi, ane idimonya. Yemaa me digicata ane jiniaditema inatawece nigina ane najigotediwa. Pida yemaa me jewikatiditace iditawece nigicota owidijegi noko. ⁴⁰ Joanigidaa ane yemaa, Nigijoa ane idimonya. Yemaatedibige minatawece nigina anonadi Lionigi Aneotedogoji, odaa oyiwaqadi, modibatege lewiga miniwataga ane dagadiaagica liniogo, codaa me jaotace me newiga nigicota owidijegi noko”.

⁴¹ Odaa icoa judeutedi ja notaganagateloco odakapetege Jesus leegodi nigijo meetediogi, “Ee paon ane icogotibigimece ditibigimedi”.

⁴² Odaa modi, “Idoa anigidaagidoa ijoa Jesus, lionigi José? Godowoogotagipi nigijo eliododipi. Igaamee ina me yakadi mee me icogotedibigimece ditibigimedi?”

⁴³ Igaanaga ninigodi Jesus, meetediogi, “Jagabo motaganitibecetiwaji. ⁴⁴ Inoka

yakadi menagi meetaga, nigina Eiodi ane nadeegitediwa. Eiodi ane idimonyatedinigi nigina iigo. Odaa nigina anenagi meetaga jewikatiditace nigicota owidijegi noko. ⁴⁵ Nigijo jotigide nigijo anoyelogoditedibece lowooko Aneotedogoji, oiditini, ‘Aneotedogoji iigaxi inatawece oko’. Inatawece nigina anowajipatalo Eiodi liigaxinaganegeco, joaniginaagenagitibeci meetaga. ⁴⁶ Ageji daantigica ane nadi Eiodi. Pida emoka Ee ane jicogotibigimece miniwataga Aneotedogoji, бага jinadi Eiodi.

⁴⁷ Jemaa mejitagawatiwaji nigina anewi.

Nigina ane idadiwagadi idiokaanağa limedi me yewiğa miniwatağa Aneotedoĝoji. ⁴⁸ Jegemegee paon aneo oko lewiğa ane dagadiaagica liniogo. ⁴⁹ Jotigide gadaamipi oyeligo maná midi nipodigi ane yadilo. Pida biğidokee me nigo. ⁵⁰ Pida nigina ane yeligo paon ane icoĝotibigimece ditibigimedi baadagadiaa yeleo. ⁵¹ Ee jegemegee paon ane icoĝotibigimece ditibigimedi aneo oko lewiğa ane dagadiaagica liniogo. Nigica ane yeligo niğidi paon, odaa idiokaanağa limedi me yewiğa miniwatağa Aneotedoĝoji. Niğidi paon ane jajigo, yolaadi, jaotibige okotigi nigina iigo moyakadi lewiğa.”

⁵² Odaa niğijo judeutedi ja dinotigimadetiwege, modi, “Igamodaagee idoa goneleegiwa ina mee me yakadi me najigotedoĝowa lolaadi me jel-icağa?”

⁵³ Odaa jegeetediogi Jesus, “Ejitağawatiwaji nigina anewi. Nige degelicitatiwaji lolaadi Goneleegiwa ane icoĝotibigimece ditibigimedi, ane Ee, codaa nige dagacipetalo yawodi, niğida makaamitiwaji agica gadewiğa ane dagadiaagica liniogo miniwatağa Aneotedoĝoji. ⁵⁴ Pida nigina ane yeligo yolaadi, codaa me wacipetalo yawodi, biğidiokaanağa limedi me yewiğa. Codaa jewikatidi nigicota owidijegi noko. ⁵⁵ Igaatağa yolaadi bağa paon anewi me yaagadi me ĝodigicile, codaa yawodi ĝodacipağadi anewi me yaagadi me ĝodeloadi ecibi. ⁵⁶ Nigina ane yeligo yolaadi, codaa ane wacipetalo yawodi, idiokaanağa limedi mini meetağa, codaa ite Ee minitağa. ⁵⁷ Eiodi anida nimawenegegi meote

me yewiga okanicodaagica oko, joaniginiaa ane idimonya. Odaa jiginiaagaga leegodi me idewiga. Odaa idaaagee nigina ane yeligo yolaadi, codaa me wacipetalo yawodi, idiokaanaga limedi me yewiga miniwataga Aneotedogoji, Ee leegodi. ⁵⁸ Joanigidiaa paon ane dinikatini icogotibigimece ditibigimedi. Aliciagi nigijo paon anoyeligo jotigide gadaamipi, igaataga agaleegica me newiga. Pida nigina ane yeligo paon ane Ee bigidiokaanaga limedi me yewiga”. ⁵⁹ Jesus eetetece niginoa notaga nigijo me diigaxinaga manitaga liiakanagaxi judeutedi digoida nigotaga Cafarnaum.

Notaga aneo lewiga oko

⁶⁰ Eliodi nigijo oko anodiatece nogowajipatalo nigijoa lotaga, modi, “Niginoa lotaga galadi, dakaketibige me jibagatege. Amiijo ane yakadi me dibatege inoa lotaga?” ⁶¹ Agica ane yelogoditalo Jesus, pida ja yowoogodi nigidi noiigi anodiatece moyalomege, dinotigimadeti-wage leegodi nigijoa lotaga. Joanigidaa leegodi me nigetediniwace, meetediogi, “Manigicaa jao mileenitomi leegodi ijoa yotaga? ⁶² Amiida ica gadowoogotiwaji dagadati Ee, Goneleegiwa ane jicogotibigimece ditibigimedi, nige jopitibigimece ditibigimedi anejo maleedaga icatibige daga janagi digoina iigo? ⁶³ Liwigo Aneotedogoji jegepaageo oko me yewiga. Nigida agica oko anida nimawenegegi meo. Pida yotaga, loniciwagawa Liwigo Aneotedogoji meo oko me yewiga. ⁶⁴ Odaa idi nigina akaamitiwaji agetidadiwagadi me idimonya Aneotedogoji”. Meetediogi Jesus nigida

ligegi leegodi nigijo maleekoka eniditediogi nigijo analee odiotibece, akaa yowoogodi ane dogoyiwaḡaditeda, codaa akaa yowoogodi nigijo ane yajigo modibatalo nigijo nelogododi.

⁶⁵ Egidaa diitigi Jesus me notaganegetediniwace, meetediogi, “Joanigidaa mejitaḡawatiwaji nigina oko idoka yakadi menagi meetaḡa, nigeote Eiodi me yakadi menagi”.

⁶⁶ Niḡidiaaḡidi eliodi nigijo oko anodiotece Jesus ja dinogaticoace, odaa aḡaleeḡodinadeegitege.

⁶⁷ Odaa Jesus jaḡaḡa nigetediniwace nigijo dooze anodiotibece, meetediogi, “Akaamitiwaji aagaga emaani mopili?”

⁶⁸ Naga ninigodi Simão Pedro, meetalo, “Goniotagodi. Amaleeḡaḡijo ica ane jiigata? Igaataga niginoa ḡadotaga onikeetogowa anodaagee me jakataḡa ḡodewiḡa ane daḡadiaaḡica liniogo miniwataga Aneotedoḡoji.

⁶⁹ Ejiwaḡatakanaga codaa jowoogotaga naḡakamaḡakaami ane niḡe Aneotedoḡoji mawii ḡodewiḡa. Akaami Lionigi Aneotedoḡoji ewikegi”.

⁷⁰ Odaa ja ninigodi Jesus, meetediogi, “Ja ḡadixipeniticetiwaji akaami dooze. Pida oniniteci nigina akaamitiwaji, nigini diaabo”. ⁷¹ Nigina meote niḡida ligegi, eeteta Judas nigijo lionigi Simão Iscariotes. Leegodi Judas, idaaḡida mida aneetege nigijo dooze anodiotibece, pida jiḡijaa yajigo Jesus modibatalo nigijo nelogododipi.

7

Nioxoadipi Jesus oyajoi

¹ Nigidiaagidi Jesus igotedeloco nipodigi Galiléia. Agidiaagite nipodigi Judéia, leegodi nigijoa lacilodi judeutedi digoida Judéia odoletibige moyeloadi. ² Jigipegiteloco lalokegi judeutedi, anodita “Lalokegi nopecetiidi”. ³ Odaa nigijo nioxoadipi Jesus moditalo, “Anotitice Galiléia, emii Judéia amaleegaga onadi nigina anodiotibigagadici niginoa godoxicegetedi anawiite. ⁴ Igaataga nigina ane yemaa me yeloḡo, ayaḡaditini nigina loenatagi. Genaga awiite niginoa ane libinienaga, odaa ele mikeenitiogi inatawece oko”. ⁵ Pida oteḡexaagaga nigidi nioxoadipi agoyiwagadi.

⁶ Odaa jeḡeetediogi Jesus, “Anigicota limedi me jikee ane Ee. Pida akaamitiwaji boḡokanicodaagaca lakata noko yakadi memii. ⁷ Nigina okotigi digoina iḡo aḡica leegodi dogoyelataḡadomitiwaji, pida Ee boḡoyelatomii. Igaataga jikeetiogi niginoa loenataka ane beyagi. ⁸ Emiitiwaji miditaga nalokegi. Ee baḡaleedeḡejigo igaataga anigicota limedi me idinikee ane Ee”. ⁹ Joanigidaa ligegitediogi, odaa jigidiaagitedice Galiléia.

Jesus igo miditaga nalokegi

¹⁰ Igaanaga leecawaanigi migotibeci nigijo nioxoadipi miditaga nalokegi, odaa Jesus jaḡaga igo. Pida dinagaditedini migo, aḡica ane yowoḡodi. ¹¹ Icoa lacilodi judeutedi joḡodoletibige Jesus miditaga nalokegi. Modi, “Igamiḡe diḡetedigi?” ¹² Ica lapo-nelegi miditaga nigijo nalokegi, eliodi oko oxatiniwace nigina me notaganaga oyalaḡatalo Jesus. Idi oko

anodi, “Nigijoa goneleegiwa doane mele”. Odaa idiaageledi modi, “Amitigica ica mele, mina ninaaletediniwace oko”. ¹³ Pida agica ane yalagatalo me lodoe oko-nelegi, leegodi odoitiogi nigidiwa lacilodi judeutedi.

¹⁴ Igaanaga ixomagatedijo liwigotigi nigijoa nokododi me naloogo, odaa jagaga icotedio Jesus, ja dakatediwece Aneotedogoji ligeladi, odaa ja niigaxitediniwace oko. ¹⁵ Nigijoa lacilodi judeutedi eliodi moyopo, modi, “Igaamee ina me yowoogodi inoatawece? Igaataga niginoa goniigaxinogododi agica dogoiigaxi”.

¹⁶ Naga ninigodi Jesus, meetediogi, “Niginoa ane jiigaxinagatece agemaga yowooko, pida icogotedibigimece miniwataga Aneotedogoji, ane idiige. ¹⁷ Nigica ane yemaa meo ane yemaa Aneotedogoji, joaniginiaa yowoogodi migewi me icogotedibigimece miniwataga Aneotedogoji niginoa iigaxinaganegeco, ogoa domige emaga yowooko. ¹⁸ Nigina ane diigaxinagatece epaa lowooko, nigini doletibige me dinikeenaganegge. Pida nigina ane doletibige meo me yelogo Aneotedogoji, nigini begewi, codaa me igenaga. ¹⁹ Moisés yajigotedagawatiwaji liigenatakanegeco Aneotedogoji. Pida agica nigina akaamitiwaji aneyiwagadi liigenatakanegeco. Igaataga idioka limedi moleetibigetiwaji madeloati.”

²⁰ Nogoninigodi nigidi oko-nelegi, moditalo, “Nigida makaami ejime dakatiwagaji niwigo abeyacegegi. Igaataga agica ane doletibige me gadeloati”. ²¹ Meetediogi Jesus, “Nigijo me jao godoxicegedi libinienigi, odaa akaamitaweceti-

waji jogopoo. ²² Digawini! Nigina me saabado akagititiwaji lolaadogo nigaanigawaanigi me ikeeni meledi ida aneetege Aneotedogoji loiigi, leegodi lajoinaganegegi Moisés. Codaa anigijaaqijotace Moisés liigenatakanegegi, pida jotigide gadaamipi maleedigicata Moisés naqakaagida me lakatigi. ²³ Akagititiwaji nigaanigawaanigi lolaadogo nigina me saabado, noko ane daga domaga yakadi mica gabakedi, me iwitece lajoinaganegeco Moisés. Enice, igaamee ina me gadelatom, leegodi me jicilatiditece nigijo goneleegiwa ijoatawece libeyacegeco me saabado? ²⁴ Ikanitiwaji me gadiqoati oko leegodi anee mida moko, pida oletibige ane igenaga codaa anewi nigina mawinieledi oko anee.”

Nigica aniniwa Jesus

²⁵ Onica ica nigeladimigipitigi nigotaga Jerusalém, anodi, “Nigidaa nigidaagida nigicoa goneleegiwa anodoletibige moyeloadi. ²⁶ Pida digawini! Dotagatedibece lodoe nigina noiigi, niginoa godacilodi aqica mowote, aqica ligegi dogodakapetege. Migoyowoogodi mewi nigidaa goneleegiwa nigidaagida Icoa ane niige Aneotedogoji meote godewiga? ²⁷ Pida Nigicoa ane niige Aneotedogoji nigenagi, aqica ane yowoogodi nigica ane icoqotedicogi. Igaataga бага jowoogotaga ane icoqotedicogi nigidaa goneleegiwa. (Odaa nigidaa goneleegiwa ayakadi daantigidaagida Nigicoa ane niige Aneotedogoji.)”

²⁸ Egidaagee me diigaxinaga Jesus catiwedi Aneotedogoji ligeladi, ja yawice me dotaga,

mee, “Migewi madowoogotitiwaji, codaa migewi mowoogoti ane jicogeticogi? Ajanagi daga jibake emaga inagatetigi. Nigijoa ane idiige ewi. Pida nigida makaamitiwaji agicoa mowoogoti. ²⁹ Pida Ee бага jowoogodi, igaataga ida anejitege, codaa jegepaa idimonya”.

³⁰ Odaa jogodoletibige moniwilo Jesus, leegodi nigijoa lotaga. Pida agica ane dibatalo, leegodi anigicota limedi me yeleo. ³¹ Eliodi oko nigijo lapo-nelegi jogoyiwagadi. Odaa modi, “Ajawienatakanaga nigina nigenagi Nigicoa ane niige Aneotedogoji meote godewiga, ageote godoxicegetedi ane nagaxatologo niginoa aneote nigidoa goneleegiwa.”

Oiige icoa iodaḡawadi moniwilo Jesus

³² Onateciḡijo nigijo fariseutedi owajipata ligegi nigijo lapo-nelegi moyalaḡatalo Jesus, pida oxatiniwace. Joanigidaa leegodi nigijo fariseutedi ijaagijo nigijo anoiige sacerdotitedi moiige niodaḡawadi me domogodibatalo Jesus. ³³ Odaa jegeetediogi Jesus nigijo oko, “Aleegi minaagejo makaamitaḡatiwaji. Nigidiaagidi jopiticogi miniwataga Nigijoa ane idiḡetedinicogi digoina iigo. ³⁴ Icota moleetibigijitiwaji, pida apinitibigiji aḡadakati, igaataga aḡakati degemiitiwaji ane jiiticogi”.

³⁵ Odaa modi nigijo lacilodi judeutedi, “Igamige diitedicogi ina nige daḡadiaagicoa me jakataga? Domige igo miditaga godoiigi judeutedi ane idei midiwataga nigotadi noiigi greego? Ogoa, mige igo me niigaxitediniwace idi ane daga godoiigi?

³⁶ Ajowoogotaga nigica ane diitigilo nigijoa lotaga

nigijo negeetedogowa, ‘Oleetibigijitiwaji, pida agaleege madakati, apinitibigiji leegodi agakati degemiitiwaji ane jiiticogi’.”

Lacilotibige ninyogodi aneo godewiga

³⁷ Nigijo owidijegi noko me naloogo, jigijaaigijo nigica noko ane dagaxa me gonegegi. Odaa nigijo noko dabiditedini Jesus, ja yawice me dotaga, mee, “Nigica ane yeloadi ecibi, anagi meetaga, acipe! ³⁸ Mee Aneotedogoji lotaganagaxi, ‘Laalegena nigina oko ane idadiwagadi liciagi nigina lacilotibige ninyogodi. Latoagegi ninyogodi aneo godewiga icogotiwece laalegena’”. ³⁹ Jesus eeteta Liwigo Aneotedogoji modibatege nigina anoyiwagadi. Pida anigica dogodibatege Liwigo Aneotedogoji, igaataga Aneotedogoji anegeote Jesus me dagaxa me gonegegi, leegodi anaga yeleo codaa anaga yewigatace.

Dawalacetiwage oko

⁴⁰ Igaanaga owajipatalo lotaga Jesus nigijo noiigi-nelegi, eliodi oko modi, “Dicewi nigidoa goneleegiwa nigidaagidoa nigicoa ane yelogoditedibece lowooko Aneotedogoji”. ⁴¹ Pida idi icaeledi oko anodi, “Jigidaagidoa Nigicoa ane niige Aneotedogoji meote godewiga”. Pida icaeledi oko modi, “Nigicoa ane niige Aneotedogoji aicogotedicogi nipodigi Galiléia. ⁴² Igaataga mee Aneotedogoji lotaganagaxi, ‘Nigicoa ane niige Aneotedogoji meote godewiga ida aneetetege licogegi Davi, codaa idiaagaga lanikadi manitaga nigotakawaana Belém, ane ligeladi Davi’”. ⁴³ Odaa nigijo noiigi-nelegi ja dawalacetiwage

leegodi Jesus. ⁴⁴ Odaa idi ica anodoletibige moniwilo, pida agica ane dibatalo.

Lacilodi judeutedi ageniwagatakanaga

⁴⁵ Odaa nigijoa iodaḡawadi anoiḡe ja dopiticogi minitaḡa nigijo lapo fariseutedi ijaagijo nigijo anoiḡe sacerdotitedi. Odaa joḡonigetiniwace nigidiwa iodaḡawadi, moditiogi, “Igaamee ina me diḡicoateda manadeegitetiwaji?”

⁴⁶ Nogoigidi, moditiogi, “Anigica daḡa jinataḡa ane dotaga liciagi nigijoa ḡoneleegiwa me dotaga”.

⁴⁷ Odaa nigijoa fariseutedi moditiogi nigijoa iodaḡawadi, “Nagaḡa etiḡadinaalenitiwaji?”

⁴⁸ Agica aneyiwagadi nigijoa ḡoneleegiwa niginoa lacilodi judeutedi, oteḡexaagaga nigidiwa fariseutedi. ⁴⁹ Pida nigidi noiḡi aḡoyowoḡodi ḡonajoinaḡaneḡeco ane najigotedoḡowa Moisés, odaa Aneotedoḡoji icota me iloikatidi”.

⁵⁰ Onijoteci fariseu ane liboonagadi Nicodemus, nigijo ane igo dinotaḡaneḡeteḡe Jesus nigijo enoale, meetiogi, ⁵¹ “ḡonajoinaḡaneḡeco anikatogodici daḡa jiḡenatakanaga motacidetibigo okanicodaagica ḡoneleegiwa nige doḡodoḡeḡi me jajipaagata, codaa nige daḡa jowoogotaḡa ane loenataḡi”. ⁵² Nogoninigodi, modita, “Domige akaami eledi elatibige nipodigi Galiléia? Awiniteloco Aneotedoḡoji lotaḡanaḡaxi, odaa joḡowoogoti me diḡica ane yeloḡoditedibece Aneotedoḡoji lowooko ane icogoticogi nipodigi Galiléia.” ⁵³ Odaa nigidiaagidi ijotawece nigijo oko joḡopiticogi niginoa liḡelatedi.

8

¹ Odaa Jesus jigigo minitaga lojotaḡadi anodita me “Lojotaḡadi Oliveira”.

Aca iwaalo ane dogolaḡataka

² Igaanaga eledi noko, naga yapacagatege nigoi, jigigotace Jesus minitaga ligeladi Aneotedoḡoji. Ijotawece niḡijo oko-nelegi odilapodetelogo. Naga nicotedini, odaa ja niigaxitediniwace.

³ Niḡijo anodiigaxinagatece lajoinaganegeco Moisés ijaagijoa fariseutedi oyadeegitalo Jesus aca iwaalo, odaa jogowo me dabidite lodoe nigidi noiigi-nelegi. Naḡaca iwaalo odibateloco me dogolaḡataka.

⁴ Odaa moditalo Jesus, “Niigaxinaganaga. Naḡada iwaalo odibateloco me dogolaḡataka. ⁵ Odaa ḡonajoinaganegeco, Moisés ane iditedini, oniigetoḡowa me inigidaagatice jatiigata wetiḡa naḡana iwaalo ane dogolaḡataka me jeloataga. Pida baḡakaami, amaḡaga ida ica anakati me leeditibige me eniḡata?” ⁶ Moditalo Jesus niḡinoa lotaga onidaagida modineetalo, domoḡodoletibige ane leegodi modakapetege. Pida aniniḡodi. Naga dakagitedini, odaa ja iditedinigi iḡo datikate nibedona.

⁷ Odopitibigelogo moige Jesus. Odaa ja dabiditedini, odaa jegeetediogi, “Nigica niḡina akaamitiwaji ane diḡica meo anigetiḡida loenatagi ane beyagi, jiḡiniaa leeditibige modoejegi me yokoleteloco wetiḡa naḡada iwaalo”.

⁸ Naga dakagitacedini, odaa ja iditacedinigi iḡo.

⁹ Igaanaga owajipatalo niḡijoa Jesus lotaga, odaa ijotawece opitibeci oninitecibeci dinilotice, leegodi odeemitetece

magaga inoa libeyacegeco. Odoejedipi nigijo laxokodipi lacilodi me noditicoaci. Odaa yeyagatedice iniokaaniginiwateda Jesus ajaagajo iwaalo ane dabidite lodoe nigijo noiigi-nelegi. ¹⁰ Igaanaga dabiditedini Jesus, odaa ja nadi nagajo iwaalo mokanagadatece. Odaa jegeeteta, “Igaataga ijo anodakapetagagi, anetigadatamegenitice? Agica ane nenyagati ijoa anodi me leeditibige metigadiloikatiti?” ¹¹ Naga ninigodi meetalo, “Agica ane nenyagati, Iniwa-aagodi”. Odaa jegeeteta Jesus, “Ee agakaami ilaagete. Emii opili, pida jinagaleegawii gadoenatagi ane beyagi”.

Jesus nilokokena inatawece oko

¹² Odaa Jesus jegeetacediogi, “Nigida mee Ee iciagi macataga nagana lokokena ane naloteloco inatawece oko digoina iigo. Nigina oko ane niotici ani nilokokena aneo me yewiga oko, aliciagi nigina oko anigotigi nexocaga”.

¹³ Odaa moditalo nigijoa fariseutedi, “Akamaga gadalaki anakaami. Joanigidaa leegodi gadotaga agica niwaló.” ¹⁴ Naga ninigodi Jesus, meetediogi, “Idaagida nige emegejitece ane Ee, pida yotaga бага diniwaloe, ejitece anewi. Igaataga jowoogodi ane jicogoticogi codaa jowoogodi ane jopiticogi. Pida nigida makaamitiwaji agowoogoti ane jicogoticogi, otegexaagaga nigica ane jopiticogi agowoogoti. ¹⁵ Nigida makaamitiwaji gadigoati oko inokina anee mini me yelogo, ane lakatigi, pida Ee aidigoadita oko. ¹⁶ Anaга jiwi oko natigide, pida nige jiwi anodaageeta jao nigina ane igenaga, codaa anewi. Igaataga agoka eetece

me jiwi oko anee. Pida Eiodi ane idimonya iniwa meetaga. ¹⁷ Madiaga notaganagaxi ane iwotologo gonajoinaganegeco diniditeloco nigina iniwataale oko me niwoditiwage, odaa nigina ane ligegi ewi, leegodi niwoditiwage. ¹⁸ Ee ejitece ane Ee, codaa Eiodi ane idimonya eledi eetetece anodaageji”.

¹⁹ Odaa jogoige, moditalo, “Igame digetedigi icoa gadiodi?” Naga igidi Jesus, meetediogi, “Nigida makaamitiwaji agadowoogoti, otegexaagaga icoateda mowoogoti Eiodi. Dagadowoogotitiwaji, daganagawini aagaga owoogoti Eiodi”.

²⁰ Meetetece Jesus niginoa lotaga nigijo me diigaxinaga catiwedi Aneotedogoji ligeladi, ipegitege aca niwokodagaxi anoyate niginoa dinyeelo anoyajigotalo Aneotedogoji. Agica ane dibatalo Jesus me niwilo, igaataga anigicota limedi me yeleo.

Odigikatece aniniwa Jesus

²¹ Odaa jegeetacediogi Jesus, “Nigida me Ee icota me jopi. Domogoleetibigijitiwaji. Pida nigida makaamitiwaji idokeeta me gademagawadi gabeyacegeco. Agakatitiwaji degemii ane jopiticogi”. ²² Odaa nigijo lacilodi judeutedi dinotaganagetiwage, modi, “Meetedogowa me daga jakataga miniaga ica anopitedicogi. Migigo dineloadi?”

²³ Odaa jegeetediogi Jesus, “Akaami nigeladimigipitedigitiwaji digoina iigo. Pida Ee бага igeladi digoida ditibigimedi. Akaami nigeladimigipitedigitiwaji nigina iigo, pida Ee baadaga igeladi. ²⁴ Joanigidaa leegodi mejitagawatiwaji malee gademagawadi

gabeyacegeco. Nige daga iwagatitatiwaji ane Ee, odaa nige gadelewitiwaji gademagawadi gabeyacegeco”.

²⁵ Odaa jogoige, moditalo, “Ida makaami amakaami?” Odaa jegeetediogi Jesus, “Nigijo maleeka idinojogotini me jiba negejitaḡawatiwaji ane Ee. ²⁶ Owidi inoa anejitece me jakapetagagitiwaji, codaa akaami ilaagetedipi. Pida jajipatalo lotaḡa Nigijoa ane idimonya, codaa jiginkinoateda mejitiogi nigina oko digoina iigo. Igaataga Nigijoa ane idimonya, ewi”.

²⁷ Agoyowoogodi Jesus me yalagate Aneotedogoji, ane Eliodi. ²⁸ Joanigidaa leegodi meetediogi Jesus, “Nigotoniteditiwaji meloati Goneleegiwa ane icogotibigimece ditibigimedi, odaa jogowoogotitiwaji ane Ee. Icota mowoogotitiwaji me digica ane jao ane emaga inagatetigi. Pida ejitaḡawa inokinoateda ane idiigaxitetece Eiodi. ²⁹ Nigijoa ane idimonya etiniwa meetaḡa. Agica daga idika dogoka eetece, igaataga idioka limedi me jao ane yemaa”. ³⁰ Nigijo negee Jesus niginoa lotaḡa, eliodi oko jogoyiwaḡadi mewi me Aneotedogoji ane nimonya.

Ica niotagi iniaa ica ane daga niotagi

³¹ Odaa jegeetediogi Jesus nigijoa judeutedi anoyiwaḡadi, “Nigidioka limeditatiwaji me iwagati yotaḡa, odaa jagakaami nigina anewi moniotici. ³² Odaa jogowoogotitiwaji anewi, codaa nigida anewi ḡadikaniticetiwaji”. ³³ Odaa jogoninigodi, moditalo, “Nigida moko ida anejinagatege licogegi Abraão. Anigica daga

etiḡodiotage. Igame leegodi ina menitoḡowa metiḡodikatice? Igaataḡa aḡoko niwilogojegipi.”

³⁴ Odaa jegeetediogi Jesus, “Ewi mejitaḡawatiwaji, niḡina anidioka limedi meo ane beyagi, joaniḡiniaa liotagi nibeyacaḡa.

³⁵ Niḡina niotagi aḡidioka limedi me yakadi midiaaḡitigi ligeladi niotagodi. Pida niḡina nionigi biḡidioka limedi me itiogi loiḡiwepodi.

³⁶ Nige Aneotedoḡoji Lionigi ḡadowilecenitetematiwaji ḡabeyaceḡeco me ḡadikanitedice, odaa begewi madinikaniticoace.

³⁷ Jowoḡoditiwaji mida anenitege licoḡegi Abraão, pida oleetibigetiwaji madeloati, leegodi aḡabaategetiwaji iḡaxinaganegeco.

³⁸ Ejitece niḡinoa ane nikeetediwa Eiodi. Odaa akaamitiwaji jaḡaḡa iwitece niḡina anagaga iḡaxitaḡadici ḡadiodi”.

³⁹ Odaa joḡoigidi, moditalo, “Ewi me ḡodiodi Abraão”. Odaa jegeetediogi Jesus, “Daḡakaami lionigipitetiwaji Abraão, daḡanagawini awii liciagi niḡiḡoa loenataka.

⁴⁰ Pida jeḡejitaḡawatiwaji anewi, yajipakegitalo Aneotedoḡoji. Pida eḡidaagenitiwaji moleetibige madeloati. Abraão aḡica deḡeo liciagi.

⁴¹ Niḡida makaamitiwaji baḡawii liciagi niḡiḡo ḡadiodi”. Noḡoniniḡodi, moditalo, “Iniwa oniniwatece Godiodi, ane Aneotedoḡoji. Mina oko lionigipi, anewi me lionigipi.”

⁴² Odaa jegeetediogi Jesus, “Digawinitiwaji, deḡewi me ḡadiodi Aneotedoḡoji, daḡanagawini ademaani, iḡaataḡa Ee Lionigi, codaa jiḡidaa jicoḡoticogi miniwataḡa. Anegemaḡa

yoniciwaga me janagi, pida jiginiiaa idiige.
⁴³ Agowoogotitetiawaji ane diitigi niginoa yotaga, leegodi agemaani mabaatege iigaxinaganegeco.
⁴⁴ Akaami lionigipitetiawaji diaabo, codaa inoka emaani mawii nigica ane yemaa. Nigijo maleeka igo nigina iigo, nagakaa gonematagodi. Agica aneetege nigica anewi, igaataga minitaga agica anewi. Nigina me diwitaka, eo nigica anepaa lakatigi, igaataga awitakegi. Codaa eliodi inoatawece niwitakeco. ⁴⁵ Agiwagatitiawaji niginoa anejitedagawa, igaataga ejitece nigina anewi. ⁴⁶ Agica nigina akaamitiawaji ane yakadi me nikeetiwa mida ibeyacegegi. Nigejitece anewi, igame leegodi me daga iwagatitedatiawaji yotaga?
⁴⁷ Nigina ane nebi Aneotedogoji, watacotece Aneotedogoji lotaga. Odaa nigida makaamitiawaji agatacolitece Aneotedogoji lotaga, igaataga agica ane enitegetetiawaji”.

Anigicatibige digica Abraão niginiwa Jesus

⁴⁸ Odaa nigijoa lacilodi judeutedi moditalo Jesus, “Ja jowoogotaga mewi nigijo anejinagata, makaami elatibige noiigi samaritano, codaa nigida makaami ejime dakatiwagaji niwigo abeyacegegi”. ⁴⁹ Naga ninigodi Jesus, meetediogi, “Agica niwigo abeyacegegi meetaga. Pida jogetetalo Eiodi, pida akaamitiawaji baadaga eemiteetibigiji, leegodi otaganitibigiji. ⁵⁰ Aidinabaketibece daga emaga joletibige me idelogo. Pida ini anepaga doletibige me dogetetiwa, codaa me ikee anewi. ⁵¹ Ewi mejitagawatiawaji, nigina aneyiwagadi yotaga, agalee yeleo”.

⁵² Odaa moditalo nigijoa judeutedi, “Nigina natigide agalee jawienatakanaga me dakatiwagaji niwigo abeyacegegi. Abraão akaa yeleo, nigijo anoyelogoditedibece Aneotedogoji lowooko eledi akaa nigo. Pida akaami meni nigina aneyiwagadi gadotaga me dagadiaa yeleo. ⁵³ Domige dagaxa makaami gonegegi, agodaga gadiciagi godiodi Abraão anakaa yeleo? Eleditace domige anagaxaateloco nigijo anoyelogoditedibece Aneotedogoji lowooko baanaga akaa nigo? Meni managaxaateloco, pida awitaka!”

⁵⁴ Naga ninigodi Jesus, meetediogi, “Degemaga jao me idelogo, agica jao. Pida Eiodi dogetetediwa. Odaa akaamitiwaji meni me Ganoenogodi. ⁵⁵ Pida agica dogowoogotitetiwaji. Pida Ee бага jowoogodi. Degejitagawatiwaji me digicoateda me jowoogodi, odaa jegee awitakegi, digo anenitiwaji mawitaka. Pida jowoogodi Eiodi, codaa mejiwagadi lotaga. ⁵⁶ Jotigide ganelokoditiwaji Abraão ninitibece naga yowoogodi micota noko me janagi nigina iigo. Naga yowoogodi nigijo noko, odaa ja ninitibece”.

⁵⁷ Pida moditalo, “Nigida makaami anigicoa otegexaagaga meya-taalia ganicaagape. Igamodaagee ica makati manati Abraão?” ⁵⁸ Naga ninigodi Jesus, meetediogi, “Ejitagawatiwaji anewi. Anigicatibige Abraão degenitini, naga Ee, codaa idioka limedi me Ee”. ⁵⁹ Odaa nigijoa judeutedi jogodibatalo wetiadi me domaga oyokoletelogo, pida Jesus ja dinagaditedi. Igotedigi liwigotigi nigijo noiigi-nelegi ane dilapode, odaa ja noditedice Aneotedogoji

ligeladi.

9

Jesus icilatidi ica golaga

¹ Ica noko ewaligitedibece Jesus, odaa ja nadi ica goneleegiwa ane lanikoa me golaga.

² Odaa jogoige Jesus nigijo anodiotibece, moditalo, “Goniigaxinogodi. Igaamee ini goneleegiwa me lanikoa me golaga? Mige leegodi epaa libeyacegeco, ogoa domige libeyacegeco eliododipi?”

³ Naga ninigodi Jesus, meetediogi, “Aleegodi libeyacegeco, otegeaagaga libeyacegeco eliododipi me golaga. Pida golaga eotibige me yakadi Aneotedogoji me ikee mida nimawenegegitetece nigini goneleegiwa.”

⁴ Leeditibige me jao libakedi Nigijoa ane idimonya, malee noko. Igaataga nigenoale agaleegica ane yakadi me diba.

⁵ Codaa maleeginaagejotice digoina iigo, Ee ane jajigota nilokokena inatawece oko”.

⁶ Igaanaga nigotedini Jesus meote nigijoa lotaga, odaa ja yawaletedinigi iigo, jegeote napaloakawaanigi yatite lawale. Naga dibate nigijo napaloakawaanigi, odaa ja yocelate ligecooge nigijo goneleegiwa golaga.

⁷ Odaa jegeeteta nigijo golaga, “Emii, anapiladiti manitaga ninyogotağaxi niwilana ane liboonagadi Siloé”. (“Siloé” amina anejinağata “Nigijo anoniige”). Odaa nigijo golaga jigigo, anapiladiti. Nogopiticogi ligeladi, ja yatetibece.

⁸ Ijoa lipecagawadi nigijo golaga, codaa nigijo anelioditibece monadi me dipokotibece,

modi, “Aniginiaagini ijo golaga ane nicoti, dipokotibece?”⁹ Odaa onica anodi, “Joaniginiaagini”. Pida ica eledi modi, “Aniginiaagini, latopiwa”. Pida ijaagijo nigijo goneleegiwa mee, “Jegemegee nigijo golaga, pida ja idici”.¹⁰ Odaa jogoige, modita, “Ame nimawenegegi aneo matenitibece?”¹¹ Naga ninigodi, meetiogi, “Nigijoa goneleegiwa ane liboonagadi Jesus oneote yatecogotee onateciagini napaloaga, odaa ja yocelate igecooge, odaa jegeetediwa, ‘Emii manitaga niwilana liboonagadi Siloé, anapiladiti’. Odaa jegejigo, naga inapiladiti, odaa ja jatetibece”.¹² Odaa jogoigetace, modita, “Igame digetedigi icoa goneleegiwa?” Naga ninigodi, meetiogi, “Ajwoogodi analee digetedigi”.

Icoa fariseutedi onigetice nigijo goneleegiwa anijo me golaga

¹³ Odaa jogoyadeegi nigijo goneleegiwa ane gela me ici me golaga midiwataga fariseutedi.¹⁴⁻¹⁵ Odaa jogoigetece nigica ane nimawenegegi me yatetibece. Naga ninigodi, meetiogi, “Yocelate napaloaga igecooge. Naga inapiladiti, odaa ja jatetibece”. Nigijo noko saabado Jesus meote lat-egocawaanigi napaloaga, naga yatenegetedibece nigijo goneleegiwa.

¹⁶ Ijo onateciagijoa fariseutedi anodi, “Nigijoa goneleegiwa aneote nigida loenatagi aicogotedigi miniwataga Aneotedogoji, igaataga dibatedigi saabado”. Odaa ica eledi modi, “Nigijoa goneleegiwa daga agopeloagi dogowidi libeyacegeco daganagawini ayakadi degeote

niginoa godoxicegetedi.” Odaa ja dawalace nigijo lapo fariseutedi, leegodi Jesus.

¹⁷ Odaa jogoigetace nigijo goneleegiwa, modita, “Amiida anakatitece ijoa aneote matenitibece?” Naga ninigodi, meetiogi, “Jakadi minaagina nigina ane yelogoditedibece Aneotedogoji lowooko”.

¹⁸ Nigijoa lacilodi judeutedi oyakadi nigijo goneleegiwa me daga golaga nigijo jotigide, analee yatetibece natigide. Joanigidaa leegodi moniditiogi eliiododipi. ¹⁹ Odaa nigidiwa lacilodi jogoige eliiododipi, moditiogi, “Ini gadionigitiwaji? Meni me golaga maleekenitini. Odaa igamodaagee ica naga yatetibece natigide?”

²⁰ Odaa modi nigijo eliiododipi, “Godionigi, codaa jowoogotaga me lanikoa me golaga. ²¹ Pida ajowoogotaga nigica ane nimawenegegi naga yatetibece nigina natigide, codaa ajowoogotaga anigijo ica aneo me yatetibece. Pida agalee nigaanigi. Dige ageetiawaji. Iniaagini yakadi me yelogodi”. ²² Owote nigida ligegi nigijo eliiododipi leegodi odoitiogi nigijoa lacilodi judeutedi. Igaataga nigijoa lacilodi jigijo modinotaganegetigi me dagadiaa oikatio midiwa niiakanagaxiidi okanicodaagica oko anee Jesus me nigijaagijoa Nigicoa ane niige Aneotedogoji meote godewiga. ²³ Joanigidaa leegodi modi nigijo eliiododipi, “Agalee nigaanigi. Ageetiawaji”.

²⁴ Odaa jogniditace nigijo ane ici me golaga, modita, “Oleetibige mogeetetaloniokiniwateda Aneotedogoji ane gadicilatiti. Igaataga jowoogotaga nigijoa goneleegiwa ane gadicilatiti minaagina anowidi libeyacegeco”.

²⁵ Naga ninigodi, meetiogi, “Ajowoogodi migowidi libeyacegeco. Baga jowoogodi me ee golaga nigijo jotigide, pida natigide ja jatetibece”. ²⁶ Odaa jogoigetace, modita, “Amiini ica aneote? Igamodaagigotedagawa negeote matenitibece?” ²⁷ Naga ninigodi, meetiogi, “Ja jelogoditagawatiwaji, pida agemaani madadiwagati. Igamawii memaani majipaatace? Migakaami eleditetiwaji emaani me iwitibece?”

²⁸ Odaa jogoniwotibige modita, “Akapaaga iwitece. Pida oko, бага jiwagatece Moisés. ²⁹ Igaataga jowoogotaga Aneotedogoji me yotaganegetedibece Moisés. Pida nigijoa goneleegiwa agopeloagi ajowoogotaga nigica ane icogotedicogi”.

³⁰ Naga ninigodi nigijo goneleegiwa, meetiogi, “Eliodi me gadopootiwaji! Agowoogotitiwaji ane icogotedigi, pida baanegeote me jatetibece.

³¹ Jowoogotaga Aneotedogoji me daga wajipatediogi nigina anidioka limedi mowo ane beyagi. Pida wajipate nigina anoiwenigide, codaa anowo ane yemaa. ³² Nigijo maleeka yoeteda Aneotedogoji nigina iigo, agica daga jajipaagata dogodi ijoa yatenegetedibece oko ane lanikoa me golaga. ³³ Nigijoa goneleegiwa ane idicilatidi daaditaga liigexegiteda Aneotedogoji, daganagawini ayakadi degeote loenatagi”.

³⁴ Odaa modita, “Nigijo maniitini nagakaa gadoleeni nigicoa gabeyacegeco. Enige ja gadeedi me godiigaxinegegi?” Odaa jogoyamagatiyo, jogonogaticogi wetice liiakanagaxi judeutedi.

Ica oko anetoinaga catiwedi laalegena

³⁵ Odaa Jesus ja wajipatedibece moiticoitice nigijo goneleegiwa ane icilatidi. Igaanaga dakapetetege, odaa ja ige, meeteta, “Ida makaami iwagati Aneotedogoji Lionigi?” ³⁶ Naga ninigodi, meetalo, “Iniotagodi. Igoataga icoa Aneotedogoji Lionigi anikeenitediwa amaleegaga ejiwagadi?” ³⁷ Odaa jegeete Jesus, “Jaganati. Jegemegee ane gadotaganegeni”. ³⁸ Naga igidi, meetalo, “Iniotagodi, gadadiwagati”. Odaa ja yamagatedini lokotidi lodoe Jesus me dogetetalo.

³⁹ Odaa jegeete Jesus, “Janagi nigina iigo me jiwi anejigota oko, me inoleketicoace goladi, odaa nigina anodi me yatetibigiwaji jegetoinadi”. (Goladi nigina ane dogoyowoogodi ane yemaa Aneotedogoji.)

⁴⁰ Nigijoa fariseutedi anidiaagi midoataga Jesus owajipatalo nigijoa lotaga. Odaa jogoige, moditalo, “Oko domigoko goladi?” ⁴¹ Naga ninigodi Jesus, meetediogi, “Dagakaami goladi, daganagawini agakaami laagetedipitetiwaji Aneotedogoji. Pida menitiwaji matenitibece, codaa mowoogoti inoatawece. Odaa joanigidaa leegodi makaami laagetedipitetiwaji Aneotedogoji leegotedi gabeyacegeco”.

10

Lapo waxacocoli

¹ Egidaagee Jesus me dotaga, odaa mee, “Ejitagawatiwaji nigina anewi. Nigina ane dakatiwece liotaanigi waxacocoli, ane daga diotiwece epoagi, pida dagaxatio me dakatio, joaniginiaa abejewegegi, olicegegi.

² Pida nigina ane diotiwece epoagi me dakatio, joaniginiaa begewi me nowienogodi waxacocoli. ³ Odaa nigina ane yowie epoagi yomoketege nigijo nowienogodi waxacocoli me dakatio, codaa nigidiwa niwaxacocoli jogoyowoogoditege lotaganegegi. Niboonagateetiniwace niwaxacocoli nigina meniditege me ixoticogi we litaanigi. ⁴ Odaa ja yadeegitedicogi we idiwatawece niwaxacocoli, ijaagijo igo odoe, odaa jogodilokoteloco nigica ane diiticogi, leegodi oyowoogoditege lotaganegegi. ⁵ Agodilokoteloco nigina ane dogoyowoogodi. Pida бага даleditibige igaataga oilatege eledi oko lotaganegegi” ⁶ Jesus ida ane iciaceeketetege nigida latematigo, pida nigijo oko agoyowoogodi nigica ane diitigilo nigijoa lotaga.

Jesus diniciaceeketetege nigina nowienogodi waxacoco anele

⁷ Odaa jegeetace Jesus, “Ejitagawatiwaji nigina anewi. Iciagi micataga nigina epoagi anodiotiwece waxacocoli. ⁸ Ijotawece nigijo ane-nagitibeci maleedigicatibige me janagi, nigijo abeyacegegipi, codaa molicagaga. Pida niginoa waxacocoli agowatacotece lotaganegegi leegodi me iomagaga. ⁹ Nigida me Ee iciagi epoagi. Nigina ane niotiwece meetaga, jigida lewiga ane dagadiaagica liniogo miniwataga Aneotedogoji. Yakadi me nakatio, codaa me noditice ane yemaa me diiticogi, codaa yakadi ane yeligo. ¹⁰ Nigina olicegegi inoka eletema me dolice, daije, codaa me yaaagadi ane daga nebi. Pida Ee бага janagi me jao lewiga oko ane dagadiaagica liniogo miniwataga

Aneotedogoji codaa jao moyakadi inoatawece anoyopotibige me newiga digoina iigo, micataga nigina nowienogodi waxacoco me doweditelogo niwaxacocoli, codaa me yediatece inoatawece anoyopotibige.

¹¹ Ee nowienaganaga anele. Nigina nowienaganaga anele yeleotema niwaxacocoli. (Inatawece anonakato Goniotagodi liciagi niginoa waxacocoli.) ¹² Nigina nimeedi, ane daga libakedi me nowienaganaga, codaa ane daga nepiliditeda waxacocoli. Nigina daga naditege diwilecogoni, nigini yaladi waxacocoli, elodi. Odaa diwilecogoni ja dibatalo waxacocoli, codaa ilaagagaditiwaji. ¹³ Nigijo nimeedi elodi leegodi minoka yowo me dinigaanyetece ninyeelo me diba. Agica meo daga ligecagalegetedi waxacocoli. ¹⁴⁻¹⁵ Ee nowienogodi waxacocoli anele. Digo mijoataga Eiodi me idowoogodi, codaa Ee me jowoogodi Eiodi, jigidaagee magaga jowoogodi iniwaxacocoli, nebi aagaga etidowoogodi. Icota me ideleotema iniwaxacocoli. ¹⁶ Inoa eletidi waxacocoli ane inepilidi, pida agicatibige minataga nigini lapo judeutedi. Odaa leeditibige magaga ejigotiogi. Odaa owajipata yotaganegegi, odaa jigini oniniteci lapo waxacocoli, iniaa oniniteci nowienogodi.

¹⁷ Eiodi idemaa leegodi me idinajigo metide-loadi, pida idewigatace. ¹⁸ Agica ane yakadi me ideloadi, nige daga idinajigo, pida idinajigo me etideloadi. Ida inimawenegegi me idinajigo me ideleo, codaa ida inimawenegegi me idinewika-tiditaci. Igaataga Eiodi idiige midegeji.”

¹⁹ Odaa niɣijoa judeutedi ja dawalacetacicoace leegodi niɣijoa lotaɣa Jesus. ²⁰ Eliodi oko anodi, “Niɣidoa dakatiogilo niwigo abeyacegegi, joaniɣidaa me yetole. Igaamee ina majipaataloti-waji inoa lotaɣa?” ²¹ Pida icaeledi oko modi, “Niɣina oko anodakatiogi adotaga daɣa liciagi me dotaga. Coda niwigo abeyacegegi ayakadi daɣa icilatidi ɣolaga”.

Icoa judeutedi ane daɣa odibatege Jesus

²² Icoa nokododi limedi niwetaga. Jiɣicota limedi lalokegi judeutedi moyalaɣatibige niɣijo maleekoka oiwigetigi Aneotedoɣoji liɣeladi digoida nigotaɣa Jerusalém. ²³ Jesus igotedigi icaeledi le Aneotedoɣoji liɣeladi anodita, “Licooɣadi Salomão”. ²⁴ Odaa niɣijoa lacilodi judeutedi jogodilapodetacelogo Jesus, odaa idokee monigetedice, moditalo, “Igaatigi nige anelogoɣitogowa ica anakaami? Enitogowa nigewi nagakamaɣakaami niɣicoa Cristo, ane niige Aneotedoɣoji me ɣodatamaɣateetetege niɣinoa ɣodaxakawepodi.”

²⁵ Naɣa niniɣodi Jesus, meetediogi, “Jiɣijo mejitaɣawatiwaji ane Ee, pida aɣadadiwaɣati. Coda niɣinoa ɣodoxicegetedi ane jaote, me jatika naɣatetigi Libonaɣadi Eiodi ane idimonya, jiɣinaaɣoikee ane Ee. ²⁶ Pida aɣadadiwaɣatitiwaji niɣijo mejitaɣawa, leegodi aɣakaami iniwaxacocoli, ²⁷ Niɣinoa iniwaxacocoli oyowoogoditege yotaɣanegegi. Ee jowoogoditiogi, coda oniotibici. ²⁸ Jajigotiogi lewiga ane daɣadiaaɣica liniogo miniwataga Aneotedoɣoji, coda aɣalee nigo. Odaa aɣica ane yakadi me

noḡaticoace niḡina naḡa idei ibaagadi. ²⁹ Eiodi najigotediwa eliodi oko. Eiodi dagaxa meliodi nimawenegegi, aḡica liciagi. Codaa aḡica ane yakadi me noḡatice aneiteloce Eiodi libaagadi. ³⁰ Ee iniaa Eiodi, ḡodiciagi doḡokinitece oko.”

³¹ Igaanaga owajipatalo niḡijoa lotaga Jesus, odaa niḡijoa judeutedi joḡodibatacalo wetiadi me domoḡoyokoletelogo. ³² Pida naḡa notaganegetediniwace Jesus, meetediogi, “Owidi ane jaote niḡinoa anele ḡadodoetiwaji, niḡinoa ane niḡetediwa Eiodi me jaote. Amiica ijoa yoenataka aneo me leedi madigidaaticetiwaji?”

³³ Nogoninigodi, moditalo, “Ajoleegatibige me jokolenagatagaloco wetiga daga leegodi okanico-daaḡica ḡadoenatagi anele. Pida joleegatibige me jokolenagatagaloco leegodi niḡijoa ḡadotaga ane beyagi motaḡanitibige Aneotedoḡoji. Igaataga akaami ḡoneleegiwa, pida adiniciaceekenitege Aneotedoḡoji”.

³⁴ Naḡa ninigodi Jesus, meetediogi, “Midiwataga lotaga ḡaniigaxinaganegeco iwoteloco mee Aneotedoḡoji, ‘Ḡadiciagitiwaji ḡonoenogododi’. ³⁵ Aneotedoḡoji lotaga idioka limedi mewi, codaa Aneotedoḡoji eetediogi me ḡonoenogododi niḡijo ane yajigotediogi lotaga. ³⁶ Enige ina meji me Ee Aneotedoḡoji Lionigi, iḡaamee ina menitiwaji me jotaḡatibige Aneotedoḡoji? Igaataga idixipetedic Eiodi, odaa idiḡetedicogi niḡina iḡo. ³⁷ Nige daga jaote ibaketedi ane niḡetediwa Eiodi me jaote, odaa aleeditibigetiwaḡi dagadadiwaḡati. ³⁸ Pida daga jao libakedi, idokeeta aḡadadiwaḡatitiwaji leegodi niḡinoa yotaga, enice adadiwaḡatitiwaji

leegodi niḡinoa ibaketedi ane jaote, amaleegaga owoogotitiwaji, codaa agica dagadinawieni, miniwa Eiodi meetaḡa, codaa Ee ejotelogo Eiodi.”

³⁹ Odaa jogodoletibige moniwilo Jesus leegodi modiletibige daḡa dotagatedibige Aneotedoḡoji, pida oiwoko.

⁴⁰ Niḡidiaagidi jogopitacedicogi daato akiidi Jordão. Odaa jiḡidiaagite digoida anei João Batista me nilegetiniwace oko niḡijo jotigide. ⁴¹ Eliodi oko igotibeci midoataḡa, igaanaḡa onadi, odaa modi, “João agica degeo otegexaagidatece ḡodoxiceḡedi libinienigi, pida ijoatawece niḡijoa lotaḡa meetece niḡidoa ḡoneleegiwa, ewi niḡidaagee”. ⁴² Odaa eliodi niḡidi oko jogoyiwaḡadi Jesus.

11

Lemeḡegi Lázarō

¹⁻² Ica ḡoneleegiwa ane liboonagadi Lázarō ligeladi manitaḡa aca nigotakawaana anodita Betânia. Niwaalepodi, Maria ajaa Marta ane noiigiwepodi. Maria jaḡaniaaḡani naḡajo ane yatitalo loḡonaka Goniotagodi ladokojegi, odaa niḡidiaagidi, ja yati lamodi me yadilonatidi. Odaa ica noko Lázarō ja deelotika. ³ Odaa niḡijo niwaalepodi jogodajoinaḡatalo Jesus, modi, “Iniotagodi, niḡijo ḡademaanigi etidi eliodi me deelotika”.

⁴⁻⁵ Jesus eliodi me yemaa Marta, ajo nioxoa, ijaa Lázarō. Niḡijo naḡa dibodicetedigi Lázarō me deelotika, odaa jeḡee, “Niḡida neelotagi aḡeo Lázarō diḡidioka limedi me yeleo. Pida niḡida anee Lázarō onidaagida meo niḡina oko

modogetetibigimece Aneotedoꝑoji. Jiꝑidaa leegodi nige odogetetiwa, ane Ee Lionigi Aneotedoꝑoji”.

⁶ Joanigidaa leegodi niꝑijo naꝑa dibodicetedigi Láꝑaro me deelotika, odaa edinopaꝑaditeda itoataale nokododi midiaaꝑite niꝑijo aneite. ⁷ Niꝑidiaaꝑidi jegeetediogi niꝑijo anodiotibece, “Jopilaꝑatacicogi Judéia”.

⁸ Odaa moditalo niꝑijo anodiotibece, “Goniꝑaxinogodi. Anaꝑa leegi niꝑjoa lacilodi judeutedi me domegetigaꝑididaatice me domegetigaꝑeloati. Enige jegaꝑaani mopilitaꝑio!”

⁹ Naꝑa ninigodi Jesus, meetediogi, “Idiwa dooze lakata niꝑina noko mani aligeꝑe. Odaa niꝑina oko anewaligitigi noko adixipe, iꝑaataꝑa naꝑitece ligi. ¹⁰ Pida niꝑina anewaligitigi enoale, aiwoko me dixipe, leegodi nexocaꝑa, coda aꝑa lokokena mijotaꝑa”.

¹¹ Joanigidaa ligegi Jesus, odaa niꝑidiaaꝑidi jegeꝑe, “Godokaꝑedi Láꝑaro ja diote, pida ejigo miditaꝑa, joꝑieteloco”.

¹² Odaa niꝑijo anodiotibece moditalo, “Goniotaꝑodi, niꝑokexaa diote, dice ici”. ¹³ Odiletibige degeete Jesus doꝑokexaa diote Láꝑaro. Pida eeteta naꝑa yeleo Láꝑaro, niꝑijo mee diote. ¹⁴ Odaa niꝑidiaaꝑidi Jesus ja yeloꝑoditediogi Láꝑaro naꝑa yeleo. ¹⁵ Odaa jegeetediogi, “Jaꝑadi mele me daꝑa Ee miditaꝑa naꝑa yeleo leegodi akaꝑamitiwaji, amaꝑeꝑaꝑa adadiwaꝑati. Naꝑigide iniꝑa miditaꝑa”.

¹⁶ Odaa niŋijo anodita Tomé, ane nikoxeedi me “Owaadi”, joanigijaaŋeetiogi niŋijo eledi anodiotibece Jesus, “Iniŋa mijoataga amaleegaga godemagawa Goniigaxinogodi”.

Jesus jiginiaaŋeote oko me yewigatace

¹⁷ Niŋijo niŋicotedicogi Jesus nipodigi Judéia, pida jeŋeote cwaatolo nokododi midi Lázaro catiwedi lawimagajegi-wetiŋa anonaligite. ¹⁸ Naŋajo nigotakawaana anodita Betânia idiwa itoatadiŋida ciloomito me yototice nigotaga Jerusalém. ¹⁹ Eliodi judeutedi igotibeci odalita Marta, ajaa Maria, igotibeci modalitiogi me ninyaaga, leegodi me yeleo naaginaga.

²⁰ Igaanaga dibodice Marta niŋinoa Jesus, odaa jigigo dakapetege. Pida Maria baadeŋitibige, niŋijo aneite me nicoti digoida ligeladi. ²¹ Niŋijo Marta naŋa dakapetege Jesus, odaa jeŋeetalo, “Iniwa-aagodi. Daga-aamitibige mokotaga, daŋanagawi-iini inaaginaga agotaga ye-ee. ²² Pida jowoogodi mokaanicodaagica ane ipokitalo Aneotedogoji, odaa yajigotedagawa”. ²³ Odaa jeŋeeteta Jesus, “Yewigatace ɣanaagina”. ²⁴ Odaa Marta jeŋeetalo, “Jowoogodi me yewigatace niŋica noko nige yewikatiditace Aneotedogoji niŋina oko”.

²⁵ Odaa jeŋee Jesus, “Ee aneo oko me newigatace, odaa jigidaa diiticogi, midiokaanaga limedi me newiga. Niŋina ane idadiwaɣadi icaagica nige yeleo, pida yewigatace. ²⁶ Niŋina analee yewiga, ane idadiwaɣadi, nige yeleo, yewigatace. De iwaɣati ida anejitaɣawa?” ²⁷ Naŋa

ninigodi Marta, meetalo, “Ejiwagadi, Iniwa-aagodi. Codaa gadadiwagati naga-aamaga-aami Nigicoa ane ni-iige Aneotedogoji meote godewiga, nigicoa Aneotedogoji Li-oonigi anenagi nigina i-iigo”.

Jesus anoe

²⁸ Igaanaga nigotini Marta me dotaga, odaa jigigo enidita Maria. Odaa ja ixipetice me yotaganeege meeta, “Goni-iigaxinogodi jigino. Codaa najoinagatedagawa”. ²⁹ Igaanaga wajipata Maria nigijo Marta ligegi, odaa ja dinage me dabiditi, igo dakapetege Jesus. ³⁰ Jesus anegenotediwece nigotakawaana, egidiaagite digoida anei Marta me dakapetege. ³¹ Nigijoa judeutedi anidiaagi Maria ligeladi monigiwatece, nogonadi me dabiditi me yediiga me noditice, odaa jogodioteci. Odiletibige Maria digigo anoetibece midataga lawimagajegi-wetiga anonalgite Lázaro.

³² Igaanaga icoticogi Maria aneitedice Jesus, odaa ja dakagitinigi iigo midoataga logonaka. Odaa jegeetalo, “Iniwa-aagodi. Daga-aamitibige mokotaga, daganagawi-iini inaaginaga agotaga ye-ee”.

³³ Igaanaga nadi Jesus Maria me dacaagetibece, codaa nigijo judeutedi ane lixigagawepodi eledi nacaagagateloco, odaa Jesus deemitetetece, codaa agecagalo. ³⁴ Odaa jegeetediogi, “Igame analicitetiwaji?” Nogoninigodi, moditalo, “Goniotagodi. Diganagi, awini!” ³⁵ Odaa Jesus jagaga anoe. ³⁶ Odaa modi nigijoa judeutedi, “Ica mewi me yemaa ijoolatigi!” ³⁷ Pida ica eledi

*Nigijoa lacilodi judeutedi dinilakidetiwage
odoletibige moyeloadi Jesus*

(Mateus 26.1-5; Marcos 14.1-2; Lucas 22.1-2)

⁴⁵ Eliodi judeutedi anigotibeci odalita Maria nogonadi Jesus meote Lázaro me yewigatace, odaa jogoyiwagadi. ⁴⁶ Pida icaeledi jogopitibeci, odaa jigigotibeci oyelogoditiogi fariseutedi nigijo loenatagi Jesus. ⁴⁷ Odaa nigijo anoiige sacerdotitedi ijaagijoa fariseutedi ja dinatecogotee, modi, “Amiida ica gonimawenegegi me joxokojogo? Igaataga nigijoa goneleegiwa jogowidi godoxicegetedi aneote. ⁴⁸ Daga jikanaga nigida anee, inatawece oko icota moyiwagadi. Odaa nigijoa lacilodi romaanotedi doidetibige dogodiigenataka moyaaagadi Aneotedogoji ligeladi, codaa moyaaagadi godoiigi”.

⁴⁹ Onijoteci nigijoa lacilodi ane liboonagadi Caifás ane enegegi gonegegi, meetiogi, “Agica gadixakeditiwaji! ⁵⁰ Agowoogotitiwaji me dagaxa meletogodomi moniniteci goneleegiwa ane yeleotema godoiigi, odaa inatawece godoiigi agalee naaga”. ⁵¹ Agepaa lowooko Caifás nigijoa lotaga. Pida Aneotedogoji eote meetece nigijoa notaga ane yelogodi micota Jesus me yeleotetema loiigi, igaataga Caifás joaniginiaa lacilo-sacerdotitedi nigijo nicaagabi. ⁵² Nigijoa lotaga ageetalo Jesus daga yeleotetema idiokidi noiigi judeu, pida yeleo meote oniniteci lapo inatawece lionaga Aneotedogoji ane ilaagiteloco inatawece iiḡo.

⁵³ Odaa nigijo noko ja diiticogi nigijoa lacilodi judeutedi mowo lowoogotece Jesus

moyeloadi. ⁵⁴ Joaniḡidaa leegodi Jesus me daḡadiaaḡawatedigi niḡijo noiigi digoida Judéia. Pida jiḡigo manitaḡa nigotakawaana anodita Efraim, anipegitege nipodigi ane yadilo ane digicata nigeladimigipi. Odaa jiḡidiaaḡite ijaaḡijo anodiotibece.

⁵⁵ Ja nipegiteloco niḡijo lalokegi judeutedi anodita me Páscoa. Eliodi oko ane ligeladi niḡinoa nigotadawaanaḡa, inoa nipodaga, ja waxoditibigimoace manitaḡa nigotaga Jerusalém. Aneḡeya me nakatio nalokegi niḡigotibeci dinibinie lodoe Aneotedoḡoji, ane najoinaḡaneḡegi noiigi. ⁵⁶ Odaa jogodoletibige Jesus, igaanogototicogi Aneotedoḡoji ligeladi, odaa ja dinige, modi, “Amiida ica anakatitiwaji? Migenagi Jesus niite naloogo?” ⁵⁷ Niḡijo anoiḡe sacerdotitedi, ijaaḡijoa fariseutedi domoḡoyemaa moniwilo Jesus. Joaniḡidaa leegodi me najoinaḡanaḡa mkanicodaḡica ane yowoogodi aneite Jesus, odaa owo libodigi.

12

*Jesus idiaaḡite nigotakawaana Betânia
(Mateus 26.6-13; Marcos 14.3-9)*

¹ Aniaditibige seis nokododi daḡa nakatio nalokegi Páscoa, niḡigo Jesus mani nigotakawaana Betânia ane ligeladi Lázaro, niḡijo ane yewikatiditace Jesus. ² Odaa joḡoyoe liweenigi Jesus niḡijo enoale modiniotagodelalo. Marta daxawanataka dedianaḡatece niweenigi. Lázaro eledi ini nameeja miniwataḡa Jesus. ³ Odaa Maria ja dibata aca bootawaana ane nolee ladokojegi, idatawece “nardo”, one dakake loojedi. Odaa ja

yadotelogo loḡonaka Jesus, igaanaḡa igodi me yadotelogo, oḡaa yatita lamodi me iwilegi. Oḡaa niḡijo lanigi aneletege niḡijo ladokojegi jiḡigotigi initawece diimigi.

⁴ Pida Judas Iscariotes, niḡijo lionigi Simão, aninaaḡina ane-diotibece Jesus, niḡijo aneyaa Goniotagodi niḡidiaaḡidi miditaga nelḡododipi, mee, ⁵ “Naḡada bootawaana ladokojegi yalitini meyo-liitilo, codaa loojedi iniwatadaḡani taalial beexotedi. Igaamee doḡoyaa, oḡaa niḡicoa lo-jetedi oditḡonediatiniwace niḡinoda madewetedipi?” ⁶ Judas eo niḡida ligegi aleegodi daga iwikode madewetedipi, pida leegodi moliceḡegi. Jeḡepaa dowediteloco dinyeelo, codaa dolicitibigalo dinyeelo.

⁷ Oḡaa jeḡee Jesus, “Jinaḡalomeḡeni Maria! Igaataḡa yotete niḡida ladokojegi lajo niḡica noko nigonaligiti yolaadi mida lawimaḡajegi-wetiḡa.

⁸ Niḡinoa madewetedi biḡidioka limedi mina makaamitaḡatiwaji, pida Ee baadiḡidioka limedi minaaḡejo makaamitaḡatiwaji”.

Odinilakidetigi moyeloadi Lázaro

⁹ Eliodi judeutedi, nogodibodicetigi Jesus miniwatedigi Betânia, oḡaa jiḡigotibeci odoletibige. Aḡigotibeci diḡijoka leegoditeda Jesus, pida igotibeci maḡaḡa oiwi Lázaro, niḡijo ane yewikatiditace Jesus. ¹⁰ Oḡaa niḡijo anoiḡe sacerdotitedi joḡodinotaḡaneḡetigi moyeloadi Lázaro. ¹¹ Igaataḡa, leegodi Lázaro, eliodi judeutedi aḡaleegodeemitetigi niḡijoa lacilodi, pida jiḡijapoḡoyiwaḡadi Jesus.

Jesus dakatediwece nigotaga Jerusalém micataga inionigi-eliodi.

(Mateus 21.1-11; Marcos 11.1-11; Lucas 19.28-40)

¹² Naga nigoi, nigijo noiigi-nelegi ane igotibeci lalokegi Páscoa, jogodibodicetege Jesus naga ipegite nigotaga Jerusalém. ¹³ Odaa jogodibatalo laamotiidi “palmeira”, ja noditicoaci migotibeci odakapetege, napaawagateloco, modi,

“Jogeeɣatalo Aneotedoɣoji.

Codaa jemaanaga Aneotedoɣoji me ibinie Niginoa anenagi

ane ibake nagatetigi Liboonagadi Goniotagodi Aneotedoɣoji,

Niginoa ane ninionigi-eliodi godoiigi Israel”.

¹⁴ Odaa Jesus ja dakapetege icoda boliicawaanigi, odaa ja waxoditedeloco. Jotigide nagakaageeta Aneotedoɣoji lotaga nigida niciagi,

¹⁵ “Jinagadoiitiwaji,

anakaami nigeladimigipitigi nigotaga Jerusalém. Digawinitege!

Ganinionigi-eliodi jegenagi,

waxoditedeloco boliicawaanigi”.

¹⁶ Igaanaga onaditege nigijo anodiotibece, agoyowoogodi nigica anodaa diitigi nigida anee Jesus. Pida nigidiaagidi nogopitedibigimece Jesus ditibigimedi, odaa jogonalaɣatibige nigijoa aneeta Aneotedoɣoji lotaga, codaa aagaga onalaɣatibige nigijoa anodigotalo nigijo noiigi.

¹⁷ Nigijo noiigi-nelegi anidiaagite midoataga Jesus nigijo negeniditedibige Lázaro midataga lawimagajegi-wetiɣa naga yewikatidi, joaneɣepaa oyatematitibece nigida niciagi. ¹⁸ Codaa

joanigidaa leegodi nigijo oko naga noditicoaci nigotaga, migotibeci odakapetege Jesus, leegodi modibodicetibige meote nigijo godoxicegedi nelegi. ¹⁹ Odaa nigijoa fariseutedi ja dinotaganega midiokiditiwage, modi, “Digawini! Agica ica godoenatagi me domaga jaoga ane beyagitema nigida libakedi. Inatawece oko jogodiotece.”

Icoa greegotedi igotibeci oiwi Jesus

²⁰ Liwigotigi nigijo oko ane igotibeci nigotaga Jerusalẽm modogetetalo Aneotedogoji midi naloogo, idiwa icoa greegotedi. ²¹ Odaa jigigotibeci odakapetege Filipe, anelaticibige nigotaga Betsaida, nipodigi Galileia. Odaa jogodipokota modita, “Goniotagodi, jemaanaga me jinataga icoa Jesus”.

²² Odaa Filipe jigigo eeta André, odaa jigigotibeci oditalo Jesus. ²³ Naga ninigodi Jesus, meetediogi, “Jigicota noko Aneotedogoji me idinelecegatee, Ee, Goneleegiwa ane jicogetibigimece ditibigimedi. ²⁴ Atacolitece anejitagawatiwaji! Nige dogoyokoletinigi iigo lolagi leyeema, codaa nige dogoyati nagajo lolagi, odaa lolagi idioka limedi mokanece. Pida nagajo lolagi nigonaligitini, odaa ja yajigo eliodi leyeema.

²⁵ Nigina ane dagaxa me yemaa me yewigateloco nigina iigo, nigini baadaga yemaa me niotici, codaa icota maniaditema lewiga. Pida nigina ane daga ewianaga yecewe me yewigateloco nigina iigo, baaniginiaagini idioka limedi me yewiga.

²⁶ Nigina ane yemaa me dibatomi, leeditibige me niotici. Odaa anejote jigidiaagaga ite. Odaa Eiodi iwenigide nigina ane dibatomi”.

Jesus yalagate ica lemegegi

²⁷ Egidaa diitigi Jesus me notaganegetediniwace, meetediogi, “Nigina natigide ja jogowikomata. Ajowooḡodi ica anejatigi igegi. Ajakadi daga jipokotalo Eiodi degeote me idiwoko yawikodigi anicota, leegodi jigidaa ibakedi me janagi”.

²⁸ Odaa jeege Jesus, “Eiodi, ikeenitiogi nigina oko meliodi ḡanimawenegegi”. Odaa jigijo nigege ane icogotibigimece ditibigimedi, mee, “Jigijo me jikeetiogi meliodi inimawenegegi, codaa ejikeetaciogi”.

²⁹ Nigijo noiigi-nelegi owajipata nigijo nigege. Odaa ijo anodi me niximagaga. Idiaa eledi modi me aanjo yotaganeege Jesus.

³⁰ Naga ninigodi Jesus, meetediogi, “Nigijo nigege agee leegodi, pida leegodi akaamitiwaji.

³¹ Jigicota noko Aneotedoḡoji me iwi codaa iloikatidi oko leegodi libeyacegeco, codaa me iticoitedice diaabo, nigijo ane iige oko anida aneetege nigina iigo.

³² Igaataga nigetidawacetibige madataga nicenaganagate, odaa ja jao moniitiwa eliodi oko inatawece iigo, jaotibige mida lewiga ane digica liniogo miniwataga Aneotedoḡoji.” ³³ Jesus eote nigijoa lotaga onidaagida me ikee anodaagee me yeleo.

³⁴ Nogoninigodi nigijo noiigi-nelegi, moditalo, “Etiḡodiigaxitece me iwoteloco notaganagaḡaxi midiwataga ḡonajoinaganageco, icoa Cristo, ane niige Aneotedoḡoji, midioka limedi miniwa mokotaga. Enige igamodaagee ina meni me leeditibige ica Goneleegiwa ane icogotibigimece ditibigimedi monawacetibige

mada nicensaganagate? Amiijo ica Goneleegiwa ane icoḡotibigimece ditibigimedi?”

³⁵ Naga ninigodi Jesus, meetediogi, “Nagajo lokokena onateciḡidiwa nokododi minaagite makaamitagatiwaji. Awaligitiwaji maleegani lokokena me daga nikatiwagaji nexocaga. Nigina anewaligitigi nexocaga ayowoḡodi nigica ane diiticogi. ³⁶ Nigina maleegani lokokena, iwagati lokokena ane Ee, amanagawini akatitiwaji makaami lionigipi Aneotedoḡoji”.

Judeutedi aḡoyiwagadi Jesus

Nigidiaagidi naga nigotedini Jesus me dotaga, odaa jogopi, ja dinaḡaditetema nigijo noiiginelegi. ³⁷ Idaagee negeliodi monadi Jesus meote ḡodoxiceḡedi, pida idokee aḡoyiwagadi. ³⁸ Joanigidaa nigicotece nigijoa lotaga Isaías, nigijo ane yeloḡoditedibece lowooko Aneotedoḡoji, nigijo mee,

“Iniotagodi Aneotedoḡoji.

Agica aneyiwagadi ḡodatematiko.

Codaa agica anigetigijo anikeenita ḡanimaweneḡegi.”

³⁹ Codaa aḡoyakadi deḡeniwagatakanaga, leegodi eledi mee Isaías,

⁴⁰ “Aneotedoḡoji ja noxoco ligecoogeli me daḡadiaa yatetibigiwaji, codaa yakakagadi laaleḡenali me doḡoyowoḡodi ane diitigilo lotaga, codaa me doḡodopitalo me nicilatiditediniwace.”

⁴¹ Mee Isaías nigijoa lotaga nigijo naga yowoḡodi Jesus me daḡaxa me ḡoneḡegi, odaa ja yalaḡatalo.

⁴² Idaagida meliodi anoyiwaagadi Jesus nigijoa lacilodi judeutedi. Pida agica daga dinelogotee moyiwaagadi leegodi odoitiogi fariseutedi dogoiticogiticoace wetice niiakanagaxiidi. ⁴³ Domogoyemaatibige digidioka odeemitetibige nigina oko. Odaa agotigica moyocaganenge Aneotedogoji.

Lotaga Jesus iwi anodaagee lewiga oko

⁴⁴ Nigidiaagidi Jesus dinigetagee, mee, “Nigina ane idadiwaagadi, agemokee me idadiwaagadi, pida aagaga eyiwaagadi Nigijoa ane idimonyatedinigi nigina iigo. ⁴⁵ Nigina ane idadi aagaga nadi Nigijoa ane idimonya. ⁴⁶ Janagi nigina iigo me Ee lokokena, jaotibige minatawece anetidadiwaagadi agideiticoace nexocaga. ⁴⁷ Nigica ane wajipatalo yotaga, pida ageyiwaagadi, anigica anejigota nigina natigide. Igaataga anaga janagi daga jiwi anejigota oko, pida janagi me jao lewiga oko. ⁴⁸ Nigina ane daga dibatigi, codaa ane daga dibatege yotaga, jigini ane iwi anodaagigota. Niginoa yotaga joaniginaa anoiwi anodigota nigicota nigica owidijegi noko. ⁴⁹ Igaataga agica degemaga yolaadi me jotaga, pida Eiodi idimonya. Odaa jiginiiaa idiige meji nigina ane leeditibige me igegi. ⁵⁰ Jowoogodi nigina liigenatakanegegi me yajigota oko lewiga ane dagadiaagica liniogo miniwataga. Ejitece inokinoateda niginoa Eiodi ane niigetediwa me jelogodi”.

13

Jesus iwilegi logonaka nigijo anodiotibece

¹ Naga nipegi lalokegi judeutedi anodita me Páscoa. Jesus ja yowoogodi naganipegi me noditedicogi niḡina iḡo migo miniwataga Eliodi. Idioka limedi me yemaa niḡijo ane nepilidi, maleeginaagite digoina iḡo, codaa me yemaa negepaagicota noko me yeleotetema.

²⁻³ Diaabo ja dakatiwece laalegena Judas Iscariotes, niḡijo lionigi Simão, ixotiwece lowoogo me yajigo Jesus modibatalo nelogododi. Jesus yowoogodi Eliodi me yajigote nagatetigitedeloco inoatawece. Codaa yowoogodi me icoḡotedigi miniwataga Aneotedoḡoji codaa mopitedibigimece miniwataga Aneotedoḡoji.

Odaa Jesus ijaagijo anodiotibece naga niataga me niodaḡa niḡijo enoale. ⁴ Odaa ja dabitidini Jesus, ja yototedice naḡajo nameeja, odaa ja noḡa nijayogo. Naga dibate aca toaaya, odaa jaḡanigoetedigi. ⁵ Niḡidiaagidi ja yadotedinigi ninyoḡodi ica baxia. Odaa ja niwilegitedini logonaka niḡijo anodiotibece, eote ane libakedi niḡina niotagi. Igaanaga igodi me iwilegi, odaa ja yatite naḡajo toaaya.

⁶ Igaanaga icote Simão Pedro, odaa jegeetalo, “Iniotagodi. Ayakadi daantagakamaḡakaami ane iwilegi iḡonaka.” ⁷ Naga ninigodi Jesus, meeteta, “Niḡina natigide aḡowoogoti ane diitigi niḡida anejigotaḡawatiwaji. Pida icota mowoogoti nigidiaagidi”. ⁸ Odaa jegeetalo Pedro, “Iniotagodi. Ica daḡa jikatedaḡadici me iwileci iḡonaka”. Naga ninigodi Jesus, meeteta, “Nige diḡikaniteda me jiwilegi ḡadogonaka, odaa aḡaleegica anenitigi”. ⁹ Odaa jegee Simão Pedro, “Iniotagodi, dice

jiniḡidokidoateda iḡonaka me iwileci, pida iwileci ibaḡatedi, codaa me yacilo!”

¹⁰ Naga iḡidi Jesus, meeteta, “Niḡijo baanaga iḡo mánila ja yapidi, odaa idoka leeditibige loḡonaka me iwilegi. Niḡida makaami ḡadapititiwaji, pida ini oniniteci ane daga yapidi niḡina akaamitiwaji”. ¹¹ Jesus yowoḡodi niḡijo ane yajigo mod-ibatalo neloḡododi. Joaniḡidaa leegodi mee, “Ini oniniteci ane daga yapidi niḡina akaamitiwaji.”

¹² Igaanaḡa iḡodi Jesus me niwilegitedini loḡonaka niḡijo anodiotibece, odaa ja dinixotacedinigi niḡayogo. Odaa jiḡigotace nicotedini maditaḡa nameeja. Odaa ja nigetediniwace, meetediogi, “Owoḡoti anodaa diitigi iḡo anejigotaḡawatiwaji? ¹³ Adadalitigitiwaji me Ee, ‘Ganiḡaxinoḡodi’, codaa me Ee, ‘Ganiotagodi’. Odaa diitigi anadalitigitiwaji, iḡaataḡa jегemeḡee. ¹⁴ Odaa Ee, ane Ee Ganiotagodi, Ganiḡaxinoḡodi, ja jiwilegi ḡadogonakatiwaji. Joaniḡidaa leeditibige me eni madiniḡiwaatiwagetiwaji miwileci ḡadogonaka. ¹⁵ Ja jao ḡawinigi, amaleeḡaḡa idoka enitatiwaji madiniḡiwaatiwage. ¹⁶ Atacolitece anejitaḡawatiwaji! Niḡina nimeedi anagaxateloco niotagodi leegodi goneḡegi. Codaa niḡina ane yadeegi nibodigi anagaxateloco niḡini ane iḡe anepaga goneḡegi. ¹⁷ Nigowoḡotitiwaji niḡinoa anejitedaḡawa, codaa niḡawiite, odaa eliodi ḡadinikegitiwaji.

¹⁸ Agejitaḡadici akaamitawecetiwaji. Iḡaataḡa jowoḡoditibige niḡijoa iomaḡataka. Codaa icota niḡijo aneeta Aneotedoḡoji lotaga, mee, ‘Niḡijo ane iḡiiwatibece me jiniodi, jiḡijaa

analee yakapetegi'. ¹⁹ Ejitaḡawatiwaji niḡina natigide, maleedaga icota, amaleegaga nigicota, odaa jaḡadadiwaḡatitiwaji makaagee, codaa midioka limedi me Ee. ²⁰ Atacolitecetiwaji niḡida anejitaḡawa. Ane dibatege niḡina ane jiḡge, aagaga dibatigi. Codaa ane dibatigi, aagaga dibatege Niḡijoa ane idimonyatedinigi niḡina iḡḡo".

Jesus ikee niḡica ane yajigo modibatalo nelogododi

(Mateus 26.20-25; Marcos 14.17-21; Lucas 22.21-23)

²¹ Niḡidiaagidi naga nigotedi niḡijoa Jesus lotaga, odaa ja dogowikomata, odaa yenikamaga meetediogi, "Atacolitecetiwaji anejitaḡawa. Ini niḡina akaamitiwaji ane idajigo modibatiwa inelogododipi".

²² Odaa niḡijo anodiotibece ja diniwi, nawelati-bigiwaji, agoyowoogodi ane diitigi niḡijo aneeteta Jesus. ²³ Niḡijo ane lemaanigi Jesus ini me ipegitetege, dawaketelogo. ²⁴ Odaa Simão Pedro ja yotaganee yatita libaagadi, dipokota me igetece Jesus ganigepitiḡijo ica aneeteta me yajigo midi nelogododipi.

²⁵ Odaa niḡijo ane-diotibece lemaanigi ja dawaketeloco elipije Jesus, odaa ja ige, oxati meetalo, "Iniotagodi. Amiiḡo ica anenita?" ²⁶ Naga niniḡodi Jesus, meeteta, "Niḡini ane jajigota paon liwai ane itimi, joaniniḡiaa idajigo." Odaa Jesus ja dibate paon liwai, naga ititedinigi ica niweenigi liwagedi, odaa ja yajigote Judas, lionigi Simão Iscariotes. ²⁷ Igaanaga dibatege Judas niḡijo paon, odaa Satanás ja dakatiwece laalegena.

Odaa Jesus jegeeteta Judas, “Nigica anigida ane eni me gadoenatagi, adinageni mawii”.

²⁸ Nigijo anidiaagi maditaga nameeja, agica ane yowoogodi ane leegodi Jesus meote nigijo ligegi.

²⁹ Judas jigijaa doweditelogo dinyeelo. Joanigidaa modiletibige daga iige Jesus migo dinoojetetigi anigetigica anoyopotibige me naloogo, migetaga nediatiwace madewetedi beexotedi.

³⁰ Naga dibatege Judas nigijo paon liwai, odaa ja dinagetice me noditice. Pida jegenale.

Ica gela niigenatakanegegi

³¹ Nigijo naga noditice Judas, odaa jeege Jesus, “Nigina natigide jogonelecatagee Goneleegiwa ane icogetibigimece ditibigimedi, ane Ee, codaa odogetetalo Aneotedogoji Ee leegodi.

³² Nigodogetetalo Aneotedogoji Ee leegodi, odaa iniaaginiwa Aneotedogoji nelecatagee Goneleegiwa ane icogetibigimece ditibigimedi, ane Ee. Aneotedogoji eote nigida aneete natigidawaanigi.

³³ Ionigipi. Agalee leegi minaagejo makaamitaga. Icota moleetibigijitiwaji. Pida ejitagawatiwaji natigide nigijo ane igegitiogi nigijoa lacilodi godoiigi judeutedi me dagakatitatiwaji memii ane jiiticogi.

³⁴ Natigide jajigotagawatiwaji gela ganiigenatakanegegi, madinemaanitiwagetiawaji. Digo aneji me gademaanitiwaji, gadiigeni magaga adinemaanitiwage.

³⁵ Nigadinemaanitiwage, inatawece oko oyowoogodi makaami nigina anoniotici”.

Jesus eote leemidi Pedro

(Mateus 26.31-35; Marcos 14.27-31; Lucas 22.31-34)

³⁶ Odaa Simão Pedro ja ige Jesus, meetalo, “Iniotagodi. Igame aaticogi?” Naga ninigodi Jesus, meeteta, “Nigina natigide, agakati degemii ane jiiticogi. Pida nigidiaagidi icota memii”. ³⁷ Naga igetace Pedro, meetalo, “Iniotagodi. Igaamee ica daga jakadi mejigo jiotagadici ina natigide? Ja idigo me ideleotaagadomi”. ³⁸ Naga igidi Jesus, meeteta, “Migewi naga gadigomi me gadelewitomi? Jemaa mejitagawa anewi. Anigicatibige daga dinici okogokoodi manoe, odaa itoatadijida meni me dagadowoogoti”.

14

Jesus naigi anigo miniwataga Aneotedogoji

¹ Odaa jegeetediogi Jesus, “Jinagakaami agecagalodipi, codaa jinaga agowikomataatiwaji. Pida anakatoni Aneotedogoji. Ee eledi adinakatoni. ² Igaataga digoida ligeladi Eiodi idiwa owidi diimaga. Dagaleetigidaagee daganagawini akaagejitagawatiwaji. Odaa ejigo jilakidetagadomitiwaji ane onite. ³ Igaanige ejigo jilakidetini ane onitetiwaji. Odaa nige jigodi, odaa ja idopitacijo me gadadeegitiwaji, amaleegaga anejote, jigidiaagaga onitetiwaji. ⁴ Jogowoogotitiwaji ane jiiticogi, codaa jogowoogoti naigi ane gadadeegiticogi digoida ane jiiticogi”.

⁵ Odaa jegeetalo Tomé, “Iniotagodi, ajowoogotaga ica ane aaticogi. Codaa, igamaleegaga gonimawenegegi me jowoogotaga ica naigi?” ⁶ Naga ninigodi Jesus, meeteta, “Ee jegemegee naigi ane gadadeegitalo Aneotedogoji,

Ee anewi aneetece Aneotedogoji, codaa jegemaga jao lewiga oko. Agica ane yakadi micotalo Eiodi, nige daga Ee jadeegitalo. ⁷ Nigadowoogotitiwaji, odaa Eiodi aagaga owoogoti. Odaa nigina natigide jogowoogoti codaa jaganati Eiodi.”

⁸ Odaa Filipe jegeetalo Jesus, “Goniotagodi, enice anikeenitedogowa icoa Gadiodi. Odaa jogokomoda ele”. ⁹ Naga ninigodi Jesus, meeteta, “Filipe. Ja jotigide me Ee makaamitagatiwaji. Anagadowoogoti? Nigina ane idadi, odaa nadi Eiodi. Enice, igaamee ina menitiwa, ‘Anikeenitedogowa icoa Gadiodi’?” ¹⁰ Agiwagatakani mejotologo Eiodi, codaa Eiodi miniwa meetaga?” Odaa jegeetediogi Jesus nigijo anodiotibece, “Niginoa anejitedagawatiwaji, agejitece emeggee. Pida Eiodi aniniwa meetaga, joanegepaageote libaketedi. ¹¹ Leeditibige me iwagatitiwaji me idejo miniwataga Eiodi, codaa Eiodi miniwa meetaga. Nige daga iwagatakanititiwaji leegodi niginoa yotaga, enice iwagatakani leegodi nigijoa godoxicegetedi ane jaote.

¹² Natigide atacolitecetiwaji nigida igegi. Nigina ane idadiwagadi icota meote niginoa ane jaote, codaa icota meote loenataka ane dagaxa me eloodoli, igaataga ja jopitalo Eiodi. ¹³ Odaa jao okanicodaagica ananipokitiwatiwaji nigina mabakeni Iboonagadi, amaleegaga ane Ee, Lionigi Aneotedogoji, inelecagatidi Liboonagadi Eiodi. ¹⁴ Niganipokitiwa mabakeni nagatetigi Iboonagadi okanicodaagica, odaa jajigotagawatiwaji ane gadipoketegi.

Aneotedogoji niwakatee Liwigo

¹⁵ Nigademaanitiwaji, enice iwagati niginoa iigenatakanegeco. ¹⁶ Jipokotalo Eiodi me

yajigotedagawa eledi Ganaxawanatitogodi, anidioka limedi mini makaamitaḡatiwaji.

¹⁷ Joaniginiaa Niwigo ane ikee anewi nigina moyalaḡatiwa. Nigina okotigi digoina iḡo ayakadi dogodibatege, igaataḡa aḡoyakadi dogonadi, oteḡexaaḡaḡa oyowoḡodi. Pida akaamitiwaji boḡowoḡoti igaataḡa ini makaamitaḡa, codaa icota me digeladetiwagaji.

¹⁸ Aḡadalatitiwaji dogodaa micataḡa daḡakaami exiiḡigipi. Pida idopitacaḡawatiwaji. ¹⁹ Aḡalee leegi nige ideleo, oḡaa nigina okotigi digoina iḡo aḡaleeḡetidadi. Pida aḡica daḡa leegi akaamitiwaji baḡadati. Leegodi nige idewiḡatace, oḡaa jaḡaḡa ḡadewikitace. ²⁰ Nigicota noko nige idewiḡatace, oḡaa joḡowoḡotitiwaji me emoka Ee me idexogotege Eiodi, codaa akamokakaamitatiwaji me ḡadexocitigi, codaa me emoka Eeta me idexogotaḡagitiwaji.

²¹ Nigina ane dibatege codaa meyiwaḡadi iigenatakanegeco, joaniginiaa idemaa. Oḡaa Eiodi aḡaḡa yemaa nigina ane idemaa. Codaa Ee aḡaḡa jemaa, codaa me idinikeeta ane Ee.”

²² Oḡaa Judas, aḡiḡiḡiḡo Judas Iscariotes, pida eledi Judas, iḡe Jesus, meetalo, “Goniotaḡodi, iḡamodaḡeeta ica madinikeenitogowa, nige daḡadinikeenitiḡi ina eledi oko digoina iḡo?”

²³ Naḡa ninigodi Jesus, meeteta, “Nigina ane idemaa eyiwaḡadi niginoa yotaḡa, codaa Eiodi yemaa nigina ane idemaa. Ee iniaa Eiodi janagaḡa

me gonoiiigiwa. ²⁴ Nigina ane daga idemaa, ageyiwa gadi yotaga. Codaa niginoa notaga anajipaatalotiwaji, agemaga yotaga, pida lotaga Eiodi ane idimonya.

²⁵ Ejitedagawatiwaji niginoa yotaga maleegeetibige makaamitaga. ²⁶ Pida Nigina Ganaxawanatitogodi, Aneotedogoji Liwigo, ane niwakatee Eiodi leegodi Iboonagadi, gadiigaxinitecetiwaji inoatawece, codaa eo manalakitibige ijoatawece nigijoa anejitedagawatiwaji.

²⁷ Jaote mele gadaalegenalitiwaji. Joanigidaa ane jaotagadomi. Aneji me jaotagadomitiwaji aliciagi anee nigina oko anida aneetege nigina iigo. Odaa jinagakaami agecagalodipi, jinagagowikomataa, codaa jinagadoiitiwaji.

²⁸ Jagajipaataliwaji nigijo mejitagawa mejigo, pida idopitagawatiwaji. Nigina nigademaanitiwaji enice aniniitibeci leegodi mejitagawa me jopitalo Eiodi. Eiodi dagaxa meliodi nimawenegegi, aiciagi. ²⁹ Ejitedagawa niginoa yotaga, maleedaga icotalo niginoa anejitece, amaleegaga adadiwagatitiwaji nige limedi me icotece niginoa anejitedagawa.

³⁰ Aleegi me gadotaganegenitiwaji, igaataga nigijo ane iige oko digoina iigo jigina menagi. Enagi me dakapetigi, pida agica nimawenegegitici. ³¹ Pida amaleegaga oyowoogodi nigina oko digoina iigo me jemaa Eiodi, odaa jaote inoatawece ane niigetediwa. Xebatiwaji, adabititiniwace, jopilaga!"

15

Jesus diniciaceeketetege libatadi “uuva”

¹ Odaa jegee Jesus, “Ee idiniciaceeketetege nigina libatadi ‘uuva’. Odaa Eiodi бага liciagi nawodaganaga jegepaa doweditedeloco elanigije ‘uuva’.” ² Nakagidi inoatawece libiwedi ane degetayeteda. Ibinie inoatawece libiwedi anepaga etaye, eotedibige mepaanaga dáwe. ³ Nigida makaamitiwaji ja gadapiti leegodi me iwagati niginoa yotaga anejitedagawa. ⁴ Ele midioka limeditiwaji me gadexocitigi, odaa Ee idiokaanaga limedi me idexogotagagitiwaji. Nagana libiwe idoka etaye nigalee yexogotege nagada libatadi ‘uuva’. Jigidaagenitiwaji, idoka akati me áwe nige gadexocitigi.

⁵ Ee libatadi ‘uuva’. Odaa akaamitiwaji libiwedi. Nigina anidioka limedi me yexogotigi, Ee aagaga idexogotege, codaa joaniginiaa ane dáwe. Igaataga nige daga gadexocitigitiwaji, odaa agica anakati mawii. ⁶ Nigina ane daga yexogotigi, joaniginiaa oyaladiticogi we, yadilo mi-coataga niginoa niale libiwedi anoiladie, odaa jogoyokoletigi noledi moyalegi. ⁷ Nigidioka limedi me gadexocitigitiwaji, codaa nigidioka limedi mowoo yotaga, anipokitiwa nigica anemaani, odaa jaotagadomitiwaji. ⁸ Odogetetalo Eiodi, nigina nige áwetiwaji. Odaa jagakaami nigina anoniotici.

⁹ Ja gademaanitiwaji digo anigotediwa Eiodi me idemaa. Idoka enitatiwaji midioka limedi me gadexocitigi amaleegaga jikee me gademaanitiwaji. ¹⁰ Nigina nigoteteni

iigenatakanegeco, odaa idioka limedi me jikee me gademaanitiwaji, digo aneji me jotete liigenatakanegeco Eiodi, odaa idioka limedi me idemaa.

¹¹ Jegejitedagawatiwaji niginoa yotaga amaleegaga itiwaḡaji inikegi, odaa eliodi ḡadinikegitiwaji. ¹² Joanigidaa iigenatakanegegi, madinemaanitiwaḡetiwaḡaji, digo anejigotaḡawa me gademaani. ¹³ Agica ane daḡaxa me yemaa lokaḡetedipi, daḡa liciagi nigina ane yeleotema lokaḡetedipi. ¹⁴ Akaami yokaḡetedipi nigawii nigina ane jiiḡetaḡawa. ¹⁵ Agejitaḡawa makaami iotaḡipi, iḡaataḡa nigina niotaḡi ayowoḡodi nigica aneo nigini niotaḡodi. Pida ejitaḡawatiwaji makaami yokaḡetedipi leegodi jegejitedagawatiwaji ijoatawece aneetediwa Eiodi.

¹⁶ Anagakamaga adiolaaticetiwaḡaji, pida Ee ḡadiolaatice, odaa ja ḡadiomaḡatiticoace jaotibige memii, codaa me áwe, odaa niginoa ḡatá abeyagi. Joanigidaagee, Eiodi yajigotedagawatiwaji inoatawece ane ipokitibige, nigina me abakeni Iboonaḡadi. ¹⁷ Joanigidaa me ḡadiigenitiwaji madinemaanitiwaḡe.

Oko anida aneetege nigina iiḡo neleḡetedi nigina anodiotibece Jesus

¹⁸ Nigakaami neleḡetedipi nigina oko anida aneetege nigina iiḡo, analakitibigetiwaḡaji me Ee odoeḡegi me Ee neleḡedi. ¹⁹ Iḡaataḡa diḡida aneniteḡetiwaḡaji nigina iiḡo, daḡanaḡawini nigina oko etiḡademaani, iḡaataḡa inoka oyemaa nigina ane nebi, anida aneetege

nigina iigo. Pida ja gadiomagatiticoace liwigotigi nigina oko, gadixipeniticoace, odaa agaleegica anenitege. Joanigidaa leegodi makaami nelegetedipi. ²⁰ Analakitibige nigijo mejitagawatiwaji, nigina nimeedi anagaxateloco niotagodi. Odaa nigina oko anida aneetege nigina iigo nigetidiatetibeci, odaa akaami aagaga etiadiatenitibece. Dogoyotete yotaga, odaa tagaga oyotete gadotagatiwaji. ²¹ Pida leegodi mida anenitigi jigidaa midogodigotagawatiwaji, igaataga agoyowoogodi Nigijoa ane idimonya. ²² Nigina daaditaga janagi, jelogoditiogi, agotigica libeyacegegi ane yelogo. Pida nigina natigide agaleegica oko ane yakadi me yagaditini libeyacegegi. ²³ Nigina ane Ee lelegedi, aagaga lelegedi Eiodi. ²⁴ Nigina daaditigicoateda godoxicegetedi ane jaote lodoe, ane digica ane yakadi meo liciagi, odaa niginoa loenataka ane beyagi agotaga yelogo. Pida nogonadi godoxicegetedi ane jaote, odaa jogoyelatomi, codaa Eiodi moyelatema. ²⁵ Pida mina jigidaagee, icota nigijo ane diniditeloco notaganagaxi midiwataga niigenatakanegeco, nigijo anee, 'Agica ane leegodi moyelatomi'.

²⁶ Nigijo Ganaxawanatitogodi, Aneotedogoji Liwigo, icota meno, odaa begewi me ikeetagawa anodaageji nigina moyalaagatiwa, icogotibigimece miniwataga Eiodi. Jinimonyatagawatiwaji, icogotibigimece Eiodi. Odaa nigeno, jegeetece anodaageji. ²⁷ Odaa akaamitiwaji jagaga enitece anodaageji, leegodi makaamitiwaji meetaga, nigijo maleekoka gadiomagatiticoace, codaa

nigina natigide.

16

¹ Ejitedagawatiwaji niginoa yotağa jaotibige me daga amigiticoace. ² Etigaditicoiticoace wetice niiakanagaxiidi. Codaa icota noko, nigina anetigadeloati odiletibige dogowo libakedi Aneotedogoji. ³ Odaa jigidaagodigotagawatiwaji leegodi agoyowoogodi Eiodi, codaa Ee agetidowoogodi. ⁴ Pida ejitedagawatiwaji niginoa yotağa amaleegaga nige icotece, odaa jaganalakitibigeti waji mijo me jao gadeemidi.

Ica ane libakedi Aneotedogoji Liwigo

Nigijo maleekoka idinojocagatini me jibaaga agica degejitedagawa niginoa yotağa, leegodi maleegeetibige makaamitağatiwaji. ⁵ Pida nigina natigide ja jopitalo ane idimonya. Pida agica nigina akaamitiwaji ane idigetece ica ane leegodi mejigo. ⁶ Pida jagakaami agecagalodipi leegodi me jao gadeemidi. ⁷ Ejitagawatiwaji anewi. Dağaxa mele mejigo, igaatağa daaditaga ejigo, odaa Ganaxawanatitogoditiwaji agenagi. Pida nigejigo odaa ja jinimonyatagawatiwaji.

⁸ Nigina nigenagi, odaa ja ikeetiogi nigina oko anodaagee nibeyacegeco, codaa ane igenaga, codaa Aneotedogoji me laagetedipi nigina oko leegotedi loenataka ane beyagi. ⁹ Codaa ikeetiogi nigina oko minoa libeyacegeco, leegodi me degetidadiwagadi. ¹⁰ Eledi ikeetiogi ane igenaga, leegodi jegejigo miniwataga Eiodi, odaa agaleege madatitiwaji. ¹¹ Codaa aagaga ikeetiogi Aneotedogoji me laagetedipi nigina oko leegotedi

libeyacegeco, leegodi ja laagedi nigijo ane iige oko digoina iigo.

¹² Eginoa owidi ane domegejitedagawatiwaji, pida agabootegetiwaji dagajipaatalo eletidi yotaga nigina natigide. ¹³ Pida nigenagi Aneotedogoji Liwigo, ane ikee anewi me yalagatiwa, ikeetedagawatiwaji inoatawece niginoa anepewi. Adotaga degepaa lolaadi, pida eetece nigica anagaga lajipakegi. Yatematitedagawatiwaji niginoa ane icota manati. ¹⁴ Eo modogetetiwa nigina oko, leegodi yelogoditagawatiwaji nigina ane jajigota, ane jema me igegitagawa. ¹⁵ Inoatawece ane nepilidi Eiodi, aagaga inepilidi. Joanigidaa meji, Liwigo Aneotedogoji dibatege niginoa yotaga ane jajigota, oada jagaga yelogoditedagawatiwaji.

Nigijo anodiotibece agecagalodipi, pida nigidiaagidi ninitibigiwaji

¹⁶ Natigidawaanigi agaleege madatitiwaji. Pida nigidiaagidi icotace madati. Igaataga jegejigo miniwataga Eiodi”.

¹⁷ Odaa onica nigijo anodiotibece ane dinotaganege midiokiditiwage, modi, “Amiida ica ane diitigi ijo ligegi meetedogowa me natigidawaanigi oada agaleegicoa me jinataga, oada aleegi ja jinatagatace, eleditace nigina meetedogowa me leegodi nigigo miniwataga Eliodi?” ¹⁸ Odaa ja dinotaganegetace idiokiditiwage, modi, “Igame diitigi ica ligegi ijo mee, ‘Nigidiaagidi’? Ajowoogotaga aneyatedigi ica ligegi”.

19 Jesus yowoogodi modoletibige moige, odaa jegeetediogi, “Jegejitaḡawatiwaji natigidawaanigi aḡaleege madati, pida nigidiaaḡidi icotace madati. Jowoogodi me domaga aḡikanitecetiwaji nigica anodaa diitigi nigida igegi. 20 Ejitaḡawatiwaji nigina anewi. Nigida makaami icota manoenitiwaji, codaa makaami aḡecaḡalodipi, pida inigina nigina oko anida aneetege nigina iigo бага ninitibigiwaji. Akaami aḡecaḡalodipi, pida nigidiaaḡidi aniniitibecitiwaji. 21 Gadiciagitiwaji macataga naḡana iwaalo naḡa niḡepi me dinigaje, odaa jaḡaḡecaḡalo, iḡaataḡa jiḡicota noko lawikodigi. Pida niḡe dinigaje, odaa aḡalee nalagatibige niḡijo lawikodigi. Pida ja ninitibece leegodi naḡa dinigajetece nigaanigawaanigi. 22 Jiḡidaaḡenitiwaji makaami aḡecaḡalodipi. Pida nigidiaaḡidi nigadatitacitiwaji, odaa jaḡaniniitibeci. Codaa aḡaleeḡica ane yakadi daḡa noḡatice ḡadinikegitiwaji.

23 Nigicota nigica noko me jopiticogi miniwataga Eiodi, odaa aḡalee leeditibige madigee. Ewi nigida anejitaḡawatiwaji. Niga-bakeni Iboonaḡadi mipokita okanicodaaḡicata anemaani, odaa jiḡidiaa yajigotedaḡawa Eiodi. 24 Codaa natigide aniḡica daḡa atikani Iboonaḡadi me ipokitalo Eiodi. Ipokitaloti waji Eiodi, odaa jaḡabaatege ane ḡadipoketegi, eotedibige meliodi maniniitibecitiwaji.

Jesus ja iḡeke loniciwaga ane beyagi nigina iigo

25 Niḡijo me ḡadiiḡaxinitiniwace, jibake natematiko, anida ane jiciaceeketege. Pida

icota noko nige daɣadiaa jao ane jiciaceeketege niɣina me ɣadliɣaxinitiwaji, pida iɣenaga mejitece Eiodi. ²⁶ Niɣica noko atikanitiwaji Iboonagadi me ipokitalo Eiodi. Pida ejitaɣawa aɣalee leeditibige daɣa jipokotaɣalocotiwaji miniwataga Eiodi. ²⁷ Igaataga Iniaaɣiniwa ɣademaanitetiwaji. Odaa ɣademaanitetiwaji leegodi mademaani, codaa jagadadiwaɣati me jicoɣoticogi miniwataga Aneotedoɣoji. ²⁸ Jaladi Eiodi, odaa ja janagi niɣina iiɣo. Odaa natigide jaladi niɣina iiɣo, jopitalo Eiodi”.

²⁹ Odaa moditalo niɣijo anodiotibece, “Niɣina natigide ja yeloɣotece ɣadotaga, ataleegawii ane iciaceekenitege aneo me daɣa jowoogotagatece. ³⁰ Niɣina natigide ja jowoogotaga mowoogoti inoatawece, codaa aɣalee leeditibige diɣica ane ɣadigee. Joanigidaa me ɣadadiwaɣategegi me icoɣiticogi miniwataga Aneotedoɣoji (Leegodi owoogoti codaa me ɣodowooko)”.

³¹ Naɣa ninigodi Jesus, meetediogi, “Jawien-ataka naɣa adadiwaɣatitiwaji. ³² Igaataga enagi noko codaa jiɣicota, odaa akaamitawecetiwaji ilaagitibece, odaa joɣopilitalotiwaji niɣinoa ɣadigelatedi, leegodi madoiitiogi lacilodi judeutedi. Odaa jiɣidaagee nige daɣadiaaɣica mawitibigiji. Pida aɣoka Eetece, igaataga Eiodi iniwa meetaga. ³³ Ejitedaɣawatiwaji niɣinoa yotaga, jaotibige mele ɣadaalegenali leegodi mida anenitigitiwaji. Awikodeetiwaji digoina iiɣo, pida aleeni ɣadaalegena, igaataga ja jiɣeke loniciwaga niɣina ane beyagi digoina iiɣo”.

17

Jesus yotaganenge Eliodi

¹ Naga igotedi Jesus nigijoa lotaga, odaa ja iwitedibigimece ditibigimedi, odaa jegee, “Eiodi. Nagajo lakata me jawikode ja nipegi. Ikeeni me Ee gadionigi, odaa alecatinitibigimece Iboonagadi lodoe inatawece oko, amaleegaga jakadi me jogetetagawa. ² Leegodi manajicitiwa inimawenegegiteloco inatawece oko me jao midioka limedi me newiga nigijo ananajicitiwa. ³ Nigina oko idiokaanaga limedi me newiga makaamitaga nigina negetigadowoogoti, makamokakaami makaami Aneotedogoji anewi, codaa nigina negetidowoogodi, me Ee, Jesus Cristo anakamaga adimonyaa. ⁴ Ja gadinelecegateeni lodoe nigina oko digoina iigo, igaataga ja jigodi ibakedi ananajicitiwa me jao. ⁵ Eiodi, natigide awii me idelogo gadodoe liciagi me idelogo nigijo jotigide maleedigicatibige daga iigo nigina iigo.

⁶ Ja jikeetiogi anodaageni nigijoa goneleegiwadi ane iomagatiticoace minataga nigina oko digoina iigo, odaa jaganajicitiwa. Ja ganepilidi, odaa jaganajicitiwa. Codaa oyiwagadi gadotaga.

⁷ Nigina natigide nigijoa goneleegiwadi jogoyowoogodi minoatawece niginoa ananajicitediwa icogotedigi makaamitaga.

⁸ Igaataga jelogoditiogi gadotaga ananajicitediwa, odaa jogodibatege. Codaa jogoyowoogodi mewi me jicogotibigimece makaamitaga, codaa jegeniwagatakanaga mewi nagakamaga adiigeni.

⁹ Jipokoteloco makaamitaga. Pida baadaga jipokoteloco nigina oko anida aneetege nigina

iigo, ijoka jipokotelogo nigijo ananajicitediwa, igaataga ganepilidi. ¹⁰ Inoatawece niginoa ane inepilidi, ganepilidi. Codaa inoatawece niginoa ane ganepilidi, Ee aagaga inepilidi. Leegodi moniotici, odaa nigina oko jogoilecateetibigimece Iboonagadi. ¹¹ Natigidawaanigi jegejigo makaamitaga. Agaleeginaagejo digoina iigo. Pida nigina anoniotici bagaleeginaagi digoina iigo. Eiodi, ane digica gabatiigi, atikani nimawenegegi Gaboonagadi me otetenitibigiwaji nigijoa goneleegiwadi ananajicitediwa, amaleegaga idioka limedi me ilagatiwage, digo anejinaga me godilagatiwage. ¹² Nigijo maleegejote miditaga digoina iigo, jotetetibigiwaji jatika nimawenegegi Gaboonagadi. Nigijoa goneleegiwadi ananajicitediwa, ja idoweditelogo. Codaa agica ananiaditice, ijokijo nigijo bagakaa aniatagigi, nigijo anakaa dinibikota maniatagigi, eotibige me jinataga nigijo aneeta Aneotedogoji lotaga nigicota.

¹³ Pida natigidawaanigi jegejigo makaamitaga. Ejitece niginoa yotaga maleegeetibige nigina iigo, amaleegaga nigina anoniotici eliodi me ninitibigiwaji digo aneji me idinitibeci. ¹⁴ Ja jajigotiogi gadotaga. Odaa nigina oko anida aneetege nigina iigo ja nelegetedipi, leegodi nigina anoniotici agaleegica aneetege nigina iigo, digo aneji me digica anejitege nigina iigo. ¹⁵ Ajipokotagawa daganogaaticogi nigina iigo, pida jipokotagawa motetenitibigiwaji, adowetiteloco, atamagateenitege nimawenegegi nigijo ane abeyacegegi, diaabo. ¹⁶ Agica anoditege

nigina iigo, iciagipi me dagaga icata anejitege nigina iigo.

¹⁷ Atikani anewi nigina me iomagatiticoace makamoka ganepilidi. Gadotaga joaniginaa anewi.

¹⁸ Anemiitiwa madimonyaatinigi nigina iigo, jigidaagaga ejigotiogi me jimonya.

¹⁹ Odaa idiniomagaditagadomi leegodi nigina anoniotici. Jao nigida anejitagawa amaleegaga odiniomagaditagadomi makamokakaami me ganepilidi. Atiitiogi gadotaga me iomagatiticoace.

²⁰ Pida agidioka jipokoteloco, aagaga jipokoteloco nigica eledi anicota metidadiwagadi leegotedi gadotaga.

²¹ Eledi jipokoteloco amaleegaga idiokaaga limedi me ilagatiwage. Eiodi, jipokotagawa amaleegaga okomokokotege, anejinaga mokomokotiwage, codaa emo-keetagagi, codaa amaleegaga eniwagatakanaga nigina oko digoina iigo nagakamaga adimonyaa.

²² Ja jajigo yogeegegitiogi nigina anoniotici, liciagi gadogeegegitiwa, amaleegaga idioka limedi me ilagatiwage, digo anejinaga me godilagatiwage.

²³ Idejote miditaga, liciagi makaami meetaga, amaleegaga ewi me ilagatiwage, amanagawini nigina oko digoina iigo eniwagatakanaga nagakamaga adimonyaa, codaa memaani digo anemiitiwa mademaani.

²⁴ Eiodi. Jemaa nigijo ananajicitiwa odaa anejote jigidiaagaga ite, codaa amaleegaga onadi malecatinitibigimece Iboonagadi, leegodi ademaani maleedigicatibige me oeni nigina iigo. ²⁵ Eiodi ane igenaga. Nigina oko anida aneetege nigina iigo agetigadowoogoti. Pida Ee бага gadowoogoti codaa nigijo ananajicitiwa

oyowoogodi naḡakamaga adimonyaa. ²⁶ Ja jao metiḡadowoogoti, codaa egidaa diitigi me ḡadikeenitiogi, jaotibige me dinemaatiwage digo anemiitiwa mademaani, codaa magaga idejotice miditaga”.

18

Ica Jesus noḡoniwilo

(Mateus 26.47-56; Marcos 14.43-50; Lucas 22.47-53)

¹ Igaanaga nigotedini Jesus me yotaḡaneḡe Eliodi, odaa ja noditedice nigotaḡa ijaagijo anodiotibece igotibeci daato niḡijo natoaga anodita “Cedrom”. Ini lapo nialeli enanigijedi, odaa joaniḡidiaa dakatediwece Jesus ijaagijo anodiotibece. ² Judas, niḡijo ane yaḡigo Jesus modibatalo neloḡododi, eledi yowoogodi anei niḡini nialicawaanigi, leegodi elioditibece midiaaḡitedibige Jesus ijaagijo anodiotibece. ³ Odaa Judas jiḡigo niḡijo aneite Jesus, yadeegi ijoa iodaḡawadi romaanotedi ijaagijoa onateciḡijoa nowienoḡododi liḡeladi Aneotedoḡoji, liḡexedi fariseutedi ijaagijoa lacilodi sacerdotitedi. Oyadeegi noledaḡaxiidi inaa lalogonaḡatedi, codaa me likanaḡanaḡatedi.

⁴ Jesus akaa yowoogodi inoatawece niḡinoa analeegicotece modigotalo. Joaniḡidaa leegodi niḡigo dakapeteteḡe, odaa ja nigetediniwace, meetediogi, “Amiijo ica anoleetibigetiwaji?”

⁵ Noḡoniniḡodi, moditalo, “Joleegatibige Jesus anelatedibige Nazaré”. Odaa jeḡeediogi Jesus, “Niḡida me Ee, Ee ane Ee!” Judas, niḡijo aneyaa Jesus eledi ida me lixiḡaḡawepodi. ⁶ Niḡijo

negee Jesus, “Nigida me Ee, Ee ane Ee!”, odaa jaganojiceticoace, enitinigi iigo. ⁷ Odaa ja nigetacediniwace Jesus, meetediogi, “Amiijo ica anoleetibigetiawaji?” Odaa moditacalo, “Joleegatibige Jesus anelatedibige Nazaré”. ⁸ Odaa jegeetediogi Jesus, “Genegejitagawatiwaji jegemegee. Nige negemaga oleetibigijitiwaji, enice ikaniticoace nigina anoniotibici mopitibeci”. ⁹ Eote nigida ligegi eote micotece nigijo ligegiteta Eliodi, “Eiodi, agica ane aniaditibige otiginitece nigidi ananajicitiwa”.

¹⁰ Simão Pedro idatace lodaajo-ocagataga, naga nixigitice, odaa ja yakagiditice napaagate ijo goneleegiwa ane liboonagadi Malco, ane liotagi lacilo-sacerdotitedi. Nagajo napaagate diigeticogi libaagadi. ¹¹ Odaa Jesus jegeeteta Pedro, “Ixomitiwece gadodaajo lagaagaxi! Aleetibige daaditaga jibatege yawikodigi ane najigotediwa Eiodi?”

Ica noḡoyadeegitedicogi Jesus ligeladi Anás

¹² Odaa nigijoa iodaḡawadi romaanotedi, ijo lacilo, ijaagijoa nowienoḡododi Aneotedoḡoji ligeladi joḡodibatalo Jesus, joḡoniwilo. ¹³ Odaa odoejegi oyadeegitedicogi Jesus ligeladi Anás, loxiḡadi Caifás, ane lacilo-sacerdotitedi. Joaniginiaa diigenataka nigijo nicaagabi.

¹⁴ Caifás, joaniginiaa nigijo ane yajoitioḡi nigijoa lacilodi judeutedi me daḡaxa mele mokinitece goneleegiwa ane yeletema noiigi.

Pedro diwitaka me diḡicoateda me yowoḡodi Jesus

(Mateus 26.57-58, 69-70; Marcos 14.53-54, 66-80; Lucas 22.54-62)

¹⁵ Odaa Simão Pedro ijaagijo eledi ane-diotibece Jesus jogodiatece lowidi nogoyadeegi Jesus, dinixigagawamigi. Nigijo lixigagawa Simão Pedro lowoogotagi nigijo lacilo-sacerdotitedi. Joanigidaa leegodi me yakadi me diotiwece Jesus naga dakatediwece niogó ligeladi nigijo lacilo-sacerdotitedi. ¹⁶ Pida Pedro bigidiaagitice we, ipegitege ijo epoagi nelegi. Odaa nigijo lixigagawa Pedro ane lowoogotagi nigijo lacilo-sacerdotitedi ja noditice, odaa ja yotaganega naja awicije ane yowie nigijo epoagi nelegi. Odaa ja ikatio Pedro me dakatio. ¹⁷ Odaa naja awicije jegeeta Pedro, “Ica ina daga-aami eledi nigina ane do-ootibece nigidoa aaginaga.” Naga ninigodi, meeta, “Ogoa, agica anejitege!” ¹⁸ Nigijoa niotaka ijaagijoa nowienogododi Aneotedogoji ligeladi owo noledi nelegi aninoa ligoli, leegodi me diwete nigijo enoale. Odaa jigidiaa dabidite me dinitotibigiwaji. Pedro eledi ida mawatiogi aagaga dilowate.

Anás nigettedice Jesus

(Mateus 26.59-66; Marcos 14.55-64; Lucas 22.66-71)

¹⁹ Odaa nigijo lacilo-sacerdotitedi ja igetece Jesus nigijo anodiotibece, icaagica ane iigaxitetece, onidaagida me doletibige ane leegodi mowo anodigota. ²⁰ Naga ninigodi Jesus, meeteta, “Idioka limedi me jiigaxinaga lodoe noiigi-nelegi. Codaa elioditibece me jiigaxinaga catiwedi niiakanagaxiidi, codaa me catiwedi Aneotedogoji ligeladi, aneitibige godoiigi judeutedi me yatecogo. Agica daga idinagaditini

me jiiḡaxinaḡa. ²¹ Natigide, igaamee ina madigee? Anigeetiniwace niḡijo anonajipatiwa, igaataḡa oyowoḡodi niḡinoḡa ane jiiḡaxitece”.

²² Niḡijo neḡee Jesus niḡijo ligegi, odaa ica nowienoḡodi lapoagi Aneotedoḡoji ligeladi ja yabaketigi latobi, meetalo, “Ayakadi mideḡemii magiti niḡini lacilo-sacerdotitedi”. ²³ Naḡa ninigodi Jesus, meeteta, “Nige beyagi niḡijo igegi, enice anikeenitiwa ica ibatiigi. Pida nigele niḡijo igegi, igatime leeḡodi madabakeni?”

²⁴ Jesus eḡidaḡee moigoetedi, odaa Anás ja diiḡenatakatalo moyadeegitedicogi minitaga Caifás, niḡijo eledi lacilo-sacerdotitedi.

Pedro ja diwitakatace me diḡicoateda me yowoḡodi Jesus

(Mateus 26.71-75; Marcos 14.69-72; Lucas 22.58-62)

²⁵ Eḡidiaa dabidite Pedro me dilowate, noḡoigetace, modita, “Akaami eledi iwitibece idoa ḡoneleegiwa?” Odaa Pedro ja diwitakatace, meetiogi, “Ee oḡoa!”

²⁶ Onijoteci niḡijoa niotaka ane litaagi niḡijo Pedro ane yakagiditice napaḡate, meeta Pedro, “Ica ina daḡa ḡadati diḡoida aneite enanigijedi nialeli.” ²⁷ Odaa Pedro jiiḡjaa naḡa inaaletace mee me diḡicoateda me yowoḡodi Jesus. Odaa aḡica daḡa leegi jaḡanoḡ okoḡokoodi.

Pilatos iwi anigotalo Jesus

(Mateus 27.1-2, 11-14; Marcos 15.1-5; Lucas 23.1-5)

28 Nigidiaagidi jogonotagateetedice Jesus ligeladi Caifás, odaa jogoyadeegitedicogi ligeladi-nelegi ninionigi romaanotedi ane liboonagadi Pilatos, jegepaa iige iditawece niigo noiigi judeu. Naga yelogotibige, jogoyooditedicogi Jesus minitaga Pilatos. Odaa agodakatiwece ligeladi Pilatos, leegodi lakatigi judeutedi yoli dogodakatiwece ligeladi eledi oko ane daga judeu. Odoitibige digica lapioyagajegi lodoe Aneotedogoji, igaataga leeditibige me yapiditibigiwaji odaa jogoyakadi moyeligo liweenigi lalokegi Páscoa. Joanigidaa leegodi midiaagiticoace we nigijo diimigi-nelegi, ligeladi Pilatos. 29 Odaa Pilatos ja noditice ligeladi, jigigo dakapetege, odaa jegeetiogi, “Amiini ica ananatitecetiwaji me libeyacegegi idoa goneleegiwa?” 30 Nogoigidi, modita, “Ajinadeegagatedagawa nigidoa goneleegiwa daaditigicata loenatagi ane beyagi”.

31 Odaa jegeetiogi Pilatos, “Enice adeegitetiwaji, akamaga awini nigica anemiitalo, iwitece ane ganajoinaganegeco”. Odaa nigijoa lacilodi judeutedi modi, “Agica gonagatetigi daga jeloataga oko, akamokakaami mida ganagatetigi”. 32 Joanigidaagee, jegeo micotece nigijo Jesus ligegi, me yalagate anodaagee me yeleo. (Leegodi ijokijo romaanotedi moyakadi moyeloadi oko oyototeloco nicenaganagate.)

33 Odaa Pilatos ja dakatiwece ligeladi, odaa jegeniditalo Jesus, naga ige, meetalo, “Ewi makaami ninionigi-eliodi judeutedi?” 34 Naga ninigodi Jesus, meeteta, “Ida anadigeetece

akamaga gadowoogo? Ogoa, eledi oko yelogoditagawa ane Ee?" ³⁵ Naga ninigodi Pilatos, meetalo, "Nigida me ee, agee judeu! Nigina akamaga gadoiigi inaaagina anoiige sacerdotitedi joanegepaa etigadajici meetaga. Enice amiini ica gadoenatagi?"

³⁶ Naga igidi Jesus, meeteta, "Ininioxigi agica aneetege nigina iigo. Digica aneetege ininioxigi nigina iigo, daganagawini niginoa iotaka odideletomi me dogoika modibatiwa judeutedi. Pida ininioxigi agica aneetege nigina iigo".

³⁷ Odaa Pilatos ja igetace Jesus, meetalo, "Enice, ida makaami, akaami inionigi-eliodi?" Naga ninigodi Jesus, meeteta, "Ee inionigi-eliodi, diganaleegalitigi gagegi. Joanigidaa leegodi me janitini, odaa ja janagi digoina iigo mejitece anewi. Nigina oko anida aneetege anewi, joaniginiaa wajipatalo yotaga". ³⁸ Odaa jegee Pilatos, "Amiijo ica anewi?"

Agoyemaa moikatedice Jesus

(Mateus 27.15-31; Marcos 15.6-20; Lucas 23.13-25)

Odaa Pilatos ja noditacicogi we me notaganeggetaciniwace judeutedi, meetiogi, "Agica jakaditece ane leegodi daga jiigenatakatalo nigidoa goneleegiwa moyeloadi. ³⁹ Pida geme gadakatigitiwaji manipokitiwa me jikatice oniniteci niwilogojegi nigina me nakatio gadalokegitiwaji anodita Pascoa. Emaani me jikatedice idoa ninionigi-eliodi judeutedi?"

⁴⁰ Odaa iditawece ja napaawagataceloco modi, "Baadegele daga ikanitedice. Bigida ikanitice Barrabás!" Barrabás one nigina goneleegiwa ane

doide, gonematagodi. (Codaa jonigica me idelege niodagawadi ninionigi-eliodi romaanotedi.)

19

Pilatos diigenatakatalo moyeloadi Jesus

¹ Odaa Pilatos ja diigenatakatalo Jesus monalaketedibige. ² Odaa nigijoa iodaḡawadi jogoyoetema lale, macataga nagana lale inionigi-eliodi, pida bogodatika lalepiḡigo moyoe. Odaa jogonixotinece lacilo Jesus, codaa onixomeḡetedinigi ajo caapa ocagataga nolidigolawogo liciagi nagana nicaapa inionigi-eliodi. ³ Odaa moditibigalo me napaawagateloco, “Niḡidoa ninionigi-eliodi judeutedi!” Odaa ja diiticogi moyametibigo, onabaketedice.

⁴ Odaa ja noditacicogi Pilatos we. Odaa jeḡetiogi, “Digawinitiwaji. Inadeḡitedicogi digoina wetice, amaleeḡaga anatitiwaji me digicata ane jakadi me leegodi daga jiigenatakatalo moyeloadi”. ⁵ Odaa Jesus ja noditedice we ajaḡajo lale lalepiḡigo anonixotinece lacilo, ajaḡajo caapa ane nolidigolawogo eledi anonixomeḡetinigilo. Odaa Pilatos jeḡetiogi, “Naganatitiwaji! Etidoa niḡidoa ḡoneleḡiwa!”

⁶ Niḡijo anoiḡe sacerdotitedi ijaḡijoa nowienogododi Aneotedogoji ligeladi nogonaditeḡe Jesus, odaa ja napaawagateloco, modi, “Otonitedeloco nicenaganagate! Otonite-dini!” Odaa jeḡetiogi Pilatos, “Adeḡitetiwaji, akamaḡa otonitedeloco nicenaganagate. Igaataga jakadi me digica anigetigida ane leegodi daga

jiigenatakatalo moyeloadi”. ⁷ Odaa nigijoa lacilodi judeutedi jogninigodi, modita, “Inoa gonajoinaganegeco. Odaa gonajoinaganegegi meetogowa me leeditibige me jeloataga, igaataga mee mone Aneotedogoji Lionigi”.

⁸ Igaanaga wajipata Pilatos lotaga lacilodi judeutedi, odaa jegepaanaga doi. ⁹ Odaa ja dakataciwece ligeladi, igo me igetace Jesus, meetalo, “Igame icogiticogi?” Pida Jesus aigidi. ¹⁰ Odaa jegeetalo Pilatos, “Igaamee ina me degemaani madigiti? Agowoogoti mida inagatetigi me gadikanitice, codaa mida inagatetigi me jiigenatakatagawa metigadotoniteloco nicenaganagate?”

¹¹ Naga ninigodi Jesus, meeteta, “Ida ganagatetigi leegodi Nigijoa ane ideite ditibigimedi me yajigotedagawa ganimawenegegi. Joanigidaa leegodi nigina ane idajigotagawa nelegi libatiigi caticedi gabatiigi.”

¹² Naga wajipatalo nigijoa lotaga Jesus, odaa Pilatos ja doletibige nigica nimawenegegitece Jesus me ikatedice. Pida nigijoa lacilodi judeutedi idokee me napaawagateloco, modi, “Nige ikanitedice nigidoo goneleegiwa, amakaami lokaagedi César, anokotawece godiige. Igaataga nigina ane dinanatigi me inionigi-eliodi, lakapetegi César”.

¹³ Nigijo Pilatos naga wajipata nigida nigege, odaa ja nadeegitedicogi Jesus wetice ligeladi. Odaa Pilatos jigigo nicotini manitaga nibaanco gonege, nigica aneitice nagani baanco liboonagadi “Godipodagaladi wetiga”. (Liboonagaditigi nioladi judeutedi me “Gabatá”).

¹⁴ Aniaditibige onidateci noko daga nakatio nalokegi Páscoa, nogodinoetege me naloogo. Ja doletibige me seis lakata, negeetiogi Pilatos nigijoa judeutedi, “Digawini! Etidoa ganinionigi-eliuditetiawaji!” ¹⁵ Pida idokee me napaawagateloco, modi, “Eloati! Otonitedeloco nicenaganagate meloati!” Odaa ja nigetiniwace Pilatos, meetiogi, “Ewi memaanitiwaji me jiigenatakatalo moyototedeloco nicenaganagate idoa ganinionigi-eliodi?” Pida nigijo anoiige sacerdotitedi modita, “Iniokini César me goninionigi-eliodi. Agica eledi goninionigi”.

¹⁶ Odaa Pilatos ja yajigo Jesus moyototedeloco nicenaganagate, odaa jogoyadeegi nigijoa iodaawadi.

Jesus nogoyototedeloco nicenaganagate

(Mateus 27.32-44; Marcos 15.21-32; Lucas 23.26-43)

¹⁷ Odaa ja noditedice Jesus, epaa yoyagaditedijo ajo licenaganagate. Odaa jigigotibeci minitaga lojotaagadi ane liboonagadi “Lojotaagadi godacilolibitagi”. (Nioladi judeutedi nigini liboonagadi “Gólgota”). ¹⁸ Joanigidiaa oyelite nogoyototedeloco nicenaganagate ijaagijoa itoataale goneleegiwadi. Odaa odoyate Jesus liwigotigi nigijoa itoa.

¹⁹⁻²⁰ Odaa Pilatos jegeote lidiko iditeloco taaboaliwai. Odaa ja diigenataka moyototeloco licenaganagate Jesus ditibigimedawaanigi lacilo. Iditini,

“JESUS ANE ELATEDIBIGE NAZARÉ,
NINIONIGI-ELIODI JUDEUTEDI.”

Oiditedi nigijoa lidiko me nioladi judeutedi, nioladi greegotedi, ijaa nioladi romaanotedi. Eliodi judeutedi oyalomegeteloco nagajo nidie, leegodi nigijo anoyelite Jesus moyototedeloco nicenaganagate ipegitege nigotaga. ²¹ Odaa nigijo anoiige sacerdotitedi modita Pilatos, “Jinaga eliiteloco nagada nidie ‘Ninionigi-eliodi judeutedi’. Pida idiiteloco ‘Mee me ninionigi-eliodi judeutedi’ ”.

²² Naga ninigodi Pilatos, meetiogi, “Ane jiditini, ja diniditini.”

²³ Igaanaga oigodi Jesus moyototedeloco nicenaganagate nigijoa iodaḡawadi, odaa jogodibatalo lowoodi, odaa jogodinilaagaḡaditigilo onaditecibige nigijoa cwaatolo iodaḡawadi. Odaa yeyagatice onajoteci nagajo nitoonicogo, anadatawece me lipegetege adinapeegi. ²⁴ Odaa ja dinotaganega, midiokiditiwage, modi, “Agele daga jaagataga nagada toonicogo. Pida jiwinaga nigica anepaga dinetetece. Odaa ane dinete ja nebi nagada toonicogo.” Nigida niciagi eo micotece nigijo aneeta Aneotedogoji lotaga, nigijo mee, “Odinilaagaḡaditigi yowoodi, codaa oiwi anepaga dinetetece, odaa ja nebi initoonicogo.” Odaa nigijoa iodaḡawadi jigidaaḡodigotalo nigijoa lowoodi Jesus.

²⁵ Ada mipegitege nagajo licenaganagate Jesus nagajo eliodo, ajo nioxa, ajaagajo Maria lodawa Clopas, ajaa Maria Madalena eledi ada miditaga.

²⁶ Igaanaga nadi Jesus nagajo eliodo, ijaagijo

nigijo ane-diotibece ane dagaxa me yemaa, odaa jegeete nagajo eliodo, “Iniotagodo. Nigidoda goneleegiwa. Ademii micataga daga gadionigi”.

²⁷ Nigidiaagidi Jesus jagaga eete nigijo ane-diotibece, “Nagada iwaalo. Ademii micataga daga gadiodo”. Odaa nigijo ane-diotibece Jesus ja yadeegi nagajo eliodo Jesus me noiigiwa digoida ligeladi ijaagijo nigijo noko.

Jesus nagayeleo

(Mateus 27.45-56; Marcos 15.33-41; Lucas 23.44-49)

²⁸ Nigidiaagidi Jesus ja yowoogodi naga igodi inoatawece ane leeditibige meote. Odaa jegeo micota nigijo aneeta Aneotedogoji lotaga, nigijo negee Jesus, “Ideloadi ecibi”.

²⁹ Ada ajo lagaagaxi viinyo ane daga dakake loojedi (anepoka lacipagadi niginoda madewetedi). Odaa jogoititinigi nigijo viinyo nagajo ane liciagi coxao. Odaa jogoigoeteloco nigijo iwogo anoyakagidi libiwe “hissopo”. Odaa jogoyatiwece nioladi Jesus. ³⁰ Igaanaga ici Jesus nigijo viinyo, odaa jegee, “Ja jigodi inoatawece ane leeditibige me jaote.” Naga noletedini, odaa ja yopilagadite liwigo Eliodi.

Ica iodağawa yapoace liwai Jesus yatitalo apoc-enigi

³¹ Nigijo noko judeutedi jogodinoetege nalokegi, odaa nigijoa lacilodi judeutedi agoyemaa digidiaagite nigijoa goneleegiwadi midoataga licenaganagatedi degepaaeledi noko, leegodi me saabado, noko dagaxa me gonegegi. Joanigidaa leegodi modipokota Pilatos me diigenatakatiogi

moninoketedini litili nigijoa goneleegiwadi anoyototelogo nicenaganagatedi (owotibige me age me nigo), odaa jogonikatiniwace nicenaganagatedi. ³² Odaa nigijoa iodaḡawadi jigigotibeci, odaa jogoninoketedini litili nigijo odoejegi goneleegiwa anoyototini. Odaa nigidiaagidi jaḡaḡa otota moninoketedini litili nigijoeledi goneleegiwa anabotege Jesus moyototedini. ³³ Pida nigidiaagidi naḡaḡa ototalo Jesus, odaa jogonadi mewi naḡa yeleo. Joanigidaa leegodi me daḡadiaagoninoketedini litili. ³⁴ Odaa jigijo iodaḡawa ane dibata napocenigi, odaa ja yapoace liwai Jesus. Odaa jaḡanado lawodi, ina ninyogodi. ³⁵ Nigijo ane nadi yalaḡata nigida niciagi eotibige makaami eleditetiwaji iwaḡatakani. Yatemati anewi, codaa ijaagijo yowoogodi mewi niginoa latematiko. ³⁶⁻³⁷ Inoatawece niginoa ane jinataḡa eotibige me icotece nigijoa aneeta Aneotedogoji lotaḡa, nigijo mee, “Aḡica otigiditece ḡabitagi ane dinoke”. Eledi mee Aneotedogoji lotaḡa, “Oiwitibigimece nigijoa anoyojogotalo apocenigi”.

Jesus oixotediwece lawimaḡajegi-wetiḡa mon-aligitedini

(Mateus 27.57-61; Marcos 15.42-47; Lucas 23.50-56)

³⁸ Nigidiaagidi José anelatibige nigotaḡa Arimatéia jigigo yotaḡaneḡe Pilatos, dipokota me yadeegi lolaadi Jesus. Joséeledi diotibece Jesus, pida baḡa dinaḡaditi me diotibece, igaataḡa doitiogi nigijoa lacilodi judeutedi. Igaanaga dipokotalo, odaa Pilatos ja ikatece. Odaa José

jigigo nikatedini Jesus madataga nicensaganagate.
³⁹ Nicodemus ijo migo lixigagawa José. Nicodemus, nigijo ane igo yotaganene Jesus nigijo enoale naga diiticogi me niigaxitediniwace oko. Nicodemus me lixigagawa José yadeegi triinta ciilo ladokojegi anodita “aloés” awatege ica “mirra”. ⁴⁰ Odaa José ijaa Nicodemus jogodibata lolaadi Jesus, odaa jогоilipaditigi nigelateli, oyatitibige nigijo ladokojegi. Owo anepaa lakatigi judeutedi moyoetini nigina némegegi anoixotiwece wetiga-lawimagajegi. ⁴¹ Nigijo anoyelite Jesus moyototedeloco nicensaganagate ipegitege ijoa nawodigijedi niale lawogo aneitice nigijo lawimagajegi-wetiga gela moigodi, analeedigicata émegegi anoixotiwece. ⁴² Odaa jigidiaa oixotediwece lolaadi Jesus, leegodi nigijo lawimagajegi-wetiga бага ipegitege aneiticoace, codaa eleditace leegodi naga nipegi me nakatio nisaabado judeutedi. (Limedi me nipenaga).

20

Agaleegica lolaadi Jesus midataga law-imagajegi-wetiga

(Mateus 28.1-8; Marcos 16.1-8; Lucas 24.1-12)

¹ Nigijo naga domiingo me nigoitijo, eginaa nexocaga, odaa Maria Magdalena jigigo midataga wetiga-lawimagajegi anoyatice lolaadi Jesus. Odaa ja nadi nagajo wetiga nelegi ane nibatoo lawimagajegi-wetiga aneitice lolaadi Jesus naga dawililetice. ² Odaa ja walokodi migo midataga Simão Pedro, ijaagijo ane-diotibece Jesus lemaanigi. Odaa jegeetiogi, “Jogonogowa

Goniwa-aagodi lolaadi, age-eegica midataga wetiga-lawimagajegi, ajowoogotaga nigica anoyaticogi lolaadi.”

³ Odaa Pedro ijaagijo lokaagedi jagagigotibeci midataga wetiga-lawimagajegi anoyatice lolaadi Jesus. ⁴ Nigijoa itoa ja waledi, pida nigijo

eledi dagaxa me dawé, odaa odoejegi me icota anoyatice lolaadi Jesus, ijaa Pedro ja nalatigi.

⁵ Igaanaga dakagitini nigijo anodoejegi micotio, iwitiwece nigijo anoyatice lolaadi Jesus, odaa ja nadi nigijoa lipatagaxiidi Jesus, pida adakatio.

⁶ Nigidiaagidi Simão Pedro jagagicotio, odaa jegepaga dakatio. Odaa ja nadi nigijoa lipegetege anoilipaditigilo Jesus, idiaagitedice nigijo ane iwote. ⁷ Eledi nadi nagajo leenxo anoilipaditece

lacilo Jesus. Nagajo leenxo agawatege nigijoa lipegetege lipatagaxiidi, pida digeticogi eledi liwai, dinokomoke. ⁸ Nigijo lokaagedi Pedro

anodoejegi mico, jagaga dakatio. Igaanaga nadi, odaa jegetiwagataka mewi naga yewigatace Jesus.

⁹ Pida egidaagee maleedogoyowoogodi nigijo aneeta Aneotedogoji lotaga, me leeditibige me yewigatace Jesus.

¹⁰ Nigidiaagidi nigijo itoataale anodiotibece Jesus jogopiticogi ligeladi.

Maria Madalena nadi Jesus

(Mateus 28.9-10; Marcos 16.9-11)

¹¹ Maria Madalena idiaa dabidite wetice miditaga anoyatice lolaadi Jesus, anoetibece. Egidaagee manoetibece, naga dakagitini me iwitiwece catiwedi. ¹² Odaa ja nadi icoa

itoataale aanjotedi yapacaga lowoodi. Idiaa

nicotiniwace miditaga anoyatice lolaadi Jesus. Onijoteci nicotini digeticogi lakaagadi nigijo ane iwote Jesus, ijo eledi бага nicote ane dojitedicogi logonaka. ¹³ Odaa jogoige, modita, “Iniotagodawaana. Igaameni ina me anoenitibece?” Naga ninigodi, meetiogi, “Jinoetibece le-eegodi age-eegica lolaadi Iniwa-aagodi, jogoyadeegi, ajowoogodi nigica anoyaticogi”.

¹⁴ Igaanaga nigotini me dotaga, naga nawi-ilitetijo, odaa ja nadi Jesus, dabiditedi, pida ayowoogodi nigidaagidoa. ¹⁵ Odaa ja ige Jesus, meeteta, “Iniotagodo. Ame leegodi me anoenitibece? Amiijo ica anoleetibige?” Maria diletibige digijigijo nowienogodi niale lawogo. Odaa jegeetalo, “Iniwa-aagodi. Nige naga-aamaga anogowaatice lolaadi Iniwa-aagodi, adiwikodeni anelogotitiwa nigica ana-aanite, odaa jadeegoda.” ¹⁶ Odaa jegee Jesus, “Maria!” Naga nilokotijo, odaa ja igidi, yatitalo ioladi hebraico, meetalo, “Raboni!” (Amina anejinaga “Iniigaxinogodi”).

¹⁷ Odaa jegee Jesus, “Jinaga domaga abaatiloco, igaataga anaga jopitibigimece Eiodi. Pida emii opilitio, enitiogi inioxoadipi mejigo miniwataga Eiodi ane Gadiodi, Inoenogodi ane Ganoenogoditetiwaji”.

¹⁸ Odaa Maria Madalena jogopitio, odaa ja yatematitioji nigijo anodiotibece Jesus me nadi Goniotagodi, codaa yatemati ijoatawece nigijoa aneeteta.

*Jesus jagaga dinikeetediogi nigijo anodiotibece
(Mateus 28.16-20; Marcos 16.14-18; Lucas 24.36-49)*

19 Ijaagijo nigijo domiingo, naga gocidi, nigijo anodiotibece Jesus idiaagi yatecogo catiwedi di-imigi, onibattoo lapoaco, leegodi odoitibige nigijoa lacilodi judeutedi. Pida codaagidoateda Jesus li-wigotigi me dilapode, odaa jegeetediogi, “Jemaa mele gadaalegenalitiwaji!” 20 Igaanaga nigotini nigijo ligegi, odaa ja ikeetediogi libaagatedi, li-wai ane yapoace apocenigi. Nigijo nogonadi Goniotagodi, odaa eliodi me ninitibigiwaji.

21 Odaa jegeetacediogi Jesus, “Jemaa mele gadaalegenalitiwaji! Natigide ane igotediwa Eiodi me idimonya, jigidaagejigotagawatiwaji me gadimonyaa mawii ane jemaa.” 22 Igaanaga nigotedini me notaganegetediniwace, odaa ja nawetediniwace, codaa meetediogi, “Abaategetiwaji Aneotedogoji Liwigo. 23 Odaa nigipokitalo Aneotedogoji me napitagadi libeyacegeco eledi oko, odaa Aneotedogoji jagaga napitagadi nigicoa libeyacegeco. Nige degemaani Aneotedogoji me napitagadi oko libeyacegeco, odaa Aneotedogoji anapitagadi nigicoa libeyacegeco.”

Jesus dinikeeteta Tomé

24 Onijoteci nigijo dooze anodiotibece Jesus ane liboonagadi Tomé ane nikoxeedi me “Owaadi”. Tomé agica nigijo noko Jesus nigicotediogi me dilapode nigijo eledi anodiotibece. 25 Odaa nigijo eledi anodiotibece modita Tomé, “Jinataga Goniotagodi”. Pida Tomé dawienataka, meetiogi, “Nige daga jinaditeda adotonadi libecoli liwigotigi libaagadi, codaa nige daga jixotiwece inibedona, codaa nige daga jibatiwece nigijo elaciledi

liwai moyojogotalo apocenigi, otegeaagaga ejiwagatakanawaanigi.”

²⁶ Igaanaga ixomagedice seete nokododi, odaa nigijo anodiotibece Jesus ja yatecogotace ijaagijo nigijo aneiticoace, pida Tomé jigini mawatiogi. Idoatawece epoaco dinoxoco. Codaagidoataceda Jesus, nagawatediogi, odaa jegeetediogi, “Jemaa mele gadaalegenalitiwaji!” ²⁷ Odaa jegeeteta Tomé, “Dige adeoni ganibedona digoina, codaa digawini ibaagatedi. Abaatiwece eyaciledi digoina iwai. Ikani mawienatakani, bigida iwaagatakanani”. ²⁸ Naga ninigodi Tomé, meetalo, “Iniotagodi, me Inoenogodi”. ²⁹ Odaa jegeeteta Jesus, “Eka iwaagatakanani leegodi nagadati. Eliodi linikegi nigina ane idadiwagadi, idaagida me digicata me idadi”.

Ane leegodi me diniditini nagadi notaganagaxi

³⁰ Owidi eletidi godoxicegetedi Jesus aneote lodoe nigijo anodiotibece. Pida agicoa daga diniditelogo nagadi notaganagaxi. ³¹ Pida niginoa notaga diniditedini amaleegaga iwaagatakanitiwaji Jesus me nigijaagijoa ane niige Aneotedogoji meote godewiga, codaa me Lionigi Aneotedogoji, codaa amanagawini nige iwaagatakanitiwaji, odaa idiokaanaga limedi me gadewikitema leegodi nagatetigi Jesus.

21

Jesus dinikeetediogi nigijo anodiotibece digoida nipodigi Galiléia

¹ Nigidiaagidi Jesus ja dinikeetacediogi nigijo anodiotibece liniogotibece weiigi anodita

“Tiberíades” (eledi oyatigi me Galiléia). Digawini anodaagee me dinikeetediogi. ² Ini Simão Pedro, Tomé ane nikoxeedi me “Owaadi”, Natanael anelatibige nigotaga Caná nipodigi Galiléia, ijoa itoataale lionaga Zebedeu, ijaagijoa eletidi itoataale anodiotibece Jesus. ³ Odaa jegeetiogi Simão Pedro, “Ejigo jomiige”. Odaa nigijo eledi modita, “Okó, iniga akaami godixigagawa”. Odaa jigigotibeci, jogowaxoditinigi ajo niwatece, odaa ijotawece nigijo enoale agica libakajetegi otigiditece nojojegi.

⁴ Igaanaga yelogotibige, naga nodi aligege, Jesus idiaa dabidite liniogotibece weiigi, miditaga ijo dotiwadi. Pida nigijo anodiotibece agoyowoogodi nigidaagidoa. ⁵ Odaa ja dapaawetediogi, mee, “Ionigipi. Agica gabakajetegi nojojegi?” Nogoninigodi, moditalo, “Amitigica ica gabakajetegi”. ⁶ Odaa jegeetediogi, “Okoleniticogi gadeladitiwaji eledi gawai, ane digeticogi gobaagadi, odaa bagabaatalotiwaji nojojedi”. Odaa jogoyokoletace leladi. Agica daga leegi, agalee domogoyakadi nigijo leladi moixigitinigi catinedi liwatece, leegodi owidi nojojedi anodibatalo.

⁷ Odaa nigijo ane-diotibece Jesus ane dagaxa me yemaa, joanigijaageeta Pedro, “Nigidoa jigidaa Goniotagodi”. Igaanaga wajipata Simão Pedro modi Goniotagodi, odaa ja dinixotinigi nicaapa, leegodi noga lowoodi me domiige. Naga dinixotinigi lowoodi, odaa ja ipoditinigi ninyogodi, igo midi dotiwadi. ⁸ Nigijoa eletidi lokaagetedi бага owaxoditinigi niwatece, onixigitita neladi nolee nojojedi, leegodi aleegita moyototice linio-

gotibece, onexaa onaniteci taalia meetilo moyetecetice nigijo dotiwadi ane dabidite Jesus.

⁹ Igaanaga digetitacicoace daato, odaa ja waxoditicoace liwatece, odaa jogonadi ini noledi jiginoa ligoli, idiaa nogojedi ditibigimedi, idiaagidi paon. ¹⁰ Odaa jegeetediogi Jesus, “Awiite manadeegi nigidiwa nogojedi ane geladi mabaatalotiwaji”.

¹¹ Odaa Simão Pedro ja waxoditacinigi nağajo niwatece, odaa ja ixigitijo nigijo neladi, yadeegiticogi lipenagadi. Nolee nigijo neladi, 153 nogojedi nelecoli. Diganee me nolee nigijo neladi, pida adawalace. ¹² Odaa jegeetediogi Jesus, “Anagitiwaji, aniodi”. Pida ağica anabo laalegena daga ige degeetalo, “Amakaami?” Leeğodi jogoyowoogodi niginiaaginiwa Goniotagodi. ¹³ Odaa Jesus jegenagi miditaga, naga dibate ijo paon, odaa ja nediatediniwace. Odaa nigijoa nogojedi idaağigote.

¹⁴ Jigitoatadiğida Jesus me dinikeetediogi anoditibece nigijo naga yewigatace.

Jesus yotaganee Pedro

¹⁵ Igaanaga niataga me niodaga, odaa Jesus jegeeteta Simão Pedro, “Simão lionigi Jonas, ademaani caticedi nigina eledi metidemaa?” Naga ninigodi meetalo, “Jigidaagee Iniotagodi, gademaani. Codaa owoogoti me gademaani”. Odaa jegeete Jesus, “Enice, owieni iniwaxacocoli!” ¹⁶ Odaa Jesus ja igetace, meeteta, “Simão, lionigi Jonas, ida makaami ademaani?” Naga ninigodi meetalo, “Iniotagodi owoogoti me gademaani”. Odaa jegeete Jesus, “Enice, adowetitelogo iniwaxacocoli!” ¹⁷ Odaa jigicota me itoatadiğida

me ige, meeteta, “Simão, lionigi Jonas, ida makaami ademaani?” Odaa Pedro jagagecagalo leegodi jigitoatadigida Jesus me ige meeteta, “Ida makaami ademaani?” Odaa Pedro jegeetalo, “Owoogoti inoatawece, Iniotagodi. Owoogoti me gademaani”. Odaa Jesus jegeeteta, “Enice, adowetitelogo iniwaxacocoli! ¹⁸ Codaa atacolitece nigida anejitagawa. Nigina maleegakaami lioneege, adinoeni, odaa jegemii anemaani me aaticogi. Pida nigakaami oxiiigodi, odaa jigixokenitedice gabaagatedi. Nigenagi eledi, odaa ja igoe gabaagatedi, gadadeegiticogi ane daga domegemaani me aaticogi.” ¹⁹ Jesus eote nigida ligegi me ikee anodaagee Pedro lemegegi, me ilecatiditibigimece Liboonagadi Aneotedogoji. Odaa jegeeteta Pedro, “Aniwitici!”

Jesus yalagate nigijo ane-diotibece ane dagaxa me yemaa

²⁰ Igaanaga noletijo Pedro, odaa ja naditege nigijo ane-diotibece Jesus ane dagaxa me yemaa, ina me dilokotiogi. Joanigijaa dawaketeloco elipije Jesus, nigijo me niodaga me Páscoa me ige Jesus, meetalo, “Iniotagodi, amiijo ica ane gadajicitiogi ganelogododipi?” ²¹ Igaanaga naditege Pedro nigijo ane-diotibece Jesus lemaanigi, odaa jegeetalo, “Iniotagodi, igamagagodaageeta lewiga ina goneleegiwa?” ²² Naga ninigodi Jesus, meeteta, “Agica anenitege nige jemaa me yewiga nigepaagicota me idopitijo. Pida akaami leeditibige maniwitici!”

²³ Odaa jigigotice enalaganegégi miditaga nigijo anodiotibece Goniotagodi, modi me daga yeleo

nigijo lemaanigi Jesus. Pida anigidaageyatedigi ligegi Jesus, onexaageeteda, “Agica anenitege nige jema me yewiga nigepaagicota me idopitijo.” ²⁴ Nigijo ane-diotibece Jesus lemaanigi joanegepaa yelogodi niginoa notaga, codaa jegepaa iditedini, codaa jowoogotaga mewi niginoa aneetalo.

Ijoa owidi eletidi Jesus loenataka

²⁵ Ijoa owidi eletidi Jesus loenataka. Digidiwatawece diniditedini, ejitibige me daga domagabo nigina iigo nigicoa notaganagaxiidi daga diniditedini ijoatawece loenataka. Odaa jigidaagee. (Amém).

Gela Liwai Lotaḡanaḡaxi Aneotedoḡoji New Testament in Kadiwéu (BR:kbc:Kadiwéu)

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 21 Feb 2024 from source files
dated 29 Jan 2022
7128a549-e957-5460-8c56-0f5281edf264